

# MVUTUKULU YA YINTI-KENTO YA MAKWELA



Matondo na nge, Mpangi Orman. Nzambi sakumuna nge.

Mbote, bankundi. Mpe ya kele bweso na kuvutuka na tabernacle, na suka yayi ya mbote ya Paki, samu na kusambila, mvumbukulu ya nene ya Mfumu ya beto ya ntalu mpe Mvulusi, Yesu Klisto.

<sup>2</sup> Mu ke zola kutuba ti mu vwandaka kieleka... Bansangu nyonso yina mu me kuwaka ntete pasteur ya beto kulonga, ya vwandaka mosi ya kulutula mbote ya yandi samu na suka yayi. Mu kwendaka na yinzo mpe tubaka na kento ya munu. Mu tubaka, “Cherie, yayi kele suka mosi nge me kondwa yawu, samu ti nge me vumbuka ve na ntangu ya mbote.” Ya vwandaka ya kulutula mbote yina mu kuwaka na zulu ya mvumbukulu, na luzingu ya munu nyonso. Mu me kuwaka ata fyoti ve kima ya kulutula mbote, na zulu ya mvumbukulu kulutula yina pasteur ya beto pesaka beto na suka yayi. Nsangu mosi ya ke yitukisa, mpe nyonso ya mbote na kisika ya yawu. Yina ke lakisa, ti, ntangu kupakulama ke simba muntu, beno me mona, yina—yina ke salama. Yina ke sala kima mosi na ntangu yina. Mpe na yawu beto kele na kyese ti—ti Nzambi me pesa beto pasteur yayi ya mbote.

Mpe ntangu yayi mu zola kutonda mosi na mosi ya beno nionso.

<sup>3</sup> Beto me vwanda awa ntangu yayi mwa ntangu fyoti, na bantangu ya kuswaswana, na manima mpe na ntwala, kasi mu ke kwenda samu na bilanga ya kumwangisa nsangu ntangu yayi, mutindu beno zaba. Sabala yayi, mu ke kwenda na ba-Indien Cri, kuna na Colombie Britanique. Na manima kuna, na kati kuna, na Fort St. John. Mpe kuna, na été yayi, kana Mfumu zola, mu ke kwenda na... nyonso na Cote Ouest, kuna na Esete, mpe—mpe kuna na Cote Ouest, mpe kuna na Alaska, Anchorage, na Alaska, mpe na kulutula kuna. Mpe kuna, mu banza, katuka kuna, Mu ke na kuwa nsatu ya kukwenda na Afrika mpe bisika yankaka ya yinza, samu na hiver yina ke kwiza. Na yawu ya ke vwanda mu banza na mwa ntangu ntete mu vutuka dyaka awa na tabernacle. Na kutala, ya ke vwanda na Ngonda ya nana to bantangu yankaka na automne yayi, ntete mu vutuka dyaka.

<sup>4</sup> Mpe mu zola kutonda beno nionso samu na kusala ngwisani ya beno ya mbote, samu na nionso yina beno me sala. Mpe beto ke na kiadi ti beto ke na bisika ya kuvwanda ve samu na bantu awa na basuka yayi. Beto kele na kati ya dikani ya kutunga ntangu

yayi, mutindu beno zaba, samu na kutunga yinzo-Nzambi ya nene mingi, ntangu . . . samu na balukutakanu yayi. Mpe na yina mu banza yina ke kota na kosalu ntangu yayi. Ba ke banda na kutunga yinzo-Nzambi. Ntangu yayi kuvwanda . . .

<sup>5</sup> Mpe, mu zola kutonda mosi na mosi ya beno samu na . . . samu na makabu, bakalati ya mbutukulu, bakalati ya Paki, makabu yina nge pesaka Billy, mpe ya kuswaswana, samu, ya . . . mpe samu na yina ya munu; Mpangi Wood, mpe mingi ya bawu. Mu ke sepela na yawu nyonso.

<sup>6</sup> Mpe mosi na mosi ke kwiza mpe ke tuba . . . Beno zaba ve yinki kizitu ya kele. Muntu mosi ke kwisa mpe ke tuba, “Ntangu yayi beto zola mona Mpangi Branham. Beto zola mona tata ya nge,” nionso yina. Mpe yandi tubaka, “Dititi kele ya kufuluka.” Na yina, oh, beno zaba ve yina ke yangisa beno, ntangu beno—beno—beno ke kuma ya kulutila kaka. Ya kele kaka yina beno lenda sala.

<sup>7</sup> Mu—mu ke zola kulutisa ntangu ya yinda na mosi na mosi, ti beto lendaka vwanda. Mpe mu banza kusala yawu kilumbu mosi. Kasi ya lenda vwanda ve, na zulu ya ntoto yayi, samu ti ya kele na bantu yina ke kwizaka awa na yinza ya muvimba, beno me mona, bisika nyonso na yinza. Sabala yayi, ya me vwanda na bantu ya bayinsi mingi awa, mpe yina ba me solula na bawu mpe ba me sambila samu na bawu, na sabala yayi, na bayinsi ya muvimba na yinza ya muvimba.

<sup>8</sup> Mpe kana ya vwandaka kaka mwa dibuundu ya beto ya fioti ya kisika yayi, awa na Jeffersonville, Mu lendaka sepela kubaka bangunga zole to tatu na mosi na mosi, mpe kubaka bima na nsi kuna mpe kubasisa bawu. Kasi, beno me mona, na ntangu yina ya lendaka vwanda, beto tuba, ba ke bokila tanu, to, mu banza, ba ke bokila zole kaka na kimvuka ya beto mosi, ya kele na nkama mosi to zole na yinza ya muvimba, na ntangu mosi zole yayi ke na kwiza. Na yawu ya vwandaka na mafunda ya kieleka yina mu lendaka simba ve, ata kisika mosi ve, beno me mona, bantu. Mpe balubokilu “Kukwisa *awa*, mpe kukwenda *kuna*,” na yinza ya muvimba, ba ke tinda beto ba biye ya mpepo, bisika nionso, “Beno kwiza, beno sambila samu na bambevo,” kasi beno lenda ve kusala yawu.

<sup>9</sup> Na yawu, bantu ke na kiadi. Mu ke vwanda, mpe. Kasi mu ke zolaka kaka, na suka yayi ya Paki, samu na kusala funguna ya munu, samu na kutuba ti—ti mu zaba ve yinki kusala samu na yawu. Ya kele kaka na mingi, beno zaba, samu—samu na kukwenda, mafunda mpe mafunda ya bantu na yinza ya muvimba. Mu me sala nzietelo ya munu ya sambwadi na yinza ya muvimba, mutindu beno zaba. Mpe mu ke na mbundana ya munu mosi na mafuku kumi ya bantu na yinza ya muvimba.

<sup>10</sup> Na yina beno lenda banza mutindu—mutindu ya kele, wapi mutindu ya kizitu yina kele na zulu ya beno. Mpe na bantangu

mingi beto ke kutana na mwa bakubenda, mpe mu zaba ti beno ke kuzwaka yawu, mpe, mpe mwa bakubenda. Kasi beno banza na bawu ti mu kele na yawu, bakiadi yina mu me kuzwa, ntangu bamama ya kubela ke bokila na alo-alo, na kutubaka, “O Nzambi . . .’ Mbote, vingila kaka minuti, Mpangi Branham. ‘Mfumu Yesu, mu—mu—mu ke sambila ti Nge ke fidisa yandi.’” Mpe—mpe mu ke ndima alo-alo na muntu yankaka, mpe *awa*, mpe *awa*, mpe *awa*, mpe bisika nyonso na yinza ya muvimba. Beno zaba mutindu ya kele. Mpe ya—ya kele pete-pete ve ntangu muntu mosi kele na nsongi ya alo-alo, kele na bébé ya kubela, to bakala ya kubela, to kento ke na kufwa, ke sambila samu ti beno kwiza. Ntangu yayi, beno lenda banza.

<sup>11</sup> Kukondwa ntembe ti mu kele muntu ya kidi-kidi. Ya kele kaka . . . Ya kele mingi samu na kusala mosi. Kasi mu me sala kima mosi yayi, na kisika ya kusukisa yawu. Mu mekaka na kukangama ngwi, na kukangaka meso ya munu na Calvaire mpe kulandila na kukwenda, kaka mutindu Yandi zolaka ti mu sala. Mpe bifu mingi ya munu, mu ke sambila ti Nzambi ke lemvočila munu bima, ti mu banza ti mu zolaka kwenda kisika mosi mpe kukwenda ve. Mu kele kaka muntu, mpe lenda . . . mu ke salaka bifu.

<sup>12</sup> Ya kele na mwa, mwa kima mosi ya kitoko yina ba tubaka awa na manima ya yinzo, na suka yayi, ntangu mu vwandaka basika na lukutakanu ya kubasika ya mwini.

<sup>13</sup> Mu kele na nkundi mosi ya ntalu. Yandi kele kaka awa kisika mosi kuna. Yandi me katuka na Chicago. Nkumbu ya yandi kele Stewart. Yandi kele pene . . . Ed Stewart, mu banza ti yandi kele na bamvula makumi sambwadi, to kulutila mbote. Mpe yandi kutanaka na munu kuna. Mpe yandi ke vulusa kikunku ya kumi ya yandi ya mbongo na ba-centime kumi. Mpe yandi pesaka munu paké ya muvimba ya mbongo ya bisengo, na kutala mutindu *yina*. Mpe, oh, mu zaba ve, mu . . . Ya kieleka, ba ke kwendaka na kisalu ya nzenza, na kisalu ya kumwangisa nsangu.

<sup>14</sup> Mpe nkundi ya yandi ya mbote, mpe ya munu, Mpangi Skaggs, Leonard Skaggs, ya Lowell, na Indiana, vwandaka ya kutelema kuna. Mpe mu zabaka ata fioti ve na ntwala; ti yandi vwandaka Franc-maçon. Yandi vwandaka me lwata buto ya ba-Franc-maçon. Beto vwandaka zonzila ntumunu ya ba-Franc-maçon.

<sup>15</sup> Mpe na yina Mpangi Stewart tubaka na munu, yandi tubaka, “Mu zola nge, Mpangi Branham, mpe mu ke zola kuzonza na nge.” Beno lemvočila munu samu na nzonzolo yayi. “Kasi,” yandi tubaka, “nge kele na mpasi mingi na kukuma na nkonga ya bakento ya ba-Turque.”

<sup>16</sup> Muntu mosi tubaka na munu, ntama mingi ve, yandi tubaka, “Mu kele na kyese ti Mfumu kele ve mpasi na kukuma.” Mbote,

mu zola ve kuvwanda mutindu *yina*. Mu zola bantu. Kasi mu . . .  
Beno banza kaka . . .

<sup>17</sup> Mu kwendaka na yinzo mpe mu tubaka na kento ya munu, mpe beto vwandaka na mesa mpe vwandaka seka, wapi mutindu ya ke vwanda *mpasi* samu na kukuma na nkonga ya bakento ya ba-Turque, beno zaba. Na yawu—na yawu mu . . .

<sup>18</sup> Mu banza ti ya kele ve mpasi mingi *yayi*, Mpangi Stewart, kana nge kele dyaka awa na kati. Kasi mu ke ndima ti yina vwandaka mwa mutindu ya kusekisa yina salaka mutindu ti beto nionso kuseka.

<sup>19</sup> Na yawu, mu zola kumona muntu nyonso. Mpe mu zola muntu nyonso. Ya kele kieleka. Ata ti bawu kele nkundi to mbeni, ya kele kaka mutindu mosi.

<sup>20</sup> Mpe ntangu yayi ya kieleka mu ke lomba bisambu ya beno samu na munu, na lukutakanu yayi ke kwisa. Mu ke kwenda na kati-kati ya ba-Indien. Mpe beno zaba, beno, ntangu beno kele na Rome, beno fwana vwanda mu-yinsi Rome; mpe ntangu beno kele na ba-Indien, beno fwana zinga mutindu ba-Indien.

<sup>21</sup> Nkundi ya munu ya missionaryaire, yina kele nkundi ya munu ya kuzomba, kisika mu vwandaka, kuna na bala-bala ya nene, Alaska ya Bala-bala ya nene. Ntwenya mosi ya bakala ya mbote, mpe kento ya yandi, na yinzo mosi ya mbote. Mpe munu . . . Maboko kudiaka, na kati kuna, mpe bisika nionso na manima ya makutu ya yandi mpe nionso yina. Mpe mu vwandaka kukiufula yinki vwandaka diambu na yandi, “Yandi kuzwaka eczema?” Ya vwandaka samu na banzenga mpe binsekwa, kisika yina yandi zolaka kuzi- . . . mutindu yandi zolaka kuzinga kuna. Mpe na yawu beno fwana zinga kaka na bantu, samu na kununga bawu na Klisto. Ba kele difwa ya Klisto. Bawu kele bantu yina Yandi kufwaka, mpe muntu mosi fwana kwenda na bawu.

<sup>22</sup> Mpe mfumu vwandaka na zulu ya mosi ya balukutakanu ya munu ntama mingi ve na node, mpe Mpeve-Santu na lukutakanu, to kuna na terrain ya camping, na zulu ya ntoto (yinzo ya lusambusu ya bizieti, mu banza ya vwandaka), bokilaka nkumbu ya yandi, mpe nani yandi vwandaka, mpe yina yandi salaka. Mpe, oh, la la, yina sukisaka kaka yawu, na yandi. Yandi zabaka ti bantu lendaka ve kusala yawu; ya fwana katuka na Ngolo nyonso.

<sup>23</sup> Na yina, mfumu yina yokaka lweka yina na tiya, lweka na lweka kuna. Mpe beto ke kuzwa balukutakanu na kati ya mwa masuwa ya vwale, na bisika yina beto ke kwenda, na Portland, mpe ntama kuna, mpe kuna na lweka, mpe na bisika yankaka, na ba-Indien Cris, bayina ba me yambulaka. Mingi ya bampangi, yina kele na balukutakanu ya nene, lendaka ve kukwenda na yawu. Ntangu yayi, ba-Indien . . .

<sup>24</sup> Ya ke vwanda ve na mbongo mosi ya kisengo . . . Mutindu beno zaba, mu ke bakaka ata fioti ve dikabu mosi na

balukutakanu ya munu. Mpe mu ke bakaka mbongo ve. Kasi dibuundu awa kele—kele na kusimbisa lukutakanu yina na ba-Indien. Mosi na zulu ya kumi ya beno ya mbongo, mpe nyonso yina, ke kufuta, samu na kunata Nsangu yayi ya mpulusu mpe mpulusu na ba-Indien yina ya mputu, yina me longukaka ve.

<sup>25</sup> Mpe na manima ya nionso, bawu kele ba-Americanin, beno zaba. Beto kele banzenza dyaka ve, beno me mona. Beto me kota mpe me baka yawu na bawu. Mpe beto zola . . . Mu lenda vutula bawu ve yinsi ya bawu, kasi mu lenda pesa bawu kivuvu na Klisto, yina ke tula beto kintwadi mutindu kimpangi kilumbu mosi na Yinsi mosi wapi kisika ya kele ve na mvita mpe kubaka yinsi, mosi na yankaka. Ya ke vwanda na Yinsi mosi, kisika samu na bantu nionso. Mu ke vutula matondo ntangu ntangu yina ke kwiza, kana baya munu nyonso ya luzolo me kuzwa mpulusu mpe me kubama na ntangu yina.

<sup>26</sup> Ntangu yayi, mu kele na bankundi mingi yina mu ke na kumona, ya kuvwanda na ziunga awa, mutindu mu vwandaka zonga. Mu ke kwikila ti mu me mona Mpangi-kento . . . Mu lenda banza ve na nkumbu ya yandi. Ya vwandaka Lee. Ya kieleka? Nge kele ve Mama Lee? Mwana ya nge ya kento awa, bana ya bakento, yandi yina belukaka? Ya kele kieleka mbote. Mosi vwandaka na Yinzo ya Muvungi ya Mbote, to ve . . . Yinki ba ke bokilaka? “Mpangi ya kento ya . . .” (Institut Catholique) “Mama ya Ngemba,” ya kele yina ya vwandaka. Mu ke bakaka bankumbu nyonso ya Katolika ya kuvukisa. Mpe na yawu, kuna, mpe yandi vwandaka . . . yandi vwandaka na kimbevo ya yintu, na kidi-kidi. Mpe Mfumu ya luzolo Yesu, na yina beto vwandaka . . . Mu vwandaka ya kuvwanda na makulu ya mbeto, mpe mama ya yandi ya ntalu mpe tata ya yandi ya kutelama pene-pene. Mpe Mfumu Yesu tubaka ti ya me salama, yimani. Yandi yayi. Ya me manisa. Mpe, ya kieleka, beto zaba ti mpangi-kento ke vutula matondo mingi na suka yayi, mpe . . .

<sup>27</sup> Mu ke tala kuna mpe ke mona bantu yina vwanda kufwa, ntama mingi ve, na cancer. Ba me komvula na kati awa, na zulu ya ba kiti ya bambevo, ba-béquille; mpe bawu yayi, na mavimpi na mutindu ya muntu nyonso mpe na mavimpi ya mbote, na suka yayi. Yina kele yinza ya muvimba. Na nzila ya munu ve; na nzila ya Yandi, Mfumu ya beto Yina me vumbuka na lufwa, kele moyo samu na kukonda nsuka. Bika ti Mfumu ya beto kubaka lukumu mpe kusakumuka, ya kele kisambu ya munu ya kieleka.

<sup>28</sup> Beno ke sambila samu na munu? [Dibuundu me tuba, “Amen.”—Mu.] Beno nionso kusambila samu na munu. Ntangu yayi, mu—mu ke tula ntima na yawu. Mpe ntangu mu ke basika kuna, beno me mona, awa na yinzo, ya kele ve yimbi mingi awa; kasi ntangu beno ke kuma kuna kisika beno me kuma kieleka na ndilu ya bitumba. Yayi kele malongi.

<sup>29</sup> Mu me kuwa, mazono, ti dibuundu ya beto me kuzwa ditoma

ya break ya malu-malu samu na munu, mpe munu. . . samu na kusala nzietolo. Mpe yina yankaka ya munu kele kaka ya kubeba. Mpe na yina mu—mu zibulaka ladio mpe mu kuwaka bansangu. Mpe kuna bawu vwandaka kwiza, mazono na nkokila, kisika Joseph mpe munu kwendaka sambila. Na manima beto, kulumukaka na Green's Mill, bawu. . . Mu zibulaka ladyo. Ya vwandaka bansangu, mpe ba vwandaka tuba ti, ya vwandaka kutatamana, *Moniteur* yayi vwandaka kulanda ntwenya ya bakala mosi na kati ya kulonguka ya yandi. Mpe wapi mutindu yandi vwandaka ya kutelama kuna na baposi ya yandi ya kufuluka na zyelo mpe nyonso, kisika yandi zolaka kanga yintu ya yandi na yisi mingi, ti masini ya ngolo ya munduki tiya vwandaka kwenda kaka na zulu ya yintu ya yandi na ntangu ya vwandaka komvula na nsi ya ba-fil de fer barbelés mpe nionso, yandi vwandaka kuzwa malongi ya ngolo.

Mbote, ya kele yina beto ke na kusalaka awa.

<sup>30</sup> Kasi ntangu yayi ya kele ya kuswaswana mingi na mantwala ya bitumba. Beno me mona? Masini yina ya munduki kele na ntangu ya kuyidika na kati, yina me longukaka mbote na mwa kitezo mosi. Kasi, na ndilu ya bitumba, ba lendaka matisa yawu to kukulumusa yawu. Beno me mona? Na yina—na yina ya kele fioti ya kuswaswana kuna, beno me mona, kulutila yina—yina ya kele. Na yina beto kele. . .

<sup>31</sup> Mbote, yayi kele malongi, awa. Kasi kuna na zulu ya ndilu ya bitumba, na yina beto ke kutana na mbeni ntangu yayi. Na yawu beto vwanda nwanaka. . . kuyimba mwa nkunga mosi awa, *Bitumba Me Kuma Ngolo Mingi*. Muntu nyonso ke bambuka dyaka moyo na nkunga yina?

Bitumba ke na kulandila, O basoda ya  
Baklisto,  
Mpe kizizi na kizizi na mulonga ya kukangisa,  
Binwaninu ke na kungenga, na ntwala ya  
mbeni,  
Mbote mpe yimbi kele ya kukangama kisika  
mosi bubu yayi.

Ya kele kieleka. Beno me mona?

Bitumba ke na kulandila, kasi beno vwanda ya  
kulemba ve,  
Beno vwanda na ngolo mpe beno kanga ngolo  
ngolo ya Yandi;  
Kana Nzambi kele samu na beto, dalapo ya  
Yandi na zulu ya beto,  
Beto ke yimba nkunga ya lunungu na nsuka.

<sup>32</sup> Ya kele kieleka. Ntangu yayi, ya vwandaka na bima mingi yina mu zolaka tuba, na suka yayi, mu me fiotuna yawu, samu ti bayankaka kele ya kutelema mpe ya kele ya kufuluka. Mpe bawu kuzwaka mwa binzonzolo kuna na ngaanda, mpe mwa mutindu

ya kumwangisa nsangu, mu banza, ti konso ditoma lenda . . . Sisiteme ya kumwangisa nsangu ke sadisaka beto na kukwenda na bakilometele ntama mingi na tabernacle, na yawu. Mpe na yawu, beto, beto ke meka na kusepela na banzenza nyonso na beto na suka yayi.

<sup>33</sup> Ntangu yayi, ntete beto kwenda ntama, beto tuba ti . . . Ntangu yayi, kaka na manima ya yayi, mu banza, ya kele kisalu ya mbotika. Ntete, ya kele ndonga ya bisambu. Beto ke sambila samu na bambevo, na suka yayi. Mu banza, Nzambi kotaka na kisalu kele kidimbu ya yina beto ke na kuzonzila, mvumbukulu ya Yandi. Yandi kele moyo, to Yandi kele ve moyo? *Yayi* kele kaka disolo ya luvunu, to Yawu kele Kieleka? Kana Yandi kele moyo, Yandi salaka nsilulu, “Mu ke vwanda na beno ntangu nyonso, tii na nsuka ya yinza.” Ntangu yayi, kana Yandi—kana Yandi kwisa na kati-kati ya beto awa mpe ke talisa ti Yandi kele awa, na yina ya kele dyaka ve na kivuvu mingi samu na yawu. Beno me mona?

<sup>34</sup> Beno ke bambuka moyo, bansambulu nyonso na yinza, bawu kele na bilumbu ya bawu ya santu mpe bilumbu yabakonzé ya bawu, mpe nyonso yina. Kasi ya kele ve na mosi ya bawu yina lenda lakisa lufulu ya bawu . . . Ti, lufwa bakaka yandi, mpe ya vwandaka nyonso ya yawu. Kasi, ya beto, nsambulu ya Buklisto, Mubandisi ya beto kufwaka mpe vumbukaka dyaka.

<sup>35</sup> Na Mexique, ntama mingi ve, ntangu ba yufulaka munu na nzila ya yinzo ya kisalu ya kupanza nsangu, ya mvumbukulu ya mwa bébé yina kufwaka na suka yina na ngunga ya yivwa. Mpe na ngunga ya kumi na tatu na nkokila yina, ngunga kumi na tatu to ngunga kumi na mosi, yandi vumbukaka na lufwa, kaka kuna na maboko ya mama na estrade, na ntwala ya makumi ya mafunda ya bantu. Mafunda makumi tatu kwizaka na Klisto na nkokila yina. Beno me mona? Na yawu, kuna, beno lenda banza yina vwandaka kuna.

<sup>36</sup> Mpe mwa mwana yango, mu monaka vision na ntwala ya munu; mpe ya me tuba na yina me tala mwa nkumbu ya yandi vwandaka, mpe nyonso. Mpe mama vwandaka kuna na manima, yandi lendaka ve kubaka kalati ya bisambu, yandi lendaka ve kukota. Kasi yandi vwandaka ve na nsatu ya kumata kuna na estrade, samu na kuluta na ndonga. Na yina ntangu yandi nataka mwa bébé yango; ya vwandaka noka, mvula vwandaka noka ngolo mingi.

<sup>37</sup> Beto ke banza na beto ya kutelama; beno banza na bawu. Ba ke vwanda kuna na ngunga ya yivwa na suka, samu balukutakanu kubanda na ngunga ya yivwa na nkokila yina. Mu vwandaka ya kutelama na mwini ya ngolo, mu vwandaka pema na ntwala ya mosi na yankaka, samu na kivudi. Mu vwandaka ya kutelama, ya kuvwanda ve; mu vwandaka ya kutelama. Mpe ya kele mutindu bawu ke salaka, na Afrika mpe bisika yankaka, na Inde, kisika ndambu ya mafuku ke vukanaka, na ntangu mosi.

38 Ntangu yayi, mwa kento yayi lendaka ve kubaka kalati ya bisambu. Kuna, pene ya bankama tatu ya ba-huissier, samu na kuvutula yandi, ti yandi lendaka ve kukota na ndonga ya bisambu. Mpe ya kutelama kuna vwandaka sambila samu na mwa bébé yina; mwa kento mosi, ya Katolika. Mpe Mpeve-Santu bokilaka mpe tubaka, “Tuba na yandi na kunata yawu awa.”

39 Mpe mwa bébé yango, na yisi ya kibulu ya kupola; vwandaka ya kutelama kuna tuka suka yina. Dokotolo tubaka ti yandi kufwaka. Ntangu yayi, beto kele na nsamunu ya dokotolo samu na yawu, yina tubaka ti yawu kufwaka, na suka yina na ngunga ya yivwa. Mpe kuna yayi vwandaka mpimpa yango, pene ya kati-kati ya mpimpa. Mpe munu, kaka landila, yina vision tubaka, mu kwendaka, tentikaka maboko na zulu ya mwa bébé yango. Ya vwandaka kuna, ya moyo. Dokotolo pesaka kimbangi.

40 Ba yufulaka munu na bampanzi nsangu. Mpe na yawu, na kuvwandaka na dyambu ve na kundima ya muntu nyonso, ntangu nyonso yina ya kele na Biblia, mbote mingi. Kasi muntu yina vwandaka yufula munu vwandaka muntu ya Katolika, mpe yandi tubaka na munu, “Nge ke kwikila ti basantu ya beto lenda sala yawu?”

41 Mu tubaka, “Kana bawu ke na kuzinga.” Ya kieleka, mu zaba ti dibuundu ya Katolika ke kwikilaka ti beno fwana kufwa, samu na kuvwanda santu. Na yawu kuna mu tubaka, “Kana bawu ke na kuzinga, yinga.”

Mpe yandi tubaka, “Oh, nge lenda vwanda ve santu tii nge ke kufwa.”

42 Mu tubaka, “Paul vwandaka santu ntete yandi kufwa to na manima yandi kufwa? Nani yandi vwandaka sonika, bantu ya kufwa, ntangu yandi tubaka, ‘Na basantu yina kele na Ephèse,’ mpe basantu yina kele na kisika *mosi*? Yandi zolaka sonika ve na bantu ya kufwa, beno zaba.”

43 Na yawu kuna yandi tubaka, “Ntangu yayi nge ke na kumeka na kusambisa dyambu ya nge na nzila ya Biblia. Beto kele dibuundu.”

Mu tubaka, “Mbote mingi, tata. Ok.”

Mpe yandi tubaka, “Beto kele dibuundu.”

44 Mu tubaka, “Na yina beto mona dibuundu kusala yawu.” Beno me mona? Na yina, na yina, ya kele kaka Klisto lenda sala yawu. Beno zaba yawu.

Yandi tubaka, “Yinki kele dibanza ya nge na dibuundu ya Katolika?”

Mu tubaka, “Mu zola ti nge yufula munu yawu ve.” Beno me mona?

Yandi tubaka, “Mbote, mu ke zola kuwa yawu.”

Mpe mu tubaka, “Mutindu ya zulu mingi ya bunganga yina kele.”

Mpe yandi tubaka, “Bunganga?”

Mu tubaka, “Yinga, tata.”

Yandi tubaka, “Wapi mutindu beno ke talisa yawu?”

<sup>45</sup> Mu tubaka, “Nyonso yina ke sambilaka bantu ya kufwa; kominyo ya basantu, beno me mona.”

Mpe yandi tubaka, “Mbote, nge ke sambila na Klisto, mpe Yandi kufwaka.”

Mu tubaka, “Kasi, Yandi vumbukaka diaka, beno me mona.”

<sup>46</sup> Na yawu, ya kele kima ya mbote yina beto zaba, Yandi vumbukaka dyaka. Beto ke vutula matondo ve?

<sup>47</sup> Beto kulumusa bayintu ya beto mpe beto tonda Yandi samu Yandi vumbukaka na ntoni samu na kunungisama ya beto.

<sup>48</sup> Tata ya Mazulu, beto ke vutula matondo na suka yayi samu na Yesu; mpe bubu yayi, samu na kubambuka moyo na mvumbukulu ya Yandi ya nene, na zulu ya manaka yina na suka ntangu Yandi vumbukaka na lufwa, na lunungu ya lufwa, difelo, mpe ntoni. Ntangu Yandi vwandaka na zulu ya ntoto, Yandi talisaka ti Yandi nungaka kimbevo, maladi, mpe—mpe mitindu nyonso ya bampeve ya yimbi mpe bangolo. Na yina lufwa lalaka na ntuala ya Yandi, mbeni ya nene mpe mbeni ya nsuka. Mpe na suka ya Paki Yandi siamisaka ti Yandi vwandaka Nzambi. Yandi vumbukaka mpe na mbeni ya nsuka, yandi lendaka ve kukanga Yandi. Ntoni yambulaka Yandi; difelo yambulaka Yandi; Mazulu yambaka Yandi.

<sup>49</sup> O Nzambi, bika bantima ya beto kuzwa Yandi bubu yayi, na ngolo ya Mpeve-Santu, ti beto lendaka vwanza bantu ya Yandi, bifwanusu ya Yandi—ya Yandi, ya bisadi ya Yandi awa na zulu ya ntoto, mutindu beto ke zingaka. Pesa yawu.

<sup>50</sup> Sakumuna nyonso yina kele awa. Nzambi, bantu yayi ya ntalu yina kele ya kutelema, bayankaka na kati ya bawu vwandaka ya kukutika awa kubanda na kubasika ya mwini. Mu ke sambila, Tata ya Mazulu, ti Nge ke mwangisa “ya kulutila mingi na zulu ya nyonso yina beto lenda sala to kubanza,” na zulu ya bawu bubu yayi, mpe pesa bawu mudindu ya bansatu mingi ya ntima ya bawu. Samu na yinki muntu nyonso ke kwiza, na suka yayi, ti bawu vutuka, na kusepela. Nge tubaka ti Nge ke manga ve, kasi Nge ke fulusa yandi na bima ya mbote, mpe ke fidisa yandi na kusepela. Pesa yawu, Mfumu.

<sup>51</sup> Ti kuvwanda ya ngolo nyonso ya Nge, ti Mpeve-Santu ya Nge, na ngolo ya mvumbukulu, na yawu beno sala na mosi na mosi ya beto tii bivuvu ya beto ke tungama na zulu ya kima yankaka ve kulutila Menga ya Yesu na ludedomo. Pesa yawu, Tata.

Sakumuna Bandinga ntangu yayi yina beto ke tanga.

<sup>52</sup> Beto ke tonda Nge samu na nsangu yina ya lukumu na suka yayi, na yina beto me kwiza na ntangu ya mbote na dibuundu. Mpe kumona Nge kubaka mpangi ya beto ya bakala, mpe yina me soba na yandi na mwa ntangu fyoti, mpe me vulusa nsangu na nsungi yayi ya bantu yina ke kufwa yina beto kele ntangu yayi kitini ya, wapi mutindu beto ke tonda Nge samu na yawu, Mfumu! O Nzambi, bantima ya beto ke na kutekita na kiese mutindu beto ke banza na bima yina. Ntangu yayi, bumba yandi na kupakula, Mfumu, nzila nyonso ya bilumbu yina kele na ntuala ya yandi, Mfumu.

<sup>53</sup> Mpe sakumuna mwa dibuundu yayi. Mpe sadisa munu, Mfumu, na yina mu ke kwenda nata Nsangu na bantu yankaka. Mpe ti beto, kintwadi, mutindu muntu mosi, dibuta mosi, kuvwanda kintwadi, mpe kusambila kintwadi, mpe kuzinga kintwadi na kuvukana ya santu ya Mpeve-Santu tii Yesu ke yamba beto na Kimfumu. Samu ti beto me lomba yawu na Nkumbu ya Yandi mpe samu na nkembo ya Yandi. Amen.

<sup>54</sup> [Mpangi Neville me tuba, “Mpangi Branham, bika mu kuzwa ntangu ya kukanga nge?”—Mu.]

Kieleka nge lenda, mpangi ya bakala.

[“Mutindu kidimbu ya kuvutula ya beto mpe na kusalu ya ntwenya ya bakala na kati-kati ya beto, beto ke talisa na beno foto yayi, Mpangi Branham, na nzonzolo ya muvimba ya zola ya beto mpe kuvutula matondo.”]

Matondo na nge, Mpangi Neville, mpe tabernacle.

[“Bakala yango ya ntwenya kele Jerry Steffy, yina me fikula foto yango.”]

<sup>55</sup> Mpangi Jerry Steffy me fikula foto yango. Nzambi sakumuna mwana ya bakala yango. Ya kele kieleka mbote, Jerry, kana beno kele awa na suka yayi. Ya kele mpasi mingi, mu zolaka zola kutuba kubika mwana ya bakala yina kukwenda na lukolo samu na artiste mosi. Mu ke kwikila ti Nzambi kele na kati ya art. Beno ke kwikila mutindu yina ve? Nzambi kele na kati ya musiki. Nzambi kele na kati ya art. Nzambi kele na kati ya yayi. Mpe ya kele mpasi mingi na kumona talanta, mutindu yina, ba ke zola ve kukula. Kulutila mingi yandi ke sala yawu, kulutila mingi yandi ke kukula. Mpe mu—mu ke sambila ti Nzambi ke sakumuna nge, Jerry.

<sup>56</sup> Mpe matondo na nge, Mpangi Neville, mpe na dibuundu yayi, samu na foto yayi ya mbote mpe samu na nzila yina ke tambula na yisi ya yawu. Mu ke tanga yawu na mwa ntangu fioti. [Mpangi Neville me tuba, “Nge zola ti mu tanga yawu?”—Mu.] Mbote mingi, tata. Mpangi Neville ke tanga nzila. Mu vwandaka na dibanza ya yina ya... [Mpangi Neville ke na kutangaka *Lukumu Na Yina Fwana Kuzwa Lukumu.*]

[Yandi kele ve muntu ya ntela ya yinda, yandi ke zonzaka ve na mutindu ya lunangu,]  
 [Yandi mosi ke bula mpungi ve na yina yandi ke na kwenda kilumbu na kilumbu.]  
 [Yandi ke na nsatu ve ya bimvwama to nkembo, kasi ata kisika ya yandi zolaka fulusa;]  
 [Yandi kele kaka mutindu beto zola yandi, Mpangi ya beto ya luzolo Bill.]  
 [Yandi ke longaka beto na kukwikama Ndinga ya kukondwa kuvukisa,]  
 [Lunangu ve, yandi ke zolaka ve lukumu, kaka na kulandaka Mfumu.]  
 [Ndinga ya Yandi kele pete mpe lembami, yandi ke vumbula ve ndinga ya yandi,]  
 [Kaka samu na kusemba yimbi, mpe na yina yandi kele ve na nsodolo.]  
 [Yandi kuzwaka ata fioti ve luzabu na ba-college mpe lukolo,]  
 [Kasi yandi zaba yina kele mfunu mingi mpe yandi kele kieleka bulawu ya muntu ve.]  
 [Samu luzabu yandi me pesaka kele Seko na Zulu,]  
 [Yandi kele ve na credo, kaka Klisto ya beto, musiku ve kasi Zola ya Kimpwanza.]  
 [Ya vwandaka ve na luzabusu ya nene na mbutukulu ya yandi ya nsi mingi, ya kukikulumususa,]  
 [Kasi na beto yandi kele muntu ya kulutila nene yina ke zinga na zulu ya ntoto.]  
 [Beto ke tanga yawu kulutila bweso kuzaba yandi mutindu nkundi,]  
 [Beto ke zolaka nyonso yandi ke simbisaka, mpe ke kuma na nsuka.]  
 [Yandi me tuba ti yandi kele mulongi ve, yandi kele ya kukikulumususa mutindu yandi lendaka vwanda,]  
 [Kasi beno nata yandi na chaire mpe ya kele ve mpasi na kumona,]  
 [Yandi soolamaka na ntwala profete, bika bantu bokila yawu yina bawu zola,]  
 [Nzambi pesaka beto lemvo ya nene ntangu Yandi pesaka beto Mpangi Bill.]

[“Ya siniaka, ‘Mwa nkonga ya mameme.’”]

<sup>57</sup> Matondo na nge, Mpangi Neville. Matondo samu na mabanza ya nge. Nani salaka yawu? [Mpangi Neville me tuba, “Mu banza ti mama ya yandi salaka.”—Mu.] Ya kele . . .

<sup>58</sup> Mu kele ya kulunga ve na bima yina, na kutubaka yawu, kasi ya kele ya kulutila samu na munu kulutila mbongo nyonso na

yinza. Beno me mona? Beno banza kaka, ti muntu ke zitisa beno mutindu kisadi ya Yandi, beno me mona, mutindu—mutindu kisadi ya Nzambi. Bika mu zinga ya kieleka samu na yawu, ya kele kisambu ya munu. Nzambi sakumuna beno ntangu nionso. Mabanza ya munu ke vwanda ntangu nyonso samu na beno. Mpe mu ke lakisa beno zola, mpe.

<sup>59</sup> Ntangu yayi, oh, beto kele kaka na bima mingi, beto lendaka baka kaka kilumbu ya muvimba mpe beto ke kuma ata fioti ve na Ndinga, beno me mona, bima mingi ya mbote.

<sup>60</sup> Mu ke na vision ya Mfumu mu zolaka tuba kima mosi samu na yawu, mpe—mpe muntu mosi lotaka ndosi mosi, ti, oh, mu banzaka ti ya vwandaka ya kulutila kitoko, na Nkwizulu ya Mfumu. Mpe mu . . .

<sup>61</sup> Mwa Rebecca ya ntwenya, mwana ya munu ya kento kuna na manima. Mu . . . Ata ti mu wandaka seka yandi fioti ntama mingi ve. Yandi basikaka, mosi ya bayimpu yina ya nene. Mpe mu tubaka, “Ntangu yayi, cherie, ya ke talana mutindu yinzo ya ndeke,” Mu tubaka, “bayinti nyonso na kati ya yawu, mpe nyonso, mutindu yina.” Mu tubaka, “Kwenda, katula yawu.”

<sup>62</sup> Na ntangu yina, na yina yandi vutukaka na munu. Na mwa minuti fioti yandi vutukaka; beno zaba, mutindu yandi vutukaka na munu, yandi vutukaka. Yandi kotaka na portefeuille ya nene mingi, ya kusimba. Mu tubaka, “Wapi kisika kima yina me katuka?”

<sup>63</sup> Yandi tubaka, “Papa,” yandi tubaka, “Mu ke na makulu ya nene, na yawu mu banza ti mu ke baka kaka posi ya nene samu na kufwanikisa yawu.” Na yawu, oh, bayayi!

<sup>64</sup> Kasi yandi tubaka ti yandi lotaka bambala zole ti yandi na munu vwandaka tambula na ditoma, mpe mu tubaka na yandi na kumonikaka pene-pene ya Mfumu; ndosi mosi, mbala zole. Mu ke na kuvingila ya tatu; mu banza Mfumu, na ntangu yina, ke pesa munu yina ya zola kutuba.

<sup>65</sup> Ntangu yayi, ya kele na bima mingi ya kutuba, kasi beto kwenda mbala mosi na Ndinga ntangu yayi.

<sup>66</sup> Muntu nyonso ke na kusalaka mbote, mu ke na kivuvu. Mpe kana nge kele ve, mu ke sambila ti Nzambi ke sala beno kuwa mbote ntete lukutakanu yayi kusuka, ti ya ke vwanda ve na muntu mosi ya kulemba na kati-kati ya beto na suka yayi, ntangu lukutakanu yayi ke manisa.

<sup>67</sup> Ntangu yayi, beto fwana bambuka moyo ti Klisto kufwaka samu na muntu ya kukondwa busantu, mpe ya vwandaka beto. Beno me mona? Ya kele beto. Mpe Yandi kufwaka samu na beto, ti Yandi lendaka vulusa beto.

<sup>68</sup> Ntangu yayi, beno lenda kuwa bisika nyonso, mbote? Kuna na manima, beno lenda kuwa mbote kuna na manima? Ya ke na kwiza na manima kuna? Ok. Mbote mingi.

<sup>69</sup> Ntangu yayi mu zola kutanga ndambu ya Ndinga ya Yandi. Ntete, beto baka ntangu yayi na Buku ya Joël, mpe mu zola kutanga nzila ya 1te, nzila ya 1te tii na nzila ya 4. Mpe kuna ya 2, na . . . kapu ya 2 mpe nzila ya 25. Mpe Genèse 20:7. Ntangu yayi, mu ke sepela . . .

<sup>70</sup> Ntangu yayi, kana beno me lemba mpe beno zola kubasika, beno kwenda na ntwala. Beno me mona? Kasi, yayi ke vwanda Nsangu ya munu ya nsuka na Dibuundu, samu, na kitini yayi ya Dibuundu, samu na mwa ntangu. Mpe beto ke na kuingila lukutakanu ya kubeluka ya nzutu na suka yayi. Mpe mu—mu zola Nsangu yayi, kana Nzambi sakumuna Yawu, samu—kukota na mudindu na kati ya bantima ya beto, na yina beto ke kuzwa ntendulu ya yina Yawu zola kutuba.

<sup>71</sup> Ntangu yayi, beto kele awa samu na kutuba, samu—samu na kutuba bima yina beto ke kwikilaka, mpe kusiamisa yawu na nzila ya Masonuku, ti Masonuku ke tuba mutindu yina; mpe na manima ti Nzambi ke baluka mpe ke siamisa yawu, ti ya kele kieleka, kieleka, ke kumisa yawu kieleka. Kaka mutindu mosi . . .

<sup>72</sup> Beno ke tuba, “*Yayi* kele nkuna ya yinti ya tournesol.” Beno kukuna yawu mpe beno mona yinki ya kele. Na ntangu yina, ya ke basika na yinti ya tournesol, yina ke sukisa dyambu. Ya vwandaka yinti ya tournesol. Beno me mona? Kaka yina.

<sup>73</sup> Ntangu yayi, mpe kana bayankaka na kati ya bawu zola kusoba bisika, na ntangu mosi mpe yankaka; muntu mosi lenda vwanda, bayankaka ke telama mpe ke vingila mwa ntangu fyoti. Mpe mu ke vwanda kaka na bunkufi mutindu mu lendaka.

<sup>74</sup> Ntangu yayi, beno bambuka moyo, beno sambila samu na munu. Mpe beno vwanda kaka ya kukwikama na dibuundu ntangu yayi; beno vwanda kaka awa na dibuundu, na Mpangi Neville. Mpe beno bantu yina ke kwendaka kutala, mbote, ntangu yayi, beno vutuka kaka.

<sup>75</sup> Mpe ntangu yayi mu kele na balukutakanu yayi, mu ke na kulandila bawu kukondwa mbokolo ya kieleka. Kasi, mu lenda kaka ve kulala bisika nyonso; yinza ke na kufwa. Beno me mona? Mpe Paul kuzwaka nzingulu yango mbala mosi. Mpe mu vwandaka kwenda kuna na yinsi yankaka, mpe na yina yandi kuzwaka mbokolo ya Macédonie, na nzila. Ntangu yayi, Nzambi lendaka pesa mbokolo ya Macédoine, na ntangu nyonso. Mu lenda katula nyonso, ntangu Nzambi ke pesa mbokolo.

<sup>76</sup> Mu ke na kusala kaka nyonso mu lenda, na kukwendaka na nsongi *yayi*, na kukunaka bankuna; mpe na lweka *awa*, me kuna mwa bankuna; mpe *awa*, mu ke losa, mu ke kuna mwa bankuna. Mu zaba, bandeke ya mupepe ke vukanaka mingi ya bawu; mpe bayankaka ya bawu ke kangisa, mpe nyonso yankaka yina. Kasi ya lendaka vwanda na mwa, na kati kuna, yina ke kwiza, mpe,

beno zaba, na ntoto ya mbote. Na yawu beto kukuna kaka nkuna, ya kele kima ya mfunu.

<sup>77</sup> Ntangulu mosi ya ke yitukisa, samu na nsangu ya Paki, Joël, kapu ya 1te.

*Ndinga ya MFUMU yina kwizaka na Joël mwana ya Pethuel.*

*Beno kuwa yayi, beno biboba, mpe beno pesa dikutu, . . . beno yina ke zingaka na kati ya yinsi. Yayi me wvandaka na bilumbu ya beno, to mpe na bilumbu ya batata ya beno?*

*Beno tuba . . . bana ya beno ya yawu, mpe beno bika bana ya beno kutuba na bana ya bawu, mpe beno bika bana ya bawu kutuba na nsungi yankaka.*

*Ti yina dikelele me bika dinkonko me kudia; mpe yina dinkonko bikaka kipiātu me kudia; mpe yina kipiātu me bika mangolo me kudia.*

<sup>78</sup> Ntangu yayi nzila ya 25 ya kapu ya 2.

*Mpe mu ke vutula na beno bamvula yina dinkonko me kudia, kipiātu, mangolo, mpe dikelele, ya munu . . . mpe dikelele, makesa ya munu ya nene yina mu fidisaka na kati ya beno.*

*Mpe beno ke kudia kulutila mingi, mpe beno ke sepela, mpe beno ke kembisa nkumbu ya MFUMU Nzambi ya beno, yina ke sala mbote na beno: mpe bantu ya munu ke vwanda na nsoni ata fioti ve.*

<sup>79</sup> Na Genèse, 20, na Genèse. Kapu 20 ya Genèse, mpe nzila ya 7. Mu zola kutanga yayi, samu na kulanda . . . samu dibanza ya dilongi yayi yina mu ke—ke zola kubaka. Mu ke banda na nzila ya 6, samu na kubaka dibanza na yayi.

*Mpe Nzambi tubaka na yandi na ndosi, Yinga, mu zaba ti nge salaka yayi na kusungama ya ntima ya nge; samu ti mu—samu ti mu me kanga nge nzila na kusumuka na ntuala ya munu: na yina mu me kanga nge nzila na kusimba yandi.*

*Ntangu yayi na yina vutula kento ya bakala yayi; samu ti yandi kele profete, mpe yandi ke sambila samu na nge, mpe nge ke zinga: mpe kana nge me vutula yandi ve, nge zaba . . . ti nge ke kufwa, nge, mpe nyonso yina kele ya nge.*

<sup>80</sup> Ntangu yayi, mu me baka na dilongi yayi, to na ntangulu ya Masonuku yayi, dibanza ya nsuka ya dilongi, yina ba me bokila, “vutula.”

<sup>81</sup> Ntangu yayi, na manima Mpangi Neville me longa na suka yayi, nsangu yina ya mfunu, na kima ya nsuka yandi tubaka na

mabanza ya yandi ya nsuka, vwandaka, “Kuvutuka diaka.” Mpe na yawu yina pesaka munu dibanza, kaka kuna, na “kuvutula.”

<sup>82</sup> Ntangu yayi, mu me vutuka nswalu na yinzo mpe me baka dictionnaire ya munu, mpe nyonso yina, mpe mwa banoti ya Masonuku, mpe kubanda na kusala mwa bima. Mpe na yina mu bakaka dictionnaire Webster, samu na kutala ntendulu ya mbote samu na *kuvutula*. *Kuvutula*, zola kutuba, “kuvutuka na munkwa ya ntete, to kuvutula na mutindu ya ntete.” Mpe beto lenda lomba na ngolo, samu na kuvutuka.

<sup>83</sup> Ntangu yayi, ya kele yina Webster ke tuba ti ndinga *kuvutula* zola kutuba, “Samu na kuvutula na munkwa ya ntete, to samu na kuvutula na mutindu ya ntama.” Mpe kana ba me sala yawu na zulu ya kima mosi, samu na mvutukulu yawu, beno lenda lomba yawu na ngolo, samu na kusala yawu kuvutuka na kisika ya yawu ya kulunga.

Mpe bika ti Nzambi sakumuna mwa bandinga yayi ya kulemba ntangu yayi.

<sup>84</sup> *Kuvutula*, zola kutuba, “kuvutula na kisika.” To, kuvutula, kulomba lenda vwanda na ngolo, ntangu yayi, samu na kuvutula kima na munkwa ya yawu ya kulunga, kisika ya vwandaka. Na yawu, na mutindu mosi, yawu kwendaka ntama na mfumu ya yandi ya kieleka, mpe lendaka yenga-yenga bisika nyonso. Kasi, kuvutula, ya kele kuvutula yawu na yandi yina kele kieleka mfumu ya yawu, to kuvutula yawu na mutindu ya yawu ya kimuntu kisika ya vwandaka na mbala ya ntete, kuvutula yawu na mutindu ya yawu ya bumuntu. Mpe samu na kusala yayi, beto kele na muswa ya kulomba na ngolo, kana ya kele na musiku, samu na kulomba na ngolo bamuswa ya kieleka ya kondisyo ya mvutukulu yayi, kuvutuka.

<sup>85</sup> Mutindu kana muntu mosi me yiba kima mosi, mpe ya me kanga kima yango. Na yina beno lenda baka musiku mpe kukwenda na muntu yayi, mpe musiku, samu na kutuma na ngolo muntu yayi na kuvutula kima yayi na munkwa ya yawu ya kieleka, na mutindu ya yawu ya ntete yina me zabana.

<sup>86</sup> Kutuma na ngolo! Oh, wapi mutindu ya dilongi! Wapi mutindu mu ke zola kuvwanda na bilumbu zole na zulu ya yawu, tuma na ngolo!

<sup>87</sup> Ntangu yayi, Mpangi Neville longaka samu na beto. Mu ke tuba na beno kaka, kulonga lesa ya lukolo ya Lumingu na yawu ya ke—ya ke landila na kukwenda na ntwala, mu banza, na yina yandi kuzwaka.

<sup>88</sup> Beno lomba na ngolo! Na yina, beto kele... beno kuzwa bweso ya kulomba na ngolo, na ntwala ya Satana, bakulomba yina Nzambi pesaka beto. Samu ti, Nzambi kele na musiku, mpe Ndinga ya Yandi kele musiku, mpe Nzambi na kati ya Ndinga yayi me tuba mutindu mosi na Dibuundu. Na yina, beto kele na muswa ya kutuma na ngolo bakulomba yayi na zulu ya Satana,

mpe kutuba, “Vutula yawu,” mpe yandi fwana sala yawu. Samu ti, beto lenda baka Kisadi ya Nzambi, Mpeve-Santu, kulandila kaka na kufukama, mpe kutuba, “Ya kele MUTINDU ME TUBA MFUMU.” Yandi fwana pesa yawu, kaka yina, mpamba ve ti Mpeve-Santu kele kuna samu na kusala yandi kusala yawu.

Musiku ya yinsi kele samu na kulomba na ngolo. Ya kele na nzila ya yinsi, samu na yinsi.

<sup>89</sup> Kasi musiku ya Mpeve ya Nzambi kele kutuma na ngolo Satana na kuyambula yina yandi me kuzwa kukondwa muswa, na nzila ya luvunu katuka na Nzambi. Mioyo ya babakala, yandi bakaka na Nzambi; mioyo ya bakento, bana. Kimbevo ya nzutu, yandi tulaka na zulu ya bantu. Kisika wapi, Nzambi salaka bawu na kizizi ya Yandi, samu na kuvwanda mutindu Yandi, mpe Dibuundu me pesa bamuswa ya kieleka ya misiku, na nzila ya Biblia, samu na kubaka Mpeve-Santu mpe kulomba na ngolo yayi na zulu ya yandi.

<sup>90</sup> Mu ke kwikila ti mu me tanga yawu, lukutakanu ya nsuka awa. Mu ke kwikila ve. Kasi mpangi ya bakala mosi kwizaka na Louisville, yina katukaka kuna na Georgie, mpe bikaka ditoma ya yandi ya kuvwandaka kuna, mpe muntu mosi yibaka yawu. Mpe yandi vwandaka na bilele ya yandi, bilele ya kento ya yandi, bilele ya bana ya yandi. Ya vwandaka Mpangi Evans awa. Ba ke vwandaka ntangu nionso awa. Yandi ke tambulaka bakilometele mafunda zole na bankama tanu na ditoma, konso kilumbu, ntangu beto kele na lukutakanu ya bisambu awa, bawu ke kwisaka awa samu na kukota na lukutakanu ya bisambu. Mpe muntu ya mawa yayi vwandaka awa kukondwa kima mosi, mpe bankama sambwadi na ndambu ya bakilometele ntama na yinzo. Mpe yandi zabaka ve yina ya kusala.

<sup>91</sup> Yandi salaka yawu na pulusu. Kasi ba vwandaka na masini ya nene na Louisville; ba vwandaka yiba matoma, mpe vwandaka kutula yawu mukubu. Mpe beno lenda . . . beno kele ve na nsatu ya kuzwa nkumbu, kuna, samu na kutekisa yawu. Mpe bawu lendaka sala beno nkumbu, na mwa minuti fioti, samu na lutangu yina beno zola kutula na zulu ya yawu. Mpe na yawu bawu vwanda kuzwa ntangu mosi ya mpasi.

<sup>92</sup> Na yawu beto fukamaka. Beno me mona? Ntangu yayi, Yesu zolaka ve kusala yawu, samu ti Yandi vwandaka Ndinga. Ntangu yayi, beto kele ve Ndinga. “Ndinga ya Mfumu ke kwizaka na baprofete.” Bawu vwandaka ve Ndinga, kasi Ndinga kwizaka na bawu. Kasi Yesu vwandaka Ndinga. Beno me mona? Yandi zolaka kusambila ve. Yandi vwandaka Nzambi, Yandi mosi. Beno me mona? Kasi beto kele—kele baprofete ya Yandi, bisadi ya Yandi, bayina Ndinga ya Mfumu ke kwizaka. Na yina, profete ba siamisaka, to ya kele Ndinga ya Mfumu to ve, na nzila ya yina yandi ke tuba ke salama.

93 Na yawu kuna beto vwandaka na Masonuku awa, ti Yesu tubaka, “Kisika zole to ya kulutila kele ya kuvukana na Nkumbu ya Munu, mpe kana bawu ke wisana, Mu ke vwanda na kati-kati ya bawu. Mpe kana bawu ke wisana na zulu ya kusimba kima mosi mpe kulomba yawu, kutula ntembe na yawu ve, bawu ke kuzwa yina bawu me lomba. Ya ke pesama na bawu.”

94 Ntangu yayi, ya kele—ya kele na musiku. Ntangu yayi, Yandi yina kele awa samu na kulomba na ngolo ti musiku kele Mpeve-Santu. Wapi mutindu samu na bantu yina ke kwikilaka ve na Mpeve-Santu, ke manga Yandi? Beno me mona? Ku- . . . Beno ke na kumanga ngemba ya beno mpe kyadi. Beno me mona?

95 Ntangu yayi, beto fukamaka, pene ya bantu tanu, na Mpangi Fred Sothmann mpe—mpe mingi ya bayankaka vwandaka kuna, babakala yiya to tanu. Mpe beto fukamaka, mpe mu lombaka diambu yayi na ntwala ya Nzambi. Mpe na manima mu bakaka Ndinga, to nsilulu, mpe fidisaka Yawu. Mpeve-Santu ya nene, mutindu Yandi bakaka Ndinga, samu na kusadila mbokolo, vision mosi basikaka mpe mu monaka muntu mosi ke kwenda na Bowling Green, na Kentucky, na simisi ya jaune, na kunataka tomabilu ya yandi. Mpeve-Santu kwizaka na zulu ya yandi, fundisaka yandi, mpe yandi balukaka, na kutala na kati-kati ya nzila. Mu monaka yandi kuvutuka mpe kukanga ditoma yango na bala-bala mosi, na lweka yankaka ya nzadi awa. Mu telamaka mpe tubaka na bampangi, “MUTINDU ME TUBA MFUMU.”

96 Mpe ntangu bawu bandaka na kubasika, bawu landilaka nzila. Mpe ya vwandaka na ditoma ya kuvwanda kuna, ndambu ya mpamba na lusanse, kisika tanki kati-kati ya mpamba, kisika ya vwandaka ya kufuluka, kaka mingi, kunata yandi na kati-kati ya Bowling Green mpe kuvutula yandi. Ntangu yayi, bantu yina kele ya kuvwanda kaka awa na suka yayi, mutindu mbangi.

97 Yinki ya kele? Na kulombaka na ngolo. “Beno vutula yawu.” Beno me mona? Ya kele yina. Ya kele yina yawu ke na kuzonzila. “Vutula yawu. Vutula yawu na mfumu ya yandi ya kieleka.”

98 Mpe kana Satana me yiba beno muswa na kuvwandaka mwana ya bakala to mwana ya kento ya Nzambi, beto kele na muswa na suka yayi, na nzila ya Mpeve-Santu, samu na kutuma na ngolo kulomba ya Nzambi. “Vutula bawu.”

99 Kana yandi kele na mpasi samu na beno, mpe me kumisa beno mbevo, beto kele na muswa na ntwala ya Nzambi na kutuma na ngolo misiku ya Nzambi. “Na bampata ya Yandi beto me beluka.” Amen. “Vutula yandi na manima. Bika yandi. Nge ke basisa yandi kuna, na lufwa, mpe beto ke lomba yandi. Vutula yandi ntangu yayi na manima.”

100 Ya kele kukana lufwa; vutula dyaka yawu na mutindu ya yawu ya yinza. Bakala mosi kele mbevo; bébé kele mbevo; kento kele mbevo. Beno me mona? Ba me basika na mutindu ya bawu ya bumuntu. Na yina beto ke na muswa ya kulomba na ngolo

kima ya beto. Ya kele ve muswa *ya beto*. Ya kele muswa ya beto samu Nzambi me pesa yawu na beto. “Na bamputa ya Yandi beto me beluka. Yandi lwalaka samu na masumu ya beto. Na bamputa ya Yandi beto me beluka.” Ntangu yayi beto kele na muswa ya kutuma na ngolo musiku yina. Mpe Mupesi-Musiku, Mpeve-Santu, Yandi mosi, kele awa, Kisadi ya Nzambi, samu na kumona ti ya me salama mutindu yina. Amen.

<sup>101</sup> Ntangu yayi, mutindu kaka Yandi lenda sala, kele ntangu beno ke bika Yandi kusala. Beno me mona? Beno fwana kwikila yawu. Ya kele na musiku. Oh, kana mu kuma na dilongi ya munu. Ya kele na musiku. Ya kele na musiku yina ba me pesa na kati-kati ya bima nionso.

<sup>102</sup> Beno zaba, mbisi me kuzwa musiku. Mpe mbisi yina lenda telama awa na kati ya maza, mpe yandi me kuzwa musiku na kati ya yandi. Kana yandi ke bika kaka musiku yina kele na kati ya yandi, yandi lenda dinda mbala mosi na yisi ya mubu. Ya ke kwamisa yandi ata fyoti ve. Ya ke zenga ata cellule mosi ve. Beno ke meka na kusala yawu. Musiku yina kele ve na kati ya beno. Beno lenda ve kusala yawu, kasi mbisi lenda. Yandi ke pasuka yandi mosi na mupepe yina, mutindu yandi lenda ve, ya kele ve na kima na kati ya yandi yina ke pasuka. Mpe ba me sala yandi mutindu yina. Yandi zaba yawu. Mpe yandi lenda kutuma na ngolo musiku yina, samu na kunata yandi mbala mosi na yisi ya mubu, mpe na manima kuvutula yandi dyaka. Oh!

<sup>103</sup> Ya vwandaka na musiku na kati ya Klisto. Musiku yango kele na kati ya bantu. Beno lenda zika yandi na ndyamu ya kulutula yinda na mudindu, to mubu ya kulutula yisi, to difelo ya etaze ya yisi. Ya kele na musiku, ya Mpeve ya Nzambi, yina ke vumbula yandi dyaka. Beno me mona?

<sup>104</sup> Ndeke me kuzwa musiku. Ntangu yayi, nzutu ya yandi kele kisalulu. Ya kele ya kifuluka na ntoto, ya kuvwanda na zulu ya ntoto awa. Kasi ya me kuzwa musiku na kati ya yawu, ti, mutindu ya ke tanda mapapu ya yandi, ya lenda pumbuka na ntwala ya meso. Ya kele ya telemina science. Ba ke tubaka ti ya kele—ya kele na zulu ya ntoto; ngolo ya kubenda fwana kanga yawu awa. Kasi ya lenda telemina ngolo ya kubenda, kukumisa yawu mosi mbala mosi na zulu ya yawu mpe kukwenda na ntwala, samu ti ya fwana tula musiku yina kele na kati ya yawu samu na kusala. Mpe ba me tunga yawu na musiku yina.

<sup>105</sup> Ntangu yayi mu ke na kubandaka na kuwa musambidi. Ntangu yayi, beto me kuzwa musiku, musiku ya Luzingu na kati ya beto. Beto kele ve . . . Kima kaka yina beno fwana kusala . . . Ba me sala beno, mpe me butuka, mpe me tulama awa na kati ya Nzutu ya Klisto, mutindu bana-babakala mpe bana-bakento ya Nzambi. Beno kele ve na nsatu ya kukota na dyabulu. Beto kele na musiku. Ya kele musiku ya Mpeve-Santu. Kima kaka yina beno zaba . . .fwana kusala, kele kuzaba wapi mutindu ya

kukwenda mpe kubika Nzambi. Beno ke landila na kunwana na yawu, beno me mona, mpe ya ke simba ve. Ntangu, beno ke bika Nzambi, kaka yina. Beno me mona?

<sup>106</sup> Kana mbisi tubaka, “Vingila, mu ke kanga kupema ya munu mbote mingi. Mu ke pema fioti na oxygene na zulu ya munu, mpe mu ke mona kana mu lenda kulumuka.” Ve. Yandi ke salaka yawu, yandi ke pasuka. Beno me mona?

<sup>107</sup> Ndeke ke tuba, “Mu ke mona yinki mutindu ya kumanga na kudya mu lenda kwenda na yisi awa, mpe mu banza ti mu ke katula.” Ve. Yandi ke sala yawu ve. Yandi ke kubwa. Beno me mona? Yandi fwana zaba wapi mutindu kuyala, wapi mutindu musiku yina lenda twadisa yandi.

<sup>108</sup> Mpe mutindu mosi ya kele na beto. Ya kele ve yina beto ke nwanaka, mpe ke benda, mpe—mpe ke sala nswalu, mpe—mpe, “Oh, kana mu baka *yayi* ve, kana mu me baka *yina* ve.” Ya kele yawu ve. Ya kele kuzaba ti musiku ya Luzingu kele na kati ya beno, mpe beno bika kaka mpe beno bika kaka Nzambi. Na yina Yandi ke nata beno na kubeluka ya beno, ke nata beno na mbotika ya Mpeve, to kima nyonso yina Yandi silaka. Muntu nyonso yina ke tuba ti Yandi kele ya beno, mpe na kubikaka kukwenda mpe kubika Nzambi. Ntangu yayi, kana beno kele. . .

<sup>109</sup> Kana pulusu zolaka—zolaka baka muntu yina yibaka kima ya beno, zolaka nata yandi na yinzo ya lusambusu, mpe beno ke vutula yandi na manima, “Mbote, mu zaba ve kana yandi fwana sala yayi to ve,” yandi ke kuzwa yandi kuna ata fioti ve. Beno bika yandi kwenda kaka.

<sup>110</sup> Ya kele mutindu beno ke salaka. Bika ti Satana kukwenda ntama, bantembe nionso mpe bima nionso kukwenda ntama na mabanza ya beno, na yina Nzambi ke vumbula beno. Mbote.

<sup>111</sup> Ntangu yayi, ya kele ntangu ya Paki. Oh, mu zola Paki. Yinga, tata. Kasi ya kele na mingi na Paki, bubu yayi, samu na barabbin, mpe mabata, mpe bansusu ya bansusu, mpe bayimpu ya kitoko, mpe ba-robe ya malu-malu; mpe ya kele ve Paki. Paki kele mvumbukulu, kupema, samu na kuvutula. Ya kele ntangu ya Nzambi yina ke na kuvutula. Beno ke tala na zulu ya ntoto; Nzambi ke na kuvutula. Na kuvutulaka yinki? Yinza. Ya kele kieleka. Yandi ke na kuvutulaka bafololo. Yandi ke na kuvutulaka makasa. Yandi ke na kuvutulaka bambuma ya bilanga. Yinki ya kele? Nzambi ke na kuvutulaka. Ya kele Paki; zola kutuba “kuvutula yawu na manima.”

<sup>112</sup> Yinki ya kele? Ya vwandaka na nsasa, yina ba ke ndimaka. Paki ke tuba, to felele ke tuba, ya kele na muswa ya kuvumbuka diaka. Beno me mona? Mpe musiku ya Nzambi ya yinza ke bendaka ntoto bisika nyonso mpe ke sala musiku yango ya Nzambi, na kati ya yinza, ke basisa Paki, mvumbukulu. Ya kele na mutindu ya kitoko. Kuvutuka ya mwini, samu na kuvutula yina hiver kufwaka, na yina ya vwandaka katuka na ntoto.

Nzambi ke fidisaka ntoto na manima ya mwini, mutindu ba me tuba na beto, kubanda ntama *awa*.

<sup>113</sup> Ntoto, ntoto kwendaka ntama na mwini, basikaka *awa*. Ya kele mutindu musumuki ke salaka, ke katukaka yandi ke kwendaka ntama na M-w-a-n-a [S-o-n]. Mbote, yayi kele m-w-i-n-i [s-u-n]. Kasi ntangu ntoto yayi ke banda na kuvutuka. . . Mpe ntangu ya ke basika kuna, lufwa ke bula yawu, hiver. Ya ke kufwa konso kima yina ya moyo yandi lenda kufwa, na kati *awa*.

<sup>114</sup> Mpe, ntangu yayi, ntangu ntoto ke vutuka. Bankuna ke lala na kati ya ntoto. Ya kele madidi. Kubula ya bawu. . . Mpe nyonso me kwenda; kasi ya kele na mwa luzingu ya ba kebaka. Mpe ntangu mwini ke vutuka na kisika na ntoto dyaka, kuna ya kele na Paki, mvutukulu. Kumata ke basika dyaka bafololo. Kumata ke kwiza nyonso. Hiver nyonso yina kufwaka, mwini ke vutula dyaka. Lufwa nyonso yina ya hiver ke kufwa, mwini ya luzingu ke vutula dyaka.

<sup>115</sup> Mpe mutindu mosi ya kele ntangu yayi na bantu. Nyonso yina madidi ya hiver ya madidi, nsambulu landila misiku kufwaka kuna, yina vwandaka pene-pene ya Mwana ya Nzambi na bilumbu yayi ya nsuka, kwisaka na Dibuundu ya Yandi, kuvutula Yawu diaka na Luzingu. “Mu ke vutula, me tuba Mfumu.” Beno me mona? Nzambi ke vutula bafololo ya Yandi, matiti ya Yandi, nkadulu ya Yandi, nkuna ya Yandi ya ntoto, mpe na yina beto zaba, na yina, ti Nzambi ke vutula diaka kisika ya Yandi ya kuvwanda. Yandi ke vutula Eden ya Yandi. Yandi ke vutula nyonso yina lufwa kufwaka. Ya kele kieleka. Ntangu yayi, mutindu kaka ya lenda vwanda ya kufwa, ya kele ti ya vwanda na kisika ya yimbi. Kasi kana ya kubwa na kisika ya kulunga, ya fwana vutuka dyaka na Luzingu. Na yawu, Nzambi, beto kubwa na nzila ya kulunga, ya kele kieleka, samu na mvutukulu.

<sup>116</sup> Hiver nyonso ke kufwa, na manima mwini ke vutula. Ke vutuka na mwini, yinki yawu ke sala? Ya ke tuma na ngolo. Beno kuwa. Ya ke tuma na ngolo lufwa. Ntangu mwini, mwini ya printemps ke vutuka dyaka na mulonga ya ntoto, ya kieleka ya ke tuma na ngolo lufwa na kupesa bamvumbi ya yandi, samu na mvutukulu, samu (yinki?) na mvutukulu, “kuvutula dyaka.” Yinki ya ke salaka? Mwini, ke na kwiza. Ya kele musiku ya Nzambi.

<sup>117</sup> Nzambi tulaka ntoto na musiku, na musiku ya kubenda. Nyonso na yinza ke salaka landila musiku ya Nzambi. Mpe fololo me sadila mutindu ya yawu. Nkuna me sadila mutindu ya yawu ya nene; ya me kufwa na ntoto. Mpe na manima ya kele na mvutukulu.

<sup>118</sup> Mpe ntangu yayi ya kele ya kulala kuna, ya kufwa. Ya kele ve na kima. . . Beto lenda baka mosi ya minda yayi awa mutindu *yayi*, mpe kunamisa yawu, mpe ata mbala mosi ve ti ya ke sala ata mbote. Ya kele ve na mutindu samu na beto na kusala yawu.

Kasi Nzambi keke na musiku, ti ntangu mwini yina ke kwiza na nkuna, ya ke tumisa na ngolo luzingu yina na ngaanda ya nkuna. Lufwa lenda dyaka ve kukanga yawu.

<sup>119</sup> Nzambi me tula misiku ya Yandi nyonso samu na kusadila Yandi, nyonso zole ya kimuntu mpe ya kimpeve, na kusalaka landila Ndinga ya Yandi, na kutala mutindu nyonso. Mu zola yawu. Mu vwandaka na Masonuku awa na zulu ya yawu. Yinga, tata. Nzambi tulaka misiku ya Yandi nyonso na kusalaka. Beno banza na yawu. Beno bika yawu kukota ntangu yayi, samu ti beto ke na kwiza na lukutakanu ya kubeluka ya nzutu na mwa minuti fyoti. Beno me mona? Nzambi tulaka misiku ya Yandi nyonso na kusalaka, ti ya fwana sala landila Ndinga ya Yandi Mosi. Beno ke na kubakula yawu? Beno me mona? Ndinga ya Yandi! Misiku ya Yandi fwana sala landila Ndinga ya Yandi. Yandi tumaka mwini. Yandi tumaka ngonda. Yandi tumaka ntoto. Yandi tumaka yinza. Mpe bawu nyonso me kubwa kaka na mulonga, mpe misiku nyonso ke sala na ngwisani na Ndinga ya Nzambi yina tubamaka. Mpe musiku ya Luzingu yina keke na kati ya beto ke nata beto mpe na mvumbukulu. Ya fwana salama. Ya lenda salama ve samu na yawu ve.

<sup>120</sup> Ya keke samu na yina, musiku ya Luzingu yina vwandaka na kati ya Klisto. Ntangu ba zonzaka Ndinga, mpe tubaka, “Mu ke bika ve Muntu ya Munu ya Santu kumona kupola, to Mu ke bika ve moyo ya Yandi na difelo,” ya vwandaka ve na ntangu mingi, ya vwandaka ve na bampeve ya yimbi mingi, ya vwandaka ve na kima ya kulunga, samu na kukeba Klisto na ntoni yina tii (Yandi) nzutu ya Yandi bandaka na kupola, samu ti musiku ya Nzambi ke nata Ndinga na kusalama. Mpe musiku ya Nzambi, na nzila ya Mpeve-Santu, ke nataka nsilulu mosi na kusalama (beno me bakula yawu?), ya lenda vwanda mutindu ya kusala.

<sup>121</sup> Job tubaka, “Ata ti misobi me bebisa nzutu ya munu, kasi na nzutu ya munu mu ke mona Nzambi.”

<sup>122</sup> Kukondwa kutala wapi mutindu beto keke fioti, wapi mutindu beto keke na yisi mingi, wapi mutindu beto keke ya kuvedila ve, wapi mutindu beto keke santu ve, wapi mutindu beto keke mbevo, wapi mutindu beto keke na mpasi; musiku ya Mpeve ya Nzambi, na nzila ya Ndinga ya Yandi, ke sala ti yawu tumisa na ngolo, banzila ya kubasikila, mpe kutuba, “Vutula yawu!” Amen. Oh, kana beto lendaka banza na yawu na mwa ntangu fioti. Kutumisa yawu na ngolo, kukondwa kutala bakondisio. Ya lenda vwanda ti kondisio ya keke, musiku ya Ndinga ya Nzambi ke tumisa na ngolo kondisio ya kubasikila na Ndinga ya Yandi. Beno me mona? Ya fwana salama.

<sup>123</sup> Ntangu yayi, kana felele keke ya kulala kuna, mpe yawu me kufwa, bambuma me pola, me basika, dibulu ya masa me basika, yina keke ve na kima ya kusala na yawu. Ya ke vumbula dyaka,

mpamba ve ti Nzambi vwandisaka musiku, samu ti ya vumbuka dyaka.

<sup>124</sup> Ntangu Job lalaka na ntoto (Mu banza, ntangu yandi monaka Yesu ke kwisa, ya vwandaka bamvula mafunda yiya na ntwala Yesu kuvwanda awa.), beno lenda banza mutindu nzutu ya muntu talaka, na bamvula mafunda yiya, mu banza mbombi mingi ve ke bikana samu na kutula na nsongi ya nsomo. Kasi Job tubaka, “Kasi na nzutu ya munu mu ke mona Nzambi: Nani mu ke mona samu na munu mosi.”

<sup>125</sup> Mpe Biblia ke tuba na beto, na Matthieu 27, ti na manima ya lufwa ya Yandi, mpe luzikulu, mpe mvumbukulu, ti, “Mingi ya basantu yina lalaka na mbombi ya ntoto, vumbukaka na mbombi.” Samu na yinki? Ya vwandaka profete yina, yina vwandaka zonga na Ndinga ya Nzambi, mpe ba zonzaka Ndinga. Mpe musiku ya Nzambi, na nzila ya Mpeve, me vumbula bawu. Biblia ke tuba, “Bawu kotaka na mbanza, mpe monikaka na bantu mingi.” Yesu vumbukaka ve kaka, kasi basantu vumbukaka na Yandi.

<sup>126</sup> Samu na yinki? Kuna na Psaumes, ya me tuba, “Beno zanguka, beno mielo ya seko, mpe beno zanguka. Ti Mfumu ya Nkembo kukota.” Mbote, ntangu Yandi nungaka lufwa, difelo, ntoni, kimbevo, vumbukaka na lufwa na kilumbu ya tatu, “Yandi mataka na Zulu, mpe nataka kimpika na kimpika.”

<sup>127</sup> Yinki ya vwandaka? Bayina vwandaka na kati ya kimpika ba talaka na ntwala samu na nsilulu yina beto ke na yawu ntangu yayi. Oh, mpangi ya bakala! Ata mbala mosi ve ti kuzwaka Mpeve-Santu. “Kasi, kwikilaka, mpe pesaka kimbangi ya mbote. Mpe na yawu bawu kangaka yinwa ya bankosi, bawu kufwaka ngolo ya tiya, bawu kimaka na meno ya mbele, bakento kuzwaka lufwa ya bawu vumbukaka dyaka na luzingu: kukondwa nsilulu.” Oh, kasi ba vwandaka tala na ntwala! Na nsi ya munkayulu ya mameme yina lendaka ve kufwa makwela na disumu, ya lendaka kaka kufika disumu. Kasi bawu kwikilaka ti Muntu mosi ke kwisa. Mpe na lukwikilu ya bawu, ntama mingi ve na kivudi, amen, bawu tubaka yawu. “Mpe bawu bikanaka ya kukwikama, bawu vwandaka yenga-yenga na bantoto ya kuyuma, mpe vwandaka lwata bampusu ya mameme mpe ya bankombo; ba niongisaka bawu, ba botolaka bawu nionso, mpe ba niokolaka bawu.” Oh!

<sup>128</sup> Bantu yina, ke na kuvingila na mvumbukulu yina, mpe, na nzila ya yina, kufwaka na lukwikilu, na kimbangi ya bawu. Mpe na suka yina ya Paki, musiku yina ya Nzambi, yina zonzaka Ndinga na nzila ya Job mpe baprofete yina yankaka, bawu vumbukaka na lufwa. Oh, la la! Beno bawu yayi. Kukondwa kutala bakondisyo!

<sup>129</sup> Bantu yankaka kele ya kubwa na mabanza, ti bawu zola ve kuluta na lusambusu. Oh, bantu mingi! Ya kele mpasi ve

na kufwa. Muntu nyonso ke zimbisa mabanza ya bawu, kima yankaka, mpe ke sala kima mosi ya kukondwa kuyindula. Bayankaka na kati ya bawu me kuzwa banzutu ya bawu ya kuyoka, beno basisa yawu na mubu mpe beno losa mbombi na bansongi yiya ya yayi, mipepe yiya ya mubu. Yina ke sukisa ve lufundusu. Beno kwisa kaka, kaka mutindu mosi. Yinga, tata. Beno me mona? Ya lenda vwanda ti, na kukondwa kutala bakondisyo, beno ke kutana na Nzambi, kisika mosi kuna. Beno fwana kwiza na Yandi. Beno fwana kukutana na Yandi. Beno me mona?

<sup>130</sup> Samu (Samu na yinki?) Yandi zonzaka Ndinga, mpe tulaka musiku na Ndinga yina. Mpe musiku kele musiku ya Yandi Mosi, Luzingu ya Yandi Mosi, na manima ya Yawu. Ya kele samu na yina Yandi zengaka ndefi na Yandi mosi; ya kele ve na ya kulutila nene. Beno me mona? Yandi vwandaka, kuzenga ndefi, mpamba ve ti ata ngwisani zolaka vwanda ya kusiamisa kukondwa ndefi. Mpe mutindu kaka ti Yandi zolaka, ntete Yandi sala, kubaka yawu na Yandi mosi, mpe Yandi mosi kumaka Ndefi. Oh, mpangi! Ntangu, Nzambi kumaka muntu mpe vwandaka Ndefi, salaka Yandi mosi Ndefi.

<sup>131</sup> Mpe na nzila ya lufwa ya Yandi Mosi, luzikulu, mpe mvumbukulu, Yandi siamisaka misiku ya Yandi vwandaka kieleka. Yandi tubaka, “Beno bebisa yinzo yayi, Mu ke vumbula dyaka yawu na bilumbu tatu.” “Munu,” kiyingilu kimuntu, “Mu ke vumbula dyaka yawu na bilumbu tatu. Mu ke basisa yawu. Beno bebisa kaka yawu, mpe beno mona yina ke salama.” Samu ti, Yandi zabaka musiku ya Nzambi. Yandi zabaka yinki ya vwandaka. Yandi zabaka ti ya zolaka sala landila Ndinga. Yandi zabaka ti Ndinga ya Nzambi me tubama na nzila ya profete, mpe tubaka, “Mu ke bika ve Muntu ya Munu ya Santu kumona kupola.” Yina sukisaka dyambu. Yina sukisaka dyambu.

<sup>132</sup> Na yina, musiku ya Nzambi fwana sala na nzila ya Ndinga yina. Beto ke na kukuma na kima ya nene na minuti mosi. Beno me mona? Beno me mona? Kisika, musiku ya Ndinga ya Nzambi, Musiku ya Nzambi, kele na Ndinga ya Yandi.

<sup>133</sup> Ntangu yayi, kana bazuzi ya yinzo ya lufundusu me sonika mpova, “Ya kele kima *yayi-yayi*, kitumbu, na kusala *yayi-mpe-yayi*.” Mbote mingi. Ntangu yayi, yina kele ndinga ya yinzo ya lusambusu, mpe musiku ya yinzo ya lusambusu ke tumaka na ngolo ndinga ya yinzo ya lusambusu.

<sup>134</sup> Mpe Nzambi ke zonzaka kima mosi, mpe yina kele musiku. Mpe Mpeve-Santu kele awa samu na kutula na ngolo musiku yina, amen, samu na mukwikidi. Beno fwana vwanda ya kutumama na kusala mutindu yina, mpe ya ke lomba mukwikidi. Beno fwana kuzwa mpasi ya “mukwikidi.” Muntu mosi ke tuba, “Nge me kuzwa ngolo?” Ve. Kasi beto me kuzwa lutumu. Yawu

yina. Ngolo ve; kasi lutumu. Beto me kuzwa ve ngolo mingi ya kusala kima mosi.

<sup>135</sup> Mutindu mu tubaka mwa bilumbu me luta, mwa pulusu mosi awa na Louisville, yina vwandaka ya kutelama kuna. Yandi vwandaka fioti kulutula munu; mwa muntu ya fioti. Yimpu ya yandi vwandaka ya kukulumusa tii na makutu ya yandi. Mpe ditoma. . . Oh, uniforme ya yandi yina vwandaka diembela na zulu ya yandi. Yandi vwandaka tambula kuna na bala-bala. Mwa pistolet ya capsule, mutindu, na zulu ya luketo ya yandi, mwa nkawa na diboko ya yandi, na mwa pyololo. Yandi kwendaka kuna, yandi vwandaka me lwata ba-gant ya mpembe. Mpe matoma yayi—yayi, yankaka vwandaka na bakilo bankama tatu na tanu ya ba-chevaux, yina vwandaka tambula na mbangu ya ngolo na bala-bala yina, mutindu—mutindu nzasi, vrumm, vrumm. Mbote, mwa muntu yina ya fioti lendaka ve kukanga. . . Yandi lendaka ve kukanga mpunda yina me tina, na ngolo ya yandi. Kieleka ve. Kasi yandi basikaka kuna na bala-bala, kidimbu ya yandi yina ya nene vwandaka sema, yandi bulaka pyololo yina, mpe telemisaka diboko. Mpangi, bankama tatu yayi, ba-moteur yayi ya bankama tatu ya ba-chevaux, kangaka ngolo ba-frein, mpe nionso yankaka. Ya vwandaka ve ngolo ya muntu. Ya vwandaka lutumu yina vwandaka na yandi. Ya kele yawu.

<sup>136</sup> Ya kele Dibuundu. Ya lendaka vwanda nkonga ya “ba-exalté,” mutindu ba ke bokilaka yawu, to nyonso yina beno zola kubokila yawu, kasi ya kele lutumu. Uh-huh, uh-huh. Ya kele lutumu na manima ya yawu. Ya kele yina ke salaka yawu. Kukondwa kutala bakondisyo, musiku ya Nzambi ke salaka na Ndinga ya Yandi. Ntangu yayi, ya ke simba ve na credo ya beno. Ya ke sala na Ndinga. Yinga. Ya ke sala kaka na Ndinga, yimeni, ntangu yayi, kukondwa kutala kondisyo.

<sup>137</sup> Abraham, na yina beto ke tanga mwa ntangu fyoti me luta na dilongi ya beto, kento ya Abraham zolaka vutuka dyaka. Samu na yinki? Nzambi pesaka nsilulu na Abraham, mpe awa ntinu mosi bakaka yandi, samu na kukwelana, samu na kento ya yandi.

<sup>138</sup> Mbote, yinki yandi zolaka sala? Beno tula Abraham na lufwa, na minuti mosi. Ya kele yina Abraham tubaka. “Mu ke sambila nge, tuba ti. . .” Na manima yandi monaka ti—ti Abimélec kuzwaka yandi, ntinu yayi ya Philistin kuna. Yandi tubaka, “Ntangu yayi, nge—nge, mu ke sambila nge, nge ke tuba ti mu kele mpangi ya nge ya bakala. Samu ti kana. . . nge kele kento ya kitoko.” Mpe yandi tubaka, “Ntangu yayi, kana yandi mona ti nge kele kitoko, mpe mu ke—mu ke—mu ke kufwa, samu ti yandi ke baka nge mpe ke kwelana na nge.” Mpe na yawu Abimélec simbaka yandi, mpe bakala ya yandi kotisaka yandi.

<sup>139</sup> Yandi vwandaka kento ya kitoko. Mpe, na nzila, yandi vwandaka kaka na bamvula nkama. Mpe yandi—yandi. . .

Nzambi lakisaka kaka yina Yandi ke sala na beto nyonso, na nzila ya bawu. Beno zaba, mu lutaka na kati ya nionso yina, na kati ya dilongi ya munu mpe na ba-bande, mpe nionso yina, ke talisa ti na nzila ya Ndinga ya Nzambi. Ya kele kieleka. Yandi tubaka, na nzila ya Abraham mpe Sarah, yina Yandi zolaka sala na dikanda nyonso. Ya kele kieleka.

<sup>140</sup> Ntangu yayi, yandi wandaka kuna, mpe na yawu Abimélec bakaka kento ya yandi. Abimélec, mpe na yawu yandi nyonso kukubamaka ntangu yayi, na kubaka yandi na kuvwanda kento ya yandi. Mpe (yinki?) Nzambi tubaka na Abraham, “Na nzila ya Sarah nge ke kuzwa bébé yayi,” mpe awa wandaka ntwenya ya bakala yina wandaka baka yandi. Awa wandaka Abraham, pene-pene ya . . . pene ya bamvula nkama mosi ntangu yayi, mpe, kuna.

<sup>141</sup> Kasi, na yina, beno ke tala yina Nzambi tubaka kuna. “Yinga, mu zaba kusungama ya ntima ya nge. Ya kele samu na yina mu kangaka beno na kusumuka na ntwala ya Munu. Kasi beno vutula kento yina; samu ti bakala ya yandi kele profete. Ti yandi sambila samu na nge. Kana ve, mu ke katula nge kaka na ntoto.” Beno bawu yayi.

<sup>142</sup> Yinki? Ndinga ya Nzambi fwana kutelama. Muntu ve lenda simba Sarah. Nzambi salaka nsilulu.

<sup>143</sup> Sarah, kifwanukusu ya Dibuundu, Dibuundu ya kieleka, Dibuundu ya kimpwanza, kento ya kimpwanza na Mwana ya kimpwanza, kifwanukusu ya Dibuundu yina me butuka mbala zole na nsilulu. Ti bawu tuba nyonso yina bawu zola; beno bokila yawu “exalté, bufanatiki.” Ba me mekaka na kukanga Yawu kubanda Pentecote, mpe ba ke sala yawu ata fioti ve. Ve, tata. Samu ti beno bika . . . Beno bika kaka maboko ya beno na zulu ya Yawu. Kaka yina. Nzambi ke baka yawu mpe ke sala kima mosi na Yawu, kaka kieleka mutindu mu kele ya kutelama awa. Beto ke na kukuma na nsungi ya yawu, ntangu yayi, na mwa minuti fioti. Nzambi sadisa munu, mu ke siamisa yawu na beno, kisika beto kele. Kieleka. Beno kele. . . Ba ke bebisa yawu ata fioti ve. Ba lenda bebisa yawu ve. Ya kieleka.

<sup>144</sup> “Beno katula maboko ya beno na zulu ya yandi.” Samu na yinki? Nkuna ya kimuntu kwisaka. Nkuna ya kimuntu zolaka kwisa. Kana ya zolaka . . . Kana Sarah zolaka kwelana muntu yankaka yayi, nkuna ya kimuntu zolaka butuka ata fioti ve.

<sup>145</sup> Na yawu kana Nzambi kebaka mingi nzila samu na nkuna ya yinza, wapi mutindu ya kulutula samu na Nkuna ya kimpeve, Nkuna ya Kimfumu, Yandi me keba!

<sup>146</sup> Satana, vutula bawu. Bika bawu. Beno ke na kufyetaka bawu ve kuna na ba-organisation mpe nyonso yina. Ba kele bantu ya kimpwanza. Beno bika bawu swi. Yinga. Beno bika bawu, Nkuna ya Kimfumu.

147 Ntangu yayi, Nzambi ke na kuzonzila na kupema, ntangu yayi, awa na Joël, Yandi ke na kuzonzila . . . Mu longaka na zulu ya yayi, mbala mosi na ntwala, mpe mu bakaka yawu na mutindu yankaka. Na yina me tala . . . Ata mbala mosi ve ti mu lutilaka na yawu, mutindu mu zolaka sala bubu yayi, mpe mu ke kuzwa ntangu ve ya kusala yawu kisika ya zolaka salama.

148 Kasi Nzambi ke na kuzonzaka awa, na Joël, ya . . . Nzambi ke na kuzonzila na Yinti ya Yandi ya bambuma yina Yandi kunaka. Nzambi kunaka Yinti ya bambuma. Yandi kunaka Yawu na Kilumbu ya Pentecote, mpe Yandi nataka Yinti yina kuna samu na lukanu mosi. Yandi zolaka ti Yawu buta Ndinga-Mbuma ya Yandi, Ndinga ya Nzambi. Yandi zolaka Dibuundu yina ke zitisa Ndinga ya Yandi. Nzila nyonso ya nsungi, Ève kubwaka na kuzitisa Yawu, ba-Juif lembanaka na kuzitisa Yawu, musiku kubwaka, nyonso kubwaka, na yawu Nzambi kunaka Yandi Yinti. Yinti!

149 Ntangu yayi beno bambuka moyo, ya vwandaka na bayinti zole na disamba ya Eden. Beto zaba yawu. Beno ke bokilaka yawu nyonso yina beno zola. Mu kele na dibanza ya munu. Kasi, na mutindu nyonso, mosi ya bawu vwandaka yinti ya kuvedila ve; ya vwandaka ya kuvedila ve. Mpe Yina yankaka vwandaka ya mvindu ve; Yinti yango ya Luzingu katukaka na Nzambi, na Mazulu. Yandi tubaka, “Batata ya beno kudyaka mani, mpe kele ya kufwa. Kasi Yinti yayi, beno ke kudyaka, mpe beno ke zinga kukonda nsuka.” Mpe Wanzio kebaka Yinti yango ya Luzingu, katuka disamba ya Eden, kangaka nzila ya Yawu na kati ya Eden. Yinti yango ya Luzingu kele na Eden, ntangu yayi, na nzonzolo ya kimpewe ntangu yayi. Beno tala.

150 Ntangu yayi, ntangu Yinti yayi yina Nzambi kunaka, Ya zolaka buta bankama yivwa ya mutindu na ndambu ya bambuma, yivwa ya mutindu na mitindu; yina zola kutuba, makabu yivwa ya kimpewe, bambuma yivwa ya Mpeve samu na kukwenda na makabu yivwa ya kimpewe. Yina vwandaka Yinti ya Nzambi. Yandi kunaka Yawu na ntoto na Kilumbu ya Pentecote.

151 Ntangu yayi beto kangimisa. Ntangu nyonso na kutulaka ndilu mingi na ntangu. Mu ke luta na zulu awa mwa Masonuku, mpe kukwenda na yisi awa na Psaumes, na nzila ya Ite. David monaka Yinti yayi, ntama mingi ve. Mpe na bisono ya yandi ya bankunga samu na kima ya kiese, yina vwandaka kima ya ntete yandi sonikaka. Yandi monaka Yinti yayi, mpe Yawu vwandaka “ya kukuna na banzadi ya Masa.” Yinti yayi! Yandi!

*Mpe yandi ke vwanza mutindu yinti, yinti ya Nzambi, yina ba kunaka (wapi kisika?) pene-pene ya banzadi, banzadi (mingi), banzadi ya maza (mosi) . . .*

152 Ve Methodiste, Baptiste, Presbyterien, Luthérien, mpe nyonso yina. Ve, ve. Uh-uh. Kaka banzadi ya Masa mosi; makabu

yivwa ya kimpeve na nzila ya Mpeve mosi. Bambuma yivwa ya Mpeve ke katuka na nzila mosi.

*...yandi ke vwanda mutindu yinti yina ba kunaka pene-pene ya banzadi ya masa.*

<sup>153</sup> Mutindu David monaka yawu, mpe yandi zonzaka. Yandi tubaka, “Kyese na muntu yina.” Mpe beno tala, yandi tubaka ti yandi zolaka kufwa ve. “Makasa ya Yandi ke beba ve.” Ve, ve. Ata nyonso yina bawu ke sala, ata mbala mosi ve ti bawu ke kufwa Yinti yina. Samu na yinki? Ya kele kisika yina ba kunaka yandi. Ya kele yina ke salaka yawu. Ya kele kisika ba kunaka yandi. “Ba kunaka yandi na nzila ya banzadi ya Masa.” Ntangu yayi beno tala. David tubaka, “Misisa ya yandi—ya yandi ke kufwa ve.”

<sup>154</sup> Beno zaba, beno ke bakaka yinti, yinti ya nene. Munu, ntangu mu vwandaka mwana ya bakala ya ntwenya, mu vwanda kwendaka, mpe beto vwanda kwendaka, beto bana ya babakala, beto vwanda basika, mpe vwandaka na yinti ya nene ya ntama yina beto vwanda sadilaka, na yisi ya yinti ya nene ya nyosi. Mpe mipepe zolaka fula. Mpe mu ke kukiyufula, ya vwandaka talana mutindu kima yina, mingi na zulu, ya vwandaka talana mutindu ti ya ke pasuka kima na zulu. Kasi, beno zaba, konso ntangu mupepe ke bula na yinti, yawu matadi na yinti, mpe yawu ke kanga bansimbulu, na yina ba lendaka timuna na yisi mingi mpe kukangama diaka ngolo mingi.

<sup>155</sup> Mpe ya kele mutindu yina, kuseka, kuseka, kusawula Muklisto. Yina ya ke salaka, kele, nkwamusu ke ningisaka Muklisto, samu na kusala ti yandi sambila mingi, kutimuna na yisi, kukangama diaka kulutula mbote, na yina yandi lendaka kusimba mbote na ntwala ya kitembo.

<sup>156</sup> Ntangu yayi, yinki kana ba kunaka muntu ya kulutula na kima ya mutindu yina “na nzadi,” bisika bayinto, bayinto yivwa ya kuswaswana ke fulusaka yawu? Oh, la la! Wapi—wapi diambu yandi ke na yawu. Mpe muntu yina ba kunaka pene-pene ya nzadi, banzadi ya Masa; Maza mosi, Mpeve mosi, “Ya kele na makabu ya kubeluka ya nzutu, Mpeve mosi; makabu ya profesi, Mpeve mosi; nyonso Mpeve mosi, kasi makabu mingi.” Mupesi Mosi.

<sup>157</sup> Ntangu yayi, David monaka yandi, mpe ba kunaka yandi na Yinti yayi. Ntangu yayi, yandi zolaka kufwa ve. Ntangu yayi beno tala samu na yinki. Yandi vwandaka na Luzingu na kati ya bansimbulu. Wapi kisika kele misisa, to, luzingu ya yinti? Ke vwanda na kati ya bansimbulu. Kieleka. Ke basika mpe ke buta mbuma ya yawu. Mbote mingi.

<sup>158</sup> Beno tala mbote. Misisa ya Yandi vwandaka na Luzingu na kati ya bawu, samu na kubasisa mbuma ya Yandi na nsungi. Ntangu yayi beno bambuka moyo, Yinti yayi ke basisa ve mbuma ya Yawu.

159 Ntangu yayi, beno baka yinti mpe beno losa yawu ntama na maza. Kima ya ntete beno zaba, beno kele na mwa ba-pomme ya ntama. Bawu nyonso kele ya kukangama mpe ya kudya. Kasi ya ke basisa kuyonzika ya yawu—ya yawu—ya yawu.

160 Yawu yina diambu na mabuundu bubu yayi. Beno kwendaka ntama na Nzadi yina, beno kwendaka ntama ya makabu yina ya Mpeve. Ya kele kaka dibuundu ya bumuntu. Mpe ba ke basika na makabu ya kimpeve mpe bima ya kimpeve, mpe ba ke basisa mbuma ya bawu. Yinki bawu ke sala? Bakwikidi ya bawu—ya bawu ke zinga na yinza, ke sala mutindu yinza, ke yibaka, ke vunaka, ke vunaka, ke kunwaka tabaka, ke bula bansaka ya mbongo, kuvwanda na bafeti ya mbongo na dibuundu, samu na kufuta longi, mpe nyonso yankaka yina, basupu ya nkokila, makinu ya nkokila. Beno me mona? Ba ke losaka mbuma ya bawu. Ya kele kaka mutindu yinza.

161 Mpe muntu ya kukondwa lukwikilu ke tala mpe ke tuba, “Ya kele ve na luswaswanu na kati ya muntu yina mpe munu.”

162 Ya kele yina nataka communisme na kutelama na Russie. Ya kele samu na yina bawu yokaka dibuundu ya Katolika na . . .

163 Kuna na Mexique, ntangu mu vwandaka kuna mpe mu monaka ba-mines yayi ya chaux, kisika bayina, mpe bisika yina kisika ba yokaka mwa ba-bébé yina, kisika ya vwandaka na ba-bébé yayi. Ata mpe banzutu ya bantu, banzutu ya bantu ya biboba vwandaka na kutandama kuna, na kati ya ba-mine ya chaux. Yinki bawu salaka? Bawu losaka bambuma ya bawu, beno me mona, mpe Nzambi ningisaka yawu na yinti. Yimeni. Beno me mona?

164 Kasi muntu yina ba kunaka, yina ba kunaka ve, kasi yina ba kunaka na banzadi ya Masa, yandi ke basisa mbuma ya Yandi (beno tala mbote) na ya yandi. . . Mbuma ya Yandi na nsungi ya yandi. Beno ke tanga yawu? Psaumes 11.

*Kiese na muntu yina . . . ke vwandaka ve na kimvuka ya baseki, yina ke telemaka ve na nzila ya bansumuki.*

*. . . yandi ke vwanda mutindu yinti yina ba kunaka pene-pene ya banzadi ya masa, yandi ke buta mbuma ya yandi na nsungi ya yandi; . . . mpe nyonso yina yandi ke sala ke kwenda na ntwala.*

165 Beno me mona? Beno tala, “Muntu ya kukondwa busantu kele ve mutindu yina; mpe yandi ke telama ve na yandi na lufundusu.” Beno me mona?

166 Ntangu yayi, “Yandi ke basisa mbuma ya Yandi na nsungi ya yandi.” Beno tala mbote konso “ya yandi,” kiyingilu kimuntu kuna. Ya kele mbuma ya Yandi, mbuma ya Nzambi, na nsungi yina profete ke na kunataka yawu. Ya ke vwanda na nsungi ya profete. Mbuma ya Nzambi, na ntangu ya Nzambi, na nsungi ya profete. Beno me mona? “Yandi ke basisa mbuma ya Yandi na

nsungi ya yandi.” Beno tala kana ya kele ve na zole “ya yandi” kuna. “Na kunataka mbuma ya Yandi, mbuma ya Nzambi, beno me mona, na nsungi yina ba me tumisa munati-nsangu na kukwisa.” Yandi ke basisa bayina. Ntangu yayi beno bambuka moyo na yawu. Munati-nsangu yina ke nata mbuma ya Nzambi, ke nata yawu na nsungi ya Nzambi, na nsungi ya kunata. Beno me mona? “Yandi ke basisa mbuma ya Yandi na nsungi ya yandi.” Mpe Yawu lenda beba ve. Samu na yinki? Yandi kele na mbuma yina ba soolaka ntete na kati kuna. Ya lenda bebisa Yawu ve, samu ti Yawu kele ya kusoola ntete.

<sup>167</sup> Ntangu yayi, Éphésiens: 5, 1:5, na kisika. Ya me tuba, “Kuvwanda kintwadi na bisika ya Mazulu na kati ya Klisto Yesu.” Yinki me salama? Yandi tubaka, “Nzambi, na nzila ya luzabu ya Yandi ya mantwala, zabaka beto na mantwala samu na lukumu ya bana ya Nzambi, na nzila ya Yesu Klisto.” Nzambi, na nzila ya luzabu ya Yandi ya mantwala, zabaka na ntwala ti nionso yina ke salama kaka kuna na ndonga. Na nzila ya luzabu ya Yandi ya mantwala, Yandi monaka yawu na ntwala. Na yina, kubanda mbandukulu, Yandi lendaka tuba nsuka.

<sup>168</sup> Na yina, ba zabaka yawu na ntwala na nsimbulu ya Yinti yayi. Mpe Yinti yayi lendaka ve kuzimbana, samu Yawu vwandaka na mbuma yina ba soolaka ntete. Ntangu yayi, ya kele Yinti yina Joël zonzilaka awa. Beno me mona? Ya lenda kufwa ve. Misobi me kudya Yawu, kasi Yawu zolaka kufwa ve. Na kati ya nsimbulu ya Yawu, Ya vwandaka na Kieleka yina ba zabaka na ntwala. Ya vwandaka na Ndinga ya Nzambi, Yinti yayi salaka. Mpe Yinti yayi kele—kele Yinti yango, mutindu kaka, Ba tulaka yawu—Ba tulaka Yawu na nsaba ya Eden.

<sup>169</sup> Bayinti nyonso, na nzila ya kento, ke kufwa. Beto nyonso ke kufwa, na nzila ya kento. Na nzila ya mbutukulu, beto nyonso ke kufwa. Kasi na nzila ya kento me kwiza lufwa, samu ti mbutukulu yayi me kwiza na nzila ya kento. Mbote mingi. Na yina, *yayi* fwana kufwa, samu na disumu.

<sup>170</sup> Kasi Mbutukulu, Mbutukulu ya malu-malu yina kwizaka na nzila ya Klisto, lenda kufwa ve. Ya kele Yinti mosi, mpe yinti yankaka. Beno me mona? Mpe Yinti yayi, ata ti ba talisaka Yawu mpasi, ba vwezaka Yawu, kubanda mbandukulu ya kieleka ya disamba ya Eden, Yawu lenda kufwa ve. Ba zabaka yawu na ntwala. Ba bulaka yawu na club mpe ba bulaka yawu, mpe, oh, bima nionso salaka na Yawu. Mpe yinki salamaka? Ya lenda kufwa ve. Yandi. . . yandi ke kufwa ve. Yandi lenda ve, samu ti yandi kele ya kukangama na kati ya yandi Ndinga ya Nzambi yina ba soolaka na mantwala. Ya fwana basika, samu ti mbuma ya Yandi kele na nsungi ya yandi mosi, nsungi yina ba soolaka ntete. Ti, ata nyonso. . .

<sup>171</sup> Joël monaka mosi na mosi ya bawu, kudya na yisi. Kasi Yandi tubaka, “Mu ke vutula dyaka, me tuba Mfumu,” samu na nsodolo

ya ntete ya Nzambi keke na kati ya misisa ya Yinti. Ya fwana basika, samu ti Yawu ke na kusimbaka Ndinga ya Nzambi yina ba zabaka na ntwala. Hmm! Oh, wapi Yinti! Oh!

<sup>172</sup> Yinti yina, Yawu bandaka na kuyela kuna na Eden. Yinki salamaka? Ya vwandaka na nkonga mosi basikaka, na bana ya Cain, mwa baniamama katukaka kuna mpe kudiaka Yawu tii na mwinga. Mpe Nzambi katulaka bambuma na Yawu, mpe tulaka Yawu na nzasa mpe nataka Yawu tii na nsuka. Kieleka. Nzila nyonso, ya vwandaka mutindu mosi, nzila nyonso na banzila ya lufundusu; Israel, nzila nyonso.

<sup>173</sup> Mpe kuna na Pantekote, kisika wapi Dibuundu samu na Yinti-Kento ya makwela, Yandi—Yandi bakaka lutumu, na zulu ya Pentecote, Yinti yina ba soolaka ntete samu na kubasisa mbuma ya Yandi na nsungi . Ntangu yayi, ya ke sala mbote, bambuma ke na kusalamaka kaka mbote. Ya ke talana yimbi na Kilumbu ya Pantekote. Beto mona yina salamaka na Kilumbu ya Pentecote. Yesu tubaka, “Beno mpe ke sala bisalu yina Mu ke sala.” Bawu belusaka bambevo. Ntangu yayi, na Kilumbu . . . beto mona mutindu ya bandaka. Na Kilumbu ya Pentecote, bilumbu fyoti na manima ya mvumbukulu, bilumbu makumi tanu na manima ya Paki, kuna me kwiza—kuna me kwiza Mupepe ya ngolo, katukaka Mazulu.

<sup>174</sup> Ntangu yayi, bubu yayi, beto ke sala yawu na mutindu ya luswaswanu. Longi yayi me telama mpe ke baka, na kutubaka, “Mu ke tula nkumbu ya nge na buku.” Beno me mona? To licence na lettres na nkingu ya yandi ya kubaluka, yandi tubaka, “Mata awa mpe baka dimpa kascher. Ti, na yina, beno me kuma mambele ya dibuundu.” Ya keke ve ngitukulu? Mulongi tubaka, “Kota na kimvuka ya beto.” Na yina, bawu zole keke na foti.

<sup>175</sup> “Na Kilumbu ya Pentecote, kuna me katuka na Mazulu,” (na chaire ve, na nzila) “katuka Mazulu,” (Yinki? Nganga-Nzambi? Ve. Mulongi? Ve. Yinki ya vwandaka?) “makelele mutindu Mupepe ya ngolo, mpe Yawu fulusaka yinzo nyonso kisika bawu vwandaka. Milaka ya kukabuka tentamaka na zulu ya bawu.” Ke tekita, bawu lenda zonga ve, bawu vwandaka mingi ya kifuluka na nkembo. Mpeve-Santu fulusaka bawu. Kuna na babala-bala bawu kwendaka, na kuningana ve. Kaka, mpe kusala mutindu . . .

<sup>176</sup> Ata mpe dibuundu ya kifuluka telamaka kuna mpe tubaka, “Mbote, bantu yayi keke ya kifuluka na vinu ya malu-malu. Bawu nyonso keke ya kulawuka malafu. Beno tala babakala mpe bakento yina, mutindu bawu ke na kulemba mpe ke na kulandila.”

<sup>177</sup> Ntangu yayi, ya keke MUTINDU ME TUBA MPEVE. Ya keke Masonuku. Ya keke mutindu yina ba bongisaka Dibuundu; ba bongisaka ve, kasi ba tumisaka bawu. Luswaswanu mingi na bampova zole. Beno tala. Yawu vwandaka kuna.

<sup>178</sup> Ntangu yayi, mpe beno zaba yinki, beno bantu ya Katolika? Mwense ya kusakumuka Marie vwandaka na bawu. Yinga. Ntangu yayi, kana Nzambi lendaka bika ve Marie kukwiza na Mazulu kukondwa kuzwa Mpeve-Santu, wapi mutindu beno ke kuzwa Kuna, kima ya nkufi samu na Yawu? Ntangu yayi beno banza kaka na yawu. Ya kele kieleka. Marie vwandaka na kati-kati ya bawu. Mpe yandi zolaka vingila kuna tii yandi zimbisaka lukumu ya yandi nyonso mpe lunangu, ya kufuluka na Mpeve.

<sup>179</sup> Mpe awa bawu me kwiza, na kusalaka mutindu bantu ya kukola. Biblia ke tuba ti bawu salaka. Bawu tubaka, “Bantu yayi kele ya kufuluka na vinu ya malu-malu.”

<sup>180</sup> Kasi, Pierre, nzonzi, longi na kati ya kimvuka, telemaka mpe tubaka, “Bayayi kele ve ya kufuluka na vinu ya malu-malu, mutindu beno ke banza, na kumonaka ti ya kele kaka ngunga ya yivwa ya suka. Kasi yayi kele yina profete Joël zonzaka.” Yandi yina mu ke na kutangaka bubu yayi. “Mpe ya ke salama na bilumbu ya nsuka, tubaka Nzambi, Mu ke mwangisa Mpeve ya Munu na zulu ya bantu nionso; mpe bana ya beno ya babakala mpe bana ya bakento ke pesa profesu. Mpe mu ke lakisa bimangu na mazulu, mpe na ntoto, bidimbu. Mpe ya ke salama, ti muntu nyonso yina ke bokila Nkumbu ya Mfumu ke kuzwa mpulusu.”

<sup>181</sup> Ntangu yayi, Pierre longaka na Pentecote, na manima ya profete mosi yina mu ke longa bubu yayi samu na: kukuna Yinti yayi. Mpe ya kele kisika yina yandi kunaka Yawu. Oh, Ya salaka mbote. Ba basikaka mpe kuzwaka makabu ya kimpeve. Bawu belusaka bambevo. Bawu longaka. Ba losaka bawu na boloko. Ba vwandaka zola kutala mpasi samu na zola ya Ndinga.

<sup>182</sup> Kana beno kwenda na yinsi yankaka mutindu muntu ya kulemba, beno ke vwanda ve Américain ya kulutila mbote, kana beno me kwenda kuna. Kana beno vwandaka kota ntangu yayi na Japon, beno me syelumuka na manima ya nzila, beno tuba, “Beno kuwa, bampangi. Mu kele samu na beno. Beno zaba yinki? Mu kele samu na beno, kasi mu me luta na lweka yankaka.” Beno, muyekudi, ba fwana kubula beno masasi. Ya kele kieleka. Beno kele muyekudi. Kieleka.

<sup>183</sup> Mpe na yina ya kele mutindu mosi, muntu yina zaba Ndinga ya Nzambi, mpe ke kakula Yawu samu organisation mosi ke tuba na yandi ti yandi fwana sala yawu mutindu yina. Yina ke muyekudi. Ya kieleka.

<sup>184</sup> Kasi bantu yayi vwandaka miyekudi. Ba vwandaka kipe ve wapi mutindu, mbote, wapi mutindu ba vwandaka sala, wapi mutindu dibuundu ya bawu vwandaka sala: kusala makelele, kuboka, kuyangalala, mpe—mpe kuniunguta bandinga yina monanaka ti ba vwandaka tuba mosi na yankaka mpe ba lendaka bakula ve. Bantu yina kuna na kati ya nkonga ya bayinsi yankaka mpe bandinga yankaka bandaka na kuwa yina bawu vwandaka tuba. Bawu zabaka ve yina ba vwandaka tuba;

ba vwandaka niunguta. Kasi bantu yankaka kuna bakulaka yawu. Mpe bawu tubaka, “Bantu yayi kele kieleka ya kulawuka malafu.”

<sup>185</sup> Kasi Pierre tubaka, “Bawu kele ya kulawuka malafu ve, kasi bawu kele ya kufuluka na Mpeve.”

<sup>186</sup> Na yawu, ti, mosi na mosi ya bawu kwendaka na bambangi, kaka Jean, mpe ba yokaka yandi na tiya, bangunga makumi zole na yiya na ndonga ya nene ya mafuta, mpe ba lendaka ve kuyoka Mpeve na ngaanda ya yandi. Mpe kuna yandi kufwaka lufwa ya yinza, kaka yandi yina, Jean mumoni. Ntangu yayi, ya kele kieleka.

<sup>187</sup> Beno tala ntangu yayi yina salamaka. Na yayi, Nzambi kunaka Yinti, samu na kubasisa makabu yivwa ya kimpeve, makabu ya Mpeve ya Yandi. Mpeve mosi yina vwandaka na kati ya Klisto kulumukaka na zulu ya Dibuundu, vwandaka na Luzingu ya Kukonda nsuka. Ntangu yayi, makabu ya Mpeve vwandaka na kati ya Dibuundu, mpe Yawu vwandaka kula, vwandaka basisa mbuma, bisika nyonso. Bawu banzaka ve na bawu mosi. Bawu bongisaka kima ve. Bawu kwendaka kaka na ntwala mpe vwandaka bampangi. Bawu vwandaka ve. . .

<sup>188</sup> Mu kele na kyese ti mwa kima yango vwandaka na zulu kuna, “Ata credo kasi Klisto, ata musiku ve kasi zola, ata buku ve kasi Biblia.” Ya kele yina mu ke kwikilaka. Beno me mona? Mpe ya kele mutindu bawu salaka. Yinza kele ba-paris ya beto, beno me mona, bisika nyonso.

<sup>189</sup> Na yawu, beno tala, bantu yayi ntangu bawu vwandaka sala yawu, mutindu nkembo vwandaka dibuundu yango. Mpe Nzambi vwandaka na bawu, Biblia me tuba. Mpe Yesu kutanaka na bawu na ntwala ya nzanguka ya Yandi. Yandi tubaka, “Beno kwenda na yinza ya muvimba, mpe beno longa Nsangu ya mbote na bantu nionso. Bidimbu yayi ke landa bayina ke kwikila; na Nkumbu ya Munu. . .” Ntangu yayi, “Bidimbu yayi.”

<sup>190</sup> Ntangu yayi, bubu yayi, wapi mutindu ya kidimbu beto ke bokilaka mukwikidi? Yandi ke pesana maboko na pasteur. Yandi kele ya dibuundu. Yandi kele na nkumbu ya yandi na buku samu ti mama ya yandi vwandaka na nkumbu, to tata ya yandi vwandaka na nkumbu na buku. Kasi ya vwandaka ve yina Yesu tubaka. Yesu tubaka, “Bidimbu yayi.” Ya kele dibuundu, ya kimuntu.

<sup>191</sup> Beto ke na kuzonzila na yina me tala Dibuundu, ya kimpeve. Beto ke na kuzonzila na Yinti ya kimpeve, yinti ya yinza ve. Beto ke na kukuma na bayinti yango zole na kati, na manima ya mwa ntangu fyoti. Beno me mona? Yinti ya kimpeve! Yesu tubaka, “Bidimbu yayi ke landa bayina kele ya kunamika na Yinti yayi. Bidimbu yayi ke landa bayina ke na kubasisa Luzingu ya bawu na Yinti yayi. Na Nkumbu ya Munu ba ke basisa bampeve ya yimbi; ba ke tuba bandinga ya malu-malu. Kana

bawu simba nyoka, to bawu kunwa bima yina ke kufwaka, ya ke sala bawu yimbi ve. Kana bawu tentika maboko ya bawu na zulu ya bambevo, bawu ke beluka.”

<sup>192</sup> Ya kele mutindu ya bidimbu Yandi tubaka ti ke landa mukwikidi. Wapi kisika ya kele bubu yayi? Yandi pesaka yinza mbandu ya yina ke vwanda kidimbu ya mukwikidi. Mpe Yandi tubaka, “Ya ke vwanda mbote mingi ti ba kanga ditadi ya nene na laka ya nge, mpe ba losaka yawu na kati ya mubu, na kisika ya kuniongisa mosi na kati ya bawu, samu ti Bawanzio ya bawu ke talaka ntangu nyonso kizizi ya Tata ya Munu yina kele na Mazulu.” Bawanzio!

<sup>193</sup> Beno tala ntangu yayi. Bawu vwandaka kuna. Mpe ba kunaka Yinti yina. Ya vwandaka sala kisalu ya nene. Beto zaba ti ba vwandaka kwenda bisika nyonso, bisika nyonso. Mfumu. . . Mbote, na Kilumbu ya Pantekote, mafunda tatu ya mioyo bwelamaka, ya kubotama, mpe kotaka na Dibuundu. Mpe wapi mutindu kubundana ya nene bawu kuzwaka! Mpe, muntu nyonso, vwandaka ve na nsatu ya kima mosi. Muntu nyonso vwandaka, na ntima ya mbote. Mpe, mosi na yankaka, bawu nyonso vwandaka dibuta mosi ya nene. Mbote mingi!

<sup>194</sup> Mpe kuna kwisaka, mwa niama, ya ntama, ya kukondwa kitoko na kutala, na meno ya nene yina ke zingaka na bitezo yiya ya kuswaswana, mutindu Joël kumonaka yandi. Kitezo ya yiya yayi ya niama, mubebisi, basikaka samu na kubebisa Yinti yina ya kitoko ya Nzambi. Beno banza na yawu. Ntangu yayi mu ke tanga na mwa Joël, yina yandi tubaka. Joël, kapu ya Ite. Kima ya ntete. . . Ntangu yayi, ya kele na baniama yiya ya kuswaswana kuna ntangu yayi, kasi kuna, ya kele kieleka na mosi yina ke vwanda na mfunu. Ya kele niama mosi na bitezo yiya ya kuswaswana. Ntangu yayi beno tala mbote. Mwa yinzo yayi, ya ntama ke luta, samu na Nsu-. . . samu na Yinti yayi ya nene, ya kitoko ya Nzambi. Beto ke bokila yawu Yinti, yina vwandaka Dibuundu.

<sup>195</sup> Ya ntete vwandaka dikelele. Yina kele mwa kima ya fioti, kaka mwa niama ya fioti ya mbumbu. Yinki yandi salaka, dikelele yina? Yandi kwisaka samu na kubebisa mbuma ya Yinti. Yawu yina kima ya ntete.

<sup>196</sup> Ntangu yayi beto vutuka na disolo mpe beto mona yinki vwandaka kima ya ntete: vwandaka kimvuka ya bantu ya lukumu yina vwandaka me kota na kati-kati ya bantu ya mumesanu. Mpe bawu tubaka, “Mbote, yayi kele mbote ti nge lenda belusa bambevo, mpe nge lenda sala bima yayi. Ya kele mbote mingi. Na yawu, beno zaba yina beto fwana sala? Beto fwana nata yawu kuna kisika kalasi ya bantu ya kulutila nene ke bakula yawu, kalasi ya kulutila mbote: mfumu ya mbanza, bazuzi, mpe nyonso yina, mpe bantu ya lukumu ya mbanza. Mpe ntangu nyonso yina beno nyonso ke na kulandila mutindu beno

kele, ata mbala mosi ve ti bawu ke kwiza pene-pene ya beno. Beno me mona? Bawu kele na boma ya beno.”

<sup>197</sup> [Mpangi mosi ya bakala me tuba, “Ba kele kaka mutindu yina.”—Mu.] Muntu mosi tubaka yawu, “Ba kele kaka mutindu yina.” Mu banza ti ya kele mbote. Na yawu, ya kele kieleka. Ba kele na boma ya Mpeve-Santu. Beno lemvokila munu.

<sup>198</sup> Mu vwanda yimbaka mwa nkunga mosi:

Ya kele kuluntu . . .

Beno me kuwaka ntete *Nsambulu ya Ntangu Ya Ntama?*  
Muntu nyonso awa me kuwaka nkunga yina?

Ya kele nsambulu yayi ya mbote ya ntama . . .

Mu vwanda yimbaka mwa nkunga mosi mutindu yayi, bamvula me luta, mu tubaka:

Ya kele Mpeve-Santu ya ntangu ya ntama,  
Mpe dyabulu ke kwenda ve pene-pene ya  
Yawu;

Ya kele samu na yina bantu ke zitisaka Yawu  
ve,

Kasi Ya kele mbote mingi samu na munu.

Ya kele mbote mingi ti mu zola yankaka ve,  
Samu ti Yawu ke salaka munu kuzola mpangi  
ya munu ya bakala;

Mpe Yawu ke nataka bima na yisi ya kufuka,  
Na yawu Ya kele mbote mingi samu na munu.

(Ya kele kieleka.)

Ya ke sala ti beno sukisa luvunu ya beno;  
Ya ke vulusa beno ntangu beno ke kufwa;  
Ya ke sala ti diabulu kukwenda ntama,  
Mpe Ya kele mbote mingi samu na munu.

<sup>199</sup> Ya kele kieleka. Ya kele samu na yina bantu zola Yawu ve. Ntangu yayi—ntangu yayi, Ya kele Nzambi.

<sup>200</sup> Bawu zolaka ve Yesu. Bawu tubaka, “Muntu yayi?” Dibuundu, dibuundu ya nene ya lukumu, tubaka, “Nge me kwiza tuba na beto nani beto kele? Beto ke pesa nge na kubakula, beto kele Docteur ya Philosophie na Doctorat ya Philosophie, YA DROIT, Q.U., mpe,” oh, “nionso yayi.” To, “Mbote, mu kele nganga-Nzambi ya ntete. Mu kele *yayi, yina*, to *yankaka*. Mpe beno ke tuba na munu? Samu na yinki, ba butaka beno na kati ya disumu. Beno kele kima ve kasi mwana ya makangu. Mama ya beno zolaka vwanda, kuzwa beno, ntete beno mpe tata ya beno . . . tata me kwelana ntete ve.”

<sup>201</sup> Yandi tubaka, “Nani lenda fundisa Munu na disumu?” Beno me mona? “Nani lenda fundisa Munu?” Mbote mingi. *Disumu* kele “kukondwa kukwikila na Ndinga ya Nzambi.” Na nzonzolo yankaka, Yandi tubaka, “Talisa Munu kisika Mu ke lungisa ve

Ndinga, samu—samu na—na—na lupangu ya fioti, kaka kisika Yawu zolaka vwanda. Beno lakisa Munu na Masonuku, kisika kilumbu ya Munu kele. Kana Mu ke sala ve bisalu ya Tata ya Munu, na yina beno kwikila Munu ve.” Yandi tubaka, “Ntangu yayi, nge ke tuba ti nge kele yina. Ntangu yayi beto mona ti nge ke sala yawu.” Oh, la la!

<sup>202</sup> “Kubanda ntangu yayi ba yufulaka Yandi kima mosi ve.” Beno me mona? Ba bikaka Yandi swi. Mutindu, diabulu pumbukaka na zulu ya Yandi. Mu tubaka yawu, yandi banzaka ti yandi ke pumbuka kaka, na mutindu nionso. Kasi, yandi monaka ti, ya vwandaka na mafuku ya ba-volt na Nsinga yina. Yandi pumbukaka na Yina, na nswalu nionso, beno me mona, samu yandi lendaka ve kusadila Yawu. Mpe yina vwandaka kima mosi ya kieleka.

<sup>203</sup> Na yawu mwa dikelele yayi me kwiza, samu na kukatula bambuma. Mu kele na ba-page zole ya “bambuma.” Mu zola kaka kutanga ndambu ya yawu. Kima ya ntete, mbuma ya ntete yandi katulaka, vwandaka zola ya bampangi. Ya kele kieleka. Ya kele mosi ya bima yina ke kufwa dibuundu kaka kuna, ntangu zola ya bampangi. . . Yinga, tata. Na yina, mbuma yina vwandaka landa yandi katulaka Yinti. . . Beno ke bambuka moyo, zola kele mbuma ya ntete na Yinti. “Zola, kyese, ngemba, mvibudulu, bumbote, lembami, lukwikilu, mvibudulu,” ya kele kieleka, “na kati ya Mpeve-Santu.” Ntangu yayi, makabu yivwa ya kimpewe, na bambuma yivwa ya Yinti, mpe nyonso yina. Mbote mingi. Ntangu yayi, ya ntete, yandi zolaka kudya na mbuma ya Yinti.

<sup>204</sup> Ntangu yayi beto baka Yinti ya nene, ya Yinti ya Nzambi. Ya ke na kubutaka makabu yivwa ya kimpewe. Ba ke na kubeluka ya bambevo. Ba ke na kutuba na bandinga. Ba ke na kubasisa bampeve ya yimbi. Bawu ke na kusalaka bisalu ya nene, mpe ke na kulongaka Ndinga ya Nzambi ya kukondwa mvindu. Ata dénomination ve samu na kukangama na yawu; bawu kele na kimpwanza, na kusalaka kisalu ya nene.

<sup>205</sup> Na yina, tala kwisaka mwa diabulu ya mutindu yayi, ya kuvwanda kuna na mampoka zole ya yandi ya kuvwanda na ntwala, mutindu dikonko, beno zaba, mpe mwa meno ya yandi ya ntama ya mafuta. Ya kele ya yandi ya ntete, dikelele, yandi me kwiza samu na kudya zola ya bampangi. Yandi tubaka, “Beno zaba, Kingandi salaka *yayi-mpe-yayi*, kuna na dibuundu ya *Kingandi*. Mu ke kwikila ve nkonga ya bantu yina.” Beno me mona? Yandi yayi, kima ya ntete.

<sup>206</sup> Na manima, yandi zolaka kudya na mbuma ya lukwikilu, lukwikilu na Ndinga. “Ntangu yayi beno tala. Wapi mutindu beno ke zaba ti ya kele Ndinga? Ba me bangula yawu bambala mingi!” Mwa mpeve yango ya yimbi ke na kudia dyaka. Kieleka.

“Ba me bangula Ndinga yango bambala mingi! Yandi kele *yayi*, *yina*, to *yankaka*. Oh, yandi kele nyonso *yayi*.” Beno me mona?

<sup>207</sup> Ntangu yayi, yina kele mbuma yankaka yandi ke kudia: kiese ya mpulusu. “Shhh! Beno bantu ke salaka makelele mingi. Oh, la la! Oh!”

<sup>208</sup> “Oh, wapi mutindu nge lenda longa, Mpangi Branham?” kento mosi tubaka na munu, kilumbu mosi. Ve, ya vwandaka ve. Ya vwandaka bakala. Mu banza ti yandi kele. . . Mu banza ti yandi kele awa. Yandi kele ya dibuundu yankaka. Kasi yandi tubaka na munu, yandi tubaka, “Mu vwandaka kuwa nge, kilumbu yina, mpe mu vwanda kuwa nge ve, samu bantu yina vwandaka dila.”

Mu tubaka, “Kana bawu. . .”

Yandi tubaka, “Wapi mutindu na yinza nge lenda longa?”

<sup>209</sup> Mu tubaka, “Kana bawu sepela na yawu ve, mu ke longa kuna ve.” Ya kele kieleka. Mu vwandaka. . . beno. . .

<sup>210</sup> Nkundi ya munu mosi, Jim Poole, mpe munu, beto vwanda vwandaka na yimbwa ya kiboba. Beto vwanda bokilaka yandi Fritz. Mpe na yina mwa yimbwa yayi ya ntama, yandi vwandaka landa kibulu nionso samu na kupusa bawu na kubumbama na yinti, katula kaka mufeti. Yandi vwandaka na boma ya mufeti, samu yandi kuwaka nsunga ya yimbi mingi. Na yina, mu kuzwaka mufeti mosi na nsi ya kinkuku ya matiti, kima mosi kaka mu zolaka sala vwandaka kuleba yandi fioti, mpe kutuba, “Kanga yandi! Kanga yandi, kwenda!” Yandi vwandaka kwenda kukanga mufeti yina, beno me mona, samu mu vwandaka leba yandi, na kutubaka, “Kanga yandi!”

<sup>211</sup> Mbote, ya kele kaka yina ya kele ntangu beto. . . Ya kele, nsunga ya yimbi mingi mu zaba, ya kele dyabulu. Na yawu, ntangu mu ke na kunata Ndinga yayi, mpe muntu mosi ke tuba, “Amen,” ya kele, “Sansa yandi, mwana ya bakala!” Mpe beto—beto ke—beto ke pusa yandi na kubumbama na yinti.

<sup>212</sup> Na yawu, beto talaka ti yandi katulaka kyese. Beno zaba, David, kilumbu mosi, zimbisaka kyese ya mpulusu ya yandi. Yandi zimbisaka mpulusu ya yandi ve, kasi yandi zimbisaka kiese ya yawu. Yandi bokaka, “Mfumum, vutula munu kyese ya mpulusu ya munu.” Beno me mona? Kyese!

<sup>213</sup> Na yina mwa dikelele yayi ya ntama me banda na kudia mbuma yina ya kiese. “Ntangu yayi, beno tala awa. Beno bantu ke salaka makelele mingi. Mu ke tuba na beno, kudila nyonso yayi, kutuba yayi ‘amen,’ mpe kuboka yayi, yina kele buzoba. Ya kele ve na kima mosi na yawu.” Beno me mona? Kima ya ntete beno zaba, beno vwandaka na yinzo ya nene ya bamvumbi, beno zaba, ya kuvwanda kuna, bawu nyonso kufwaka. Mwa ba-liquides yayi samu na kutula madidi yina ba ke *bokilaka* Malongi, ya ba-credo yina ba me pompa na misisa ya bawu

kisika Mpeve ya Nzambi zolaka tambula, kisika credo ya ntama ya dibuundu yina vwandaka pompé kuna. Kuyituka ve ti bawu kele ya kukangama na madidi mpe ya kufwa. Thermometre ya kimpeve, makumi yivwa na yisi ya zero. Yinga. Muntu mosi ke tuba, “amen,” muntu nionso ke balula nkingu ya bawu mutindu mwa kima mosi ya ba-mose to kima mosi, zola kuzaba yina me tuba yawu. Ya kele nsoni. Ntangu, Mpeve ya Nzambi fwana vwanda kiese, ngemba, zola. Kasi mwa kitutu yayi ya ntama bandaka na kudya na yawu. Yandi kudyaka kyese nyonso ntama.

<sup>214</sup> Mpe, kuna, mbuma yina ke landa na Yinti kele ngemba, ngemba ya dibanza, na kuzabaka ti beno kele ya kuzwa mpulusu.

<sup>215</sup> Ba ke tuba na beno, “Mbote, ntangu yayi, kana beno ke tanga credo ya *betó*, beno kele ya kuzwa mpulusu. Kana beno kota na dibuundu ya *munu*, beno me kuzwa mpulusu.” “Mbote, ntangu yayi,” yandi yayi ke tuba, “beno me kuzwa mpulusu ve kana beno kwenda *kuna*. Benó fwana kota na dibuundu ya *betó*, samu na kuzwa mpulusu. Benó fwana tuba, ‘Mbote Marie.’ Benó fwana kuzwa nkumbu ya beno na buku *yayi*. Benó fwana kuzwa . . .” Oh, la la! Yina ke basisa kiese nionso. Kasi yina kele ve Yinti ya Nzambi; beno zaba kisika beno kele. Yina kele hybride, ntangu nionso.

<sup>216</sup> Benó zaba disolo ya munu samu na mulet. Yandi kele hybride. Yandi zaba ve nani vwandaka tata ya yandi, mama ya yandi, to mosi, vwandaka. Benó me mona? Yandi kele hybride. Kasi, oh, mpunda ya mbote ya menga ya kieleka, yandi zaba nani vwandaka tata ya yandi mpe mama ya yandi, na nzila ya bansungi.

<sup>217</sup> Mpe ntangu yayi, Muklisto ya kieleka ya mbote, mpe, yina kele na Mpeve-Santu, yandi zaba ti Yawu kubwaka na Kilumbu ya Pentecote. Yandi zaba kisika yandi kele. Yandi lenda vutula dyaka bansungi ya yandi, bankooko ya yandi, na ntonono ya ntete ya yawu. Pierre kuzwaka Yawu. Kuna na kati ya yinsi, to makanda ya bantu, ba me kuzwa Yawu, na yisi kuna. Muklisto ya mbote ya kieleka zaba kisika Yawu me katuka.

<sup>218</sup> Benó tuba, “Mbote, mu kele Luthérien.” “Huh! Mu kele Presbytérien.” Oh, beno me vukisa! “Samu na yinki beno ve? Samu na yinki beno ve?”

<sup>219</sup> “Mbote,” beno ke tuba, “yinki—yinki nge kele?” Kubutuka mbala zole. “Kubutuka mbala zole, na yinki?” Mpeve ya Nzambi.

<sup>220</sup> Ya kele samu na yina ba me vukisa beno ve. Benó me butuka na mutindu ya kulunga. Na credo ya dibuundu ve, kasi na Mpeve ya Nzambi. Nzambi ke zinga na kati ya beno.

<sup>221</sup> Ntangu yayi beno tala. Mwa disolo yayi ya ntama bandaka na kudia. Na yawu, yandi me kudya ngemba nyonso ya dibanza, oh, mpe me landila, mpe me landila, mpe me landila, mpe me landila, mpe oh, me landila mutindu yina. Mu kele na page ya yawu awa, bambuma nyonso, yina yandi salaka.

<sup>222</sup> Na yina mwa niama yayi kufwaka, mpe yandi kumaka dinkoko. Ya vwandaka kitezo yina vwandaka landa, ya vwandaka dinkoko. Ntangu yayi, yinki dinkoko ke salaka? Dinkoko ke kudya matiti. Ya kele kieleka. Dinkoko ke nataka na makasa. Yina dikelele me bika, yandi me bika makasa; yandi me kudya bambuma nyonso na Yinti. Na manima yinki me salama? Dikonko me kudya, me kudya yina dikelele me bika. Ntangu yayi, yinki yandi salaka? Yinki dikelele yayi me sala? Yandi bebisaka matiti. Samu na yinki matiti? Mbundana ya Kinzambi yina ke bebisaka. Ya kieleka.

<sup>223</sup> “Ntangu yayi, yandi kele—yandi kele—yandi kele Presbytérien. Beto kele ve na kima ya kusala na yandi. Yandi kele Nazaréen. Yandi kele Pentecotiste. Yandi kele *yayi*, *yina*, to *yankaka*. Beto ke vwanda ve na kima ya kusala na yandi, samu ti yandi kele ve mambele ya kimvuka ya beto. Beno kuzwa lukutakanu awa, samu na kubeluka ya bambevo? Huh! Dibuundu ya beto ke kwikilaka ata fyoti na yawu ve.” Beno me mona? Yawu yina. Yandi, yinki mwa dinkoko yina ya ntama salaka? Yandi katulaka kubundana nyonso, ya kele kieleka, bakaka kubundana nyonso.

<sup>224</sup> Yinki kele kubundana? Yinki makasa ke salaka? Ya ke pesa yawu madidi, kisika bandeke ke pumbuka na yisi ya makasa, “huh-huh,” beno ke vwanda na madidi. Beno tala dyaka yinti ya beno. “Mpe yandi ke vwanda mutindu Yinti yina ba kunaka.” Beno me mona? Mbote mingi. Kisika bantu lenda kwiza mpe kuvwanda na yisi ya kubundana ya Mpeve-Santu, kukuma madidi mwa fyoti. Beno kele na kidi-kidi, mpe beno zaba ve yina me salama; mpe kana beno kufwa, kana beno kele ya kuvuluka to ve. Mpe beno zaba ve kana dibuundu *yayi* kele kieleka, to *yina* kele kieleka. Beno kulumuka kaka na nsi ya Yinti yina kele na mwa matiti na zulu ya Yawu. Beno vwanda kuna. Ti Mipepe katuka Mazulu kubula, mutindu Mupepe ya ngolo, na nzila ya makasa, beno zaba, na zulu ya makasa. Ya ke banda na . . . Mpe beno ke banda na kukuma madidi mwa fyoti.

<sup>225</sup> Beno ke tuba, “Oh, mu ke kwenda kuna mpe ke tuba na nkonga ya ba-exalté yina mu banza.”

<sup>226</sup> Beno vwanda kaka na mwa ntangu fyoti mpe beno ke vwanda na madidi. Ya kele kieleka. Beno lenda ve kusala yawu na ya beno. Samu ti, yinki kele dyambu? Dinkoko me kudya yawu nyonso, kieleka, me kudya makasa nyonso na yawu. Ntangu yayi, ya kele, ya lendaka vwanda kaka mbote na kubasika kuna na mwini. Na yawu, beno, ya kele ve—ya kele ve na madidi kuna. Mbote mingi. Ntangu yayi, na yawu ya kele. . .

<sup>227</sup> Kasi beno zaba yina beto fwana sala. Biblia ke tuba, ti, “Dibuundu yina ba soolaka ntete, bana ya babakala yina ba soolaka ntete na Nzambi,” (yinki bawu ke sala?) “me vwanda

na bisika ya Mazulu.” Yinki ya kele? Madidi, ngolo, kuwa mbote. Amen.

228 Kisika bantu nionso me lwata tuxedo, mpe—mpe muntu yina ke landa mutindu *yayi*, mpe—mpe bayankaka na kati ya bawu, bawu ke tuba, “Hum! Tala. Yandi salaka ata fioti ve permanente na kati ya bansuki ya yandi. Tala, ya ke pesa boma ve na kutala? Yandi kele ve ata na robe ya Paki ya kufutika.” Ntangu yayi, na yina, yawu, ata ti nionso yina ya kele, kuna, beno zaba. Ata mpe, kuna na. . . Yinga. “Paki ya kufutika,” yina kele kaka mbote, beno me mona. Ba ke vwanda kuna na manima, mpe ba ke sala, “Hum!” Beno me mona? “Beni vwanda ve na Paki. . . Na yina, mbote, beno tala yandi, kazaka yina ya ntama yandi lwataka mvula me luta! Mbote, yinki beno ke zaba samu na yawu?” Beno ke kuwa mbote ve, kuna.

229 Mu tubaka na mwa ntwenya ya kento mosi, kilumbu yina. Mwa ntwenya ya kento mosi ya mputu, yandi vwandaka ya dibuundu mosi ya nene, ya lukumu kuna. . . Yandi tubaka. . . Yandi ke na kufwa, na cancer. Yandi kwendaka kuna samu na kusambila samu na yandi. Mpangi Roy Roberson awa, mosi ya ba-administrateur, me tinda munu kuna. Mpe mwa ntwenya ya kento mosi ya mputu ya kuvwanda kuna, vwanda kufwa na cancer. Mpe yandi tubaka. . .

Mu tubaka, “Nge. . . Nge kele Muklisto?”

230 Yandi tubaka, “Tata, mu—mu zaba ve yinki ya kutuba.” Yandi tubaka, “Mu kwendaka na dibuundu *mosi*.” Mpe yandi tubaka. . . Mpe yandi bandaka na kudila.

Mu tubaka, “Yinki kele diambu?”

231 Yandi tubaka, “Mu lendaka kaka ve kulwata mbote.” Yandi tubaka, “Ba vwandaka tala munu na yisi.” Huh! Oh, beno bawu yayi. Beno me mona? Beno kele—beno kele na mpasi mingi. Beno me mona?

232 Kasi Biblia me tuba ti beto ke “vukana beto mosi kintwadi na bisika ya Mazulu.” Oh, la la! Yinki? Bawu nyonso mutindu mosi. Samu na yinki, mu ke tuba na beno yinki yayi ke sala. Ya ke sala. . . Ya ke sala salopette mpe smoking kuyamba mosi kutula maboko ya bawu pene-pene ya mosi na yankaka mpe kubokila mosi na yankaka mpangi-bakala. Ya kieleka ya ke sala yawu. Ya ke sala ti muntu yina me lwata robe ya ntama ya calico kutula maboko ya yandi na zulu ya muntu yina me lwata robe ya soie, ya satin mpe ke tuba, “Mpangi-kento, wapi mutindu nge kele na suka yayi? Lukumu na Nzambi!” Ya kieleka. Ya ke vwanda mutindu yina. Ya kele kyese, ngemba, zola, lukwikilu na Ndinga, mvibudulu, kusalasana, kukanga-ntima. Ya kuvwanda na bisika ya Mazulu na kati ya Klisto Yesu, ya madidi mwa ntangu fyoti. Beno me mona? Ya kele yina makasa salaka.

233 Kasi yinki dinkoko yayi ya ntama salaka, yandi kwisaka kuna, yandi kudiaka matiti, yandi tubaka, “Nge kele ya beto

to nge kele ve kinama ya muntu mosi.” Na yawu yandi bakaka madidi nyonso ya Mpeve. Beno me mona? Yandi kubikaka yandi mosi credo. Mbote mingi. Ntangu yayi beto fwana landila. Beto lendaka vwanda ntama mingi na dikonko yina ya ntama.

<sup>234</sup> Kasi kitezo ya yandi ya tatu vwandaka kipiatsu. Hmm! Yina kele na nkumbu ya yimbi, na kubanda, kipiatsu. Yinki ke salaka kipiatsu? Ya ke kwendaka na bwatu. Ya kele nsinga ya luzingu, kuna. Yinga, tata. Ya ke kotaka na mpusu mpe ya ke bebisa vwale ya yinti. Vunga!

Yinki kele nsambulu? Vunga. Ya kele yina mpova *nsambulu* zola kutuba, “vunga.”

<sup>235</sup> Na yawu, mwa kipiatsu yayi, na manima yandi me kota na kati-kati ya dibuundu, me kuzwa bawu nyonso ya kufuluka na lukumu; na yina yandi katulaka kubundana nyonso ntama ya bawu, na mutindu ya dinkoko; mpe ntangu yayi yandi ke kwisa kuna mpe ke baka nsambulu ya bawu mpe ke sala na yawu ba-dogme, kieleka, yandi ke sadila bampova yina kele ve ya orthodoxe. Na mutindu ya yandi mosi nsambulu, mpe ke nata nkonga ya bantu kintwadi mpe ke tula credo kuna. Yandi ke bakaka nsambulu ya kieleka, ke katulaka yawu na Yinti ya Nzambi, mpusu yina ke nataka masa ya yinti yina ke mataka na kati ya Yandi, yandi ke katula yawu. Kipiatsu! Beno me mona niama yina? Ya kele kieleka. Kipiatsu yayi, yina vwandaka Rome na dibuundu yina ya ntete.

<sup>236</sup> Kima ya ntete, kimvuka ya ba-Pentecotiste; ba-organisation ya ba-Pentecotiste ve. Ve, tata. Konso kima yina bantu ya organisation kele ya kufwa. Mu ke siamisa kaka yawu na minuti mosi, na nzila ya Masonuku. Beno me mona? Kasi ntangu ya kele. . . Kasi, nzingulu ya Pantekote, nani ya kele? Ya kele samu na Katolika. Nani yankaka? Ba-Methodiste, ba-Baptiste, ba-Presbytérien, muntu nyonso yina zola yawu. Kasi beno zola, beno fwana zola yawu. Beno ke kota ve na kati ya Yawu.

<sup>237</sup> Mu vwandaka na dibuta ya Branham bamvula makumi tanu na tatu, mpe mu me kumaka ata fioti ve na dibuta yango. Samu na yinki? Mu kele Branham, na kubanda. Mu butukaka Branham.

<sup>238</sup> Ya kele mutindu beto kele Baklisto. Ve samu ti beto kele ya kuvukana na kima mosi; ya kele organisation. Beto me butuka, Baklisto, na nzila ya kuvutuka ya malu-malu na nzila ya Mpeve-Santu. Beno tala ntangu yayi.

<sup>239</sup> Ntangu yayi, mwa kipiatsu yayi me banda na kusala nzila na kati ya mpusu. Yinki yandi salaka? Yandi bandaka na kubaka nsambulu ya yawu, vunga ya yawu, Malongi ya yawu ntama na yawu. Nsambulu kele malongi, vunga yina ke fikaka kima nyonso. Ya kele samu na yina nsambulu ya beto kele na nzila ya Menga, Menga. Luzingu kele na kati ya Menga yina ke fika Ndinga. Mpe Luzingu kele. . . Ya kele na kati ya Menga. Menga

kele nsambulu, mpe Luzingu na kati ya Menga kele yina ke nataka bandandu. Samu na yinki, beno ke mona yawu? Beno me mona?

<sup>240</sup> Ya kele ve ya kufuka na makasa ya fike. Adam mpe Ève mekaka yawu kilumbu mosi. Caïn salaka kima mutindu mosi. Beno talaka yawu? Caïn nataka ndambu ya luzingu ya bayinti, mpe. Beno me mona? Kasi ya ke simba ve. Ya salaka ve na Adam mpe Eve. Mpe ya ke simba ve bubu yayi. Ntangu Nzambi mangaka yawu na mbandukulu, ba mangaka yawu samu na Seko. Ba-credo yina bantu me sala mpe mabanza ke baka yawu ata mbala mosi ve.

<sup>241</sup> Ya kele Ndinga ya Nzambi, fwana sala yawu. Mpe Ndinga kele na nzila ya Menga, munkayulu ya Klisto. Ya kele kieleka.

<sup>242</sup> “Bantu,” mutindu mpangi tubaka na suka yayi, “ke benda ba-vitesse.” Mbote, beno zaba, ya kele na bansoso kumi na yivwa ya kuswaswana na yinsi bubu yayi, ti ba-organisation ya mutindu na mutindu me kangama, mpe lendaka tuba, “Ya kele nsonso ya kisina, yina vwandaka na maboko ya Yandi.” Yinki ya yawu, kana ya vwandaka? Mu ke zola ve kima ya kusala na yawu. Kieleka.

<sup>243</sup> Nzambi ata mbala mosi ve kubikaka kima samu na binama ya banzutu bikanaka mpe bidimbu. Yandi fidisaka Mpeve-Santu, Kima ya moyo, ba lenda ve kubebisa yandi. Yinki mbote nsoso mosi ke sala munu? Yinki mbote kulunsi ya kieleka yina ba komaka Yandi, yinki mbote ya ke sala munu? Ata fyoti ve. Ve na kuzaba nsonso mosi, kuzaba kulunsi, kasi, “Kuzaba Yandi kele Luzingu.” Beno me mona?

<sup>244</sup> Ntangu yayi, na yina beto ke kangama na bansoso, beto ke kangama na bima ya ntama, mpe beto ke kangama na bisika. Mpe bubu yayi bantu ke mata mpe ke kulumuka, na mbanza ya Jérusalem, mpe—mpe bisika nionso na bisika ya kuswaswana, mpe ke kangama na binama ya nzutu ya ntama bikanaka mpe bima. Yina kele ve na kima ya kusala na yawu, kima ve. Kima kele ya kubedisa, ya kupola, mpe me tatamana.

<sup>245</sup> Mu kwendaka na dibuundu mosi na—na Rome. Kuna kisika bawu—bawu, banganga-Nzambi nyonso yayi yina kufwaka, ba ke kuna na kati ya disamba, na yisi kuna, mpe bika ti musuni kubwa na mikwa. Mpe—mpe kuna bawu ke katula mikwa mpe ke sala nsemo na kati-kati, mpe ke tula mukwa ya bawu ya yintu bisika nyonso. Mpe bantu vwandaka kota kuna, ba vwandaka nika mukwa yango, samu na kuzwa balusakumunu, tii mukwa ya yintu ke kuma mpembe mpe ke lembe. Na yina beno ke kota na Santu Pierre kele Cathédrale kuna, dikulu ya Pierre, bawu ke tubaka kuna, kiteki, ba me yamba bawu, bambala yivwa to kumi ya kuswaswana; ba fwana yidika dikulu yankaka na zulu ya yawu. Buzoba ya mutindu yayi! Balukwikilu ya luvunu, kaka yina ya kele, ba-credo ya malongi yina muntu me sala.

246 Nzambi fidisaka Mpeve-Santu, Luzingu ya Nzambi, samu na kuvwanda na kati ya beno, ve na kiteki. Beno kele muntu yina Nzambi zola kuzinga; kiteki ve, kasi na kati ya beno. Bantu ke bokilaka, “biteki ya santu.” Ya kele ve na biteki ya santu. Beno kele kiteki ya santu ya Nzambi. Biblia me tuba mutindu yina. Ya kele kieleka. “Nzutu Nge me yidika samu na Munu.”

247 Ntangu yayi, mwa kima yayi ya fioti bandaka na kubebisa. Kubebisa yinki? Kipiatu kotaka na kati ya mpusu. Beno tala mbote yina yawu salaka. Yandi bandaka na kubebisa mpusu. Yinki yawu salaka? Yawu salaka dibuundu ya kimuntu samu na Dibundu ya kimpeve. Yinga, tata. Ya me katula kieleka mpe me pesa yawu ya luvunu. Ntangu yayi, beno bambuka moyo. Dikasa. . .

248 Mbuma, dikelele me kudya. Dikasa, dinkoko me kudya. Ntangu yayi, mpusu, kifukulu, nsambulu, Malongi; Malongi, kipiatu bakaka.

249 Wapi kisika malongi yango ya ntete katukaka, na ngaanda ya Biblia? Beno bantu ya masolo, beno zaba kisika ya katukaka. Na Rome, kieleka kisika ya bandaka, kuna bawu bandaka na kundima ba-dogme.

250 Ya kele mutindu Irénée, Santu Martin, Polycarpe, bawu nyonso. . . na manima ya lufwa ya Jean. Samu na kubangula Ndinga ya Nzambi, yandi vwandaka kuna na kisanga ya Patmos. Ba yokaka yandi na tiya na bangunga makumi zole na yiya, ba vutulaka yandi, mpe yandi sonikaka kaka Biblia. Nzambi ndimaka ti Biblia yayi ke sonama. Yina kele Ndinga ya Nzambi. Beto lenda katula na Yawu ve to kubwela na Yawu. Ya kele kaka kutula nzila Yawu kele, Ndinga.

251 Beno tala ntangu bawu vutukaka, ntangu basantu yayi ya Nzambi vwandaka meka na kukanga Ndinga yina, Rome me kota mbala mosi, mpe me ndima ba-dogme, na kisika. Ntangu yayi beto tala kaka yina yandi salaka, mwa malongi ya yandi ya luvunu, yina yandi salaka.

252 Mbotika ya maza. Kisika ba tumaka bawu. . . Pierre tubaka, na Kilumbu ya Pantekote, na yisi ya kubendama ya Mpeve-Santu, Ndinga ya Nzambi, “Beni balula ntima, mosi na mosi ya beno, mpe beno botama na Nkumbu ya Yesu Klisto samu na lemvo ya masumu ya beno.”

253 Yinki Rome salaka na yawu? Yandi balulaka yawu, mpe tubaka, “Beni botama na nkumbu ya ‘Tata, Mwana, Mpeve-Santu,’” na kusalaka yawu credo, Malongi ya Biblia ve. Yinki yandi salaka? Ya kele yina kipiatu, kudya. “Kumwangisa maza,” na kisika ya kukota na maza, “na nkumbu ya Tata. . .”

254 “Tata, Mwana, Mpeve-Santu” kele nkumbu ve. Ya kele ve na kima ya mutindu yina. “Tata” kele ve nkumbu, “Mwana” kele ve nkumbu, mpe “Mpeve-Santu” kele ve nkumbu.

255 Ntangu Yesu tubaka, “Beno botika bawu na Nkumbu ya Tata, Mwana, Mpeve-Santu,” ya kele, “Mfumu Yesu Klisto.” Kieleka yina Pierre na bayankaka salaka, mpe nyonso, muntu nyonso na Biblia, vwandaka. Ya vwandaka ve na muntu. . .

256 Mu ke telemina muntu nyonso na kunata munu kitini mosi ya Masonuku, to kitini mosi ya disolo, kisika muntu kubotamaka ntete na mutindu mosi yankaka na Nkumbu ya “Yesu Klisto,” tii na dibuundu ya Katolika ya Rome. Beno sala yawu. Mpe beno bambuka moyo, bande yayi ke kwenda bisika nyonso na yinza. Uh-huh. Mu me tulaka dibuundu ya balongi, na bankama ya bawu, mpe ba-évêque mpe nyonso yina, kutuba, “Beno telama, to beno kwiza awa na Biblia ya beno, to beno vwanda swi ntangu nyonso.” Bawu ke vwanda swi tii bawu ke vwanda na manima ya nge, mpe kuna bawu ke banda na kuzonzila na yina me tadila nge; ve kikesa ya kieleka samu na kutelama na kizizi ya beno, bumuntu ya beno ya mumesanu samu na kutelama mpe kutuba na beno na kizizi ya beno. Bawu kele na boma ya kusala yawu. Bawu zaba ti ya kele yimbi. Kasi ya kele yina kipiatsu bandaka na kudyu, beno me mona, na kudyaka Kima yango ya kieleka.

257 Ntangu yayi, beno ke tuba, “Ya kele ve mfunu. Yinga. Mutindu nyonso mu me botama kele mbote mingi.” Ya kele? [Dibuundu me tuba, “Ve.”—Mu.]

258 Paul tubaka, na Actes 19, ntangu, “Yandi, Paul, lutaka na balweka ya zulu ya Ephèse.” Biblia ke tuba, “Yandi monaka bilandi mosi.” Bawu kele bayina ke landa. Apollos, mulongi ya Baptiste, na yisi ya Jean Mubotiki, vwandaka longa bawu Ndinga. Mpe bawu vwandaka na kyese ya nene. Mpe Paul kwendaka kuna samu na kutala bawu, mpe yandi tubaka, “Beno kuzwaka Mpeve-Santu tuka beno kwikilaka?”

“Oh,” bawu ke tuba, “Mu kele mukwikidi.”

259 “Kasi ya kele ve yina mu ke lomba. Beno kuzwaka Mpeve-Santu tuka beno kwikilaka?”

Bawu tubaka, “Beto zaba ve kana ya kele na Mpeve-Santu mosi.”

260 Yandi tubaka, “Na ntagu yina yinki mbotika beno kuzwaka?” Beno me mona? Na ndinga yankaka, “Yinki mutindu beno kuzwaka mbotika?”

Bawu tubaka, “Beto kuzwaka mbotika.”

Yandi tubaka, “Wapi mutindu?”

261 Yandi tubaka, “Na yisi ya Jean,” yandi tubaka, “bakala mosi yina botikaka Yesu. Ya ke vwanda mbote ve?”

262 Paul tubaka, “Ve. Ve ntangu yayi. Ve.” Yandi tubaka, “Beno fwana kuzwa mbotika, dyaka.” Mpe Paul botikaka bawu, dyaka, na Nkumbu ya Mfumu Yesu Klisto. Yandi tentikaka maboko ya yandi na zulu ya bawu, mpe Mpeve-Santu kwizaka na zulu ya bawu.

263 Mpe Paul tubaka, “Kana Wanzio katuka Mazulu,” beno bika mulongi mosi; “kana Mwanzio mosi,” mpe diaka kipiatsu yayi, uh-huh; “kana Wanzio me katuka na Mazulu kulonga kima yankaka ya kulutula *Yayi*, samu na beno, ti yandi vwanda ya kusinga.” Ya kele kieleka.

264 Na yawu beno ke mona yina ya vwandaka, kipiatsu bandaka na kudya. Ya ke kudya mbotika ya maza na Nkumbu ya Yesu Klisto.

265 Kima ya kulanda yina kipiatsu yayi salaka, yawu katulaka mbotika ya Mpeve-Santu. Mpamba ve ti, ntangu nyonso yina beno ke kuzwa Mpeve-Santu yina, Yawu ke tiamuka na zulu ya Ndinga yina, ntangu nyonso yina beno ke sala yawu. Na yawu bawu zolaka—kusala yawu na luswaswanu.

266 Ntangu yayi, beno banza kaka na ba-Luthérien yikwa, ba-Protestant, ba-Catholique yikwa, na suka yayi, me siamisama, yina ba ke bokila yawu, na kubakaka mbundana ya ntete. Mpe ba ke bokilaka ti “Eucharistie Santu,” yina zola kutuba, mpova ya Latin, “Mpeve-Santu.” Beno me monaka ntete ve muntu ya Katolika kuluta na nzila ya dibuundu mpe kukwenda yandi mosi mutindu *yina*? Samu na yinki? “Ya kele Nzambi na kati ya dibuundu yina.” Yinki kele Nzambi? “Mwa kitini yina ya dimpa.” Mwa kitini yina ya dimpa, ya ronde, yina ba me sala mutindu nzambi-mwini yina ba ke sambila, ya kutandama kuna na autel kisika bampuku mpe bampese ke vukanaka, na kati ya mpimpa. Yina kele ve Nzambi ya munu, mu ke tuba na beno ntangu yayi. “Mbundana ya ntete, me siamisama na dibuundu.” Buzoba.

267 Kasi ya kele yina bawu salaka. Ya kele yina kipiatsu salaka. Ya me katula Mpeve mpe me pesa bawu kitini ya dimpa, mwa dimpa yina nganga-Nzambi salaka, to mwa ndambu ya bambuma, to kima mosi. Ya kele yina bawu salaka. Ya kele kaka kieleka. Beno kwenda, beno yufula ntangu yayi. Beno vutuka, beno tala na manima na disolo, mpe beno mona kana ya kele kieleka ve. Mpe beno ke bika kima yina kumena na laka ya beno? Ve kaka ba-Catholique yina, kasi beno ba-Protestant, mingi ya beno, kima mutindu mosi. Mbote mingi. Yawu yina bawu salaka. Mbote mingi.

268 Mpe kuna ba-Protestant, na kisika ya kuzwa Mpeve-Santu, beno zaba yinki bawu ke salaka? Bawu ke kwisaka mpe ke vukanaka, ke pesa mbote. Ya vwandaka ve na muntu yina vwandaka kwiza na nzila mpe vwandaka ningisa diboko, ntangu Kilumbu ya Pantekote kwizaka. “Kasi kuna me katuka na Mazulu muningu ya Mupepe ya ngolo, yina fulusaka yinzo nyonso kisika bawu vwandaka,” ya kele kieleka, yandi kulumukaka na kati ya matiti ya bayinti, tiamukaka na zulu ya mpusu. Ya kieleka.

269 Ntangu yayi, ntangu yayi, na kisika ya Mbutukulu ya malu-malu yina Yesu tubaka, muntu fwana butuka mbala zole, ba ke

ndima kukota na dibuundu ya bawu, “Beno kwisa kota mpe beno vukana.” Na kisika ya Ndinga, kipiatsu pesaka bawu credo. Beno ke mona ve? Beno tala awa yina yandi ke na kusala. Yandi ke na kupesa yinza samu na kimpeve. Beno lenda mona yawu?

270 Ntangu yayi beno tala. Ntangu yayi, beto, beto kele—beto kele na nzila ya Katolika awa, kasi beno zaba ti ya me kulumuka kaka na ba-Protestant mpe? Wapi kisika beto kele na Mpeve-Santu ya ba kumonisama na kati ya mabuundu ya ba-Protestant bubu yayi? Wapi kisika beto kele na mutindu ya kusala ya Pantekote na kati-kati ya ba-Protestant? Beto kele ve na yawu. Beno me kuzwa yawu na kati ya ba-Lutherien? Kana beno sala yawu, mu zola kwenda na yawu. Mu zola kwenda kuna mpe kudya kaka mpe kuzwa ntangu mosi ya mbote. Presbytérien? Wapi—wapi—wapi kisika ya kele? Beno me mona? Beno me ndima kima ya yinza.

271 Mu ke zola kwenda, mpe beno zaba yawu. Beno me mona? Beno bika ata mbala mosi ve Yayi kubasika na ntima ya beno.

272 Beno baka ve yinza. Ya kele lufwa. Muntu ya yinza yayi kele lufwa. Nyonso yina ya ke salaka, kele lufwa. Ya kele na yisi ya kutumama mpe awa samu na lufwa. “Ya kele Mpeve yina ke pesaka luzingu,” beno me mona, Mpeve yina ke pesaka Luzingu, ke kindisaka yawu. Ya kele Mpeve.

273 Na yawu, beno me mona, bawu bakaka . . . Beno tala mbote yina bawu salaka. Bakaka mbotika ya maza, na “Yesu Klisto,” na “Tata, Mwana, Mpeve-Santu,” kisalumu, yina kele ata Nkumbu ve.

274 Ntangu yayi, beno ke tuba, “Wapi luswaswanu ya ke sala?” Mbote mingi. Ntangu yayi, kana beno ke pesa . . .

275 Muntu mosi ke sadisa beno samu na kufuta check, Kilumbu ya sambanu, muntu yina ke futa beno. Na kisika ya kutula nkumbu ya yandi na zulu kuna, beno tuba kaka, “Katuka—katuka ‘Mfumu.’” Ya kele yina ya . . . Kufuta chek ya beno, kaka, “Futa samu na lutumu ya Jean Doe, nkama na makumi tanu ya ba-dollar, samu na kisalumu ya sabala yayi. Kubanda, ‘Mfumu ya kisalumu.’” Yandi tululaka yawu, kumu, mpe yandi monaka mutindu ya vwandaka mata. Yinga. Yinga. Yinga, tata. Ya kieleka ya ke sala yawu. Ya kieleka.

276 Kana ya ke sala luswaswanu ve, samu na yinki Paul tumaka bawu Baklisto, na kukumisaka Nzambi mpe na kuzwaka kyese mingi, mpe vwandaka kuzwa bima ya nene yina vwandaka salama kuna, samu na yinki yandi tubaka na bawu, “Beno fwana vutuka mpe kuzwa mbotika, dyaka, na Nkumbu ya Yesu Klisto”? Beno me mona? Beno baka Ndinga, beno tuba, beno vwanda kaka na Yawu. Beno tuba kima yankaka ve. Beno tuba kaka yina Yawu ke tuba. Beno me mona? Ya kele na nzila ya yina ba ke sambisa beto.

277 Ntangu yayi beno tala. Ya kele yina bawu salaka. Na kisika ya Mbutukulu ya malu-malu, bawu kele na kuvukana. Na kisika ya kuzonza Ndinga, bawu kele na credo. Beno lakisa munu na Biblia kisika bawu tubaka ntete “Mbote Marie.” Beno lakisa munu na kati ya Biblia kisika beno ba-Protestant me tangaka ntete Credo ya Bantumwa. Beno tuba na munu yina kele Credo ya Bantumwa, na kati ya Biblia, “Mbundana ya basantu.” Ba vwandaka telemina yawu. Beno tuba na munu na Biblia kisika bawu kuzwaka “Tata, Mwana, mpe Mpeve-Santu” mbotika. Ya kele kuna ve. Mpe kasi nge kwenda samu na yawu. Huh?

278 Ntangu yayi, ntangu yayi, na kisika ya kubundana mpe kimpangi na kati-kati ya bampangi, ba pesaka bawu kimfumu, pape. Mpe beno kele na évêque, ke tuba na beno yina beno lenda sala mpe yina beno lenda ve. Mpe beno ba-Pentecotiste kele na kuluntu ya kizunga yina ke tubaka na beno nani beno lenda kuzwa. Kasi Dibuundu kele na Klisto. Beno me mona?

279 Ya kele kisika beno ke kwizaka. Beno me mona? Ba pesaka beno ba-dogme yina mpe bima yina ba me sala, na kisika, kukatula Yawu. Yinki kipiati yina salaka? Ya ke katula Yawu mbala mosi na Yinti, mpe ke pesa beno *yayi*. “Mu ke katula yawu na Yinti, mpe Mu ke pesa nge *yayi*, na kisika. Mu ke katula *Yawu*, mpe mu ke pesa nge *yayi*.” Beno me mona kisika beno fwana?

Beno ke tuba, “Mbote, Mpangi Branham!”

280 Wapi kisika muntu nyonso, wapi kisika dibuundu nyonso ya ba-Protestant, katukaka? Katolika. Ya kele yina Apocalypse 13, to Apocalypse 17, ke tuba ti yandi ke sala yawu. Yandi tubaka, “Yandi vwandaka kento ya kindumba, mpe yandi vwandaka *mama ya bakento ya kindumba*,” kima mutindu mosi. Na yawu ve. . . Nzungu lenda ve kutuba kikalungu ndombe, beno zaba, mutindu yina ve. Ya kele kaka. . . Kusala yawu ve. Na yawu, ya kele kieleka.

281 Kimpangi; ba me katula kimpangi. Ntangu, beto fwana vwanda bampangi, mosi na yankaka. Ya me kabula beto mpe me kumisa beto ya kuswaswana. Mbote mingi.

282 Ntangu yayi beno tala mbote. Awa kele mosi ya mbote. Mu ke baka yayi, mpe na manima mu ke sukisa, na zulu ya bayankaka yayi. Beno tala.

283 Biblia ke tuba na beto, ntangu beto me sala yimbi, ti beto fwana sukula mioyo ya beto na nzila ya Mpeve-Santu. Kulumuka, bika ti Mpeve-Santu kutalisa na beto ti nge ke na kusala yimbi, mpe kuna kuvwanda na ntwala ya Yandi tii beno ke kufwa, na kuvedisaka mioyo ya beto.

284 Ntangu yayi, ba me baluka, me pesa beno kombelo. Na manima beno me kufwa, kuna nganga-Nzambi ke salaka mbongo mingi, samu na kusambila beno na kombelo. Oh, ya kele buzoba! Ya kele yina kipiati salaka. Ya kieleka. “Kusambila beno na kubasika na kombelo. Ba ke lomba bankama *mingi* ya

ba-dollar samu na kubasisa moyo yayi na kombelo.” Mu zola ti beno kumona “kombelo” na kati ya Biblia, kima ya mutindu yina. Ya kele ve na kima ya mutindu yina na kati ya Biblia. Ve, tata. Kasi bawu pesaka bawu kombelo, beno me mona, bawu, na manima nge me kufwa. Oh, yinga, mu zaba.

<sup>285</sup> Bawu—bawu—bawu ke tuba, “Kieleka!” Beno ke kuwa bawu kutuba, “Mbote, Santu Boniface tubaka *yayi-mpe-yayi*.” Mu ke kipe ve yina Santu Boniface me tuba. “Mbote, *Kingandi* tubaka ti yandi, yandi sambilaka samu na bakala ya yandi, mpangikento yina ya nene, Santu *Kingandi*?” Mu ke kipe ve yina yandi salaka.

<sup>286</sup> Ya kele mpova yina kele ve na lutumu. Ya kele ya kuswaswana na bantumwa yina kele na lutumu. Nzambi pesaka bantumwa yina, samu na kutula Dibuundu na ndonga, mpe Yawu me tungama na zulu ya Malongi ya bantumwa, ve na zulu ya Santu Boniface to santu mosi. Ya kele ya kuswaswana na Ndinga. Mu ke kipe ve yina Santu Boniface tubaka, mpe yina yankaka ya basantu, mpe basantu yankaka, mpe Santa Susie, mpe Santa Maria, bawu nyonso yina tubaka. Ya kele buzoba. Ya kele ve ya kulutila luvunu nyonso yankaka. Kana ya kele ya kuswaswana na Ndinga ya Nzambi, ya kele luvunu. Mu ke kwikilaka ve na bampova yina kele ve na lutumu.

<sup>287</sup> Ya kele samu na yina mu ke kwikilaka ve ba-credo yayi ya ba-Protestant mpe nyonso yina. Ya kele Katolika samu na—tii na mikwa. Ya kele ba-dogme. Wapi mutindu beno lenda bokila ba-Catholique, mpe kusawula bawu na kuvwandaka na ba-dogme, ntangu beno me fuluka na yawu, beno mosi? Mingi ve awa, kasi yayi kele na bande, beno me bakula, beno me mona, ke kwenda bisika nyonso na yinza. Beno tala. Wapi mutindu beno lenda bokila bawu yimbi, ntangu beno ke baka ba-credo yina me salama na bantu yina kele ya kuswaswana na Biblia, dogme, kaka mutindu mosi bawu salaka? Samu na yinki? Beno kele na kati ya organisation yina kele mwana-kento ya kindumba ya kiboba. Yinki kele ndumba? Kento mosi yina ke zingaka ve ya kukwikama na bakala ya yandi. Na kutubaka ti yandi kele dibuundu ya Muklisto, mpe na kupesaka malongi ya yimbi, kima ya yandi mosi, na kisika ya kubaka Ndinga ya Nzambi ya Santu.

<sup>288</sup> Kaka mutindu Eve salaka, yandi kuwaka—na dyabulu, mpe nataka lufwa na nyonso mpe kiadi yina ntoto me kuzwaka ntete ve. Yandi kwisaka na nzila ya Eve, samu yandi salaka kindumba ya kimpeve na Nzambi, na kukondwa kukwikila na Ndinga ya Yandi.

<sup>289</sup> Mpe ya kele kieleka yina mabuundu ke na kusalaka bubu yayi, na kusalaka bindumba ya kimpeve na kuteleminaka Ndinga ya Nzambi. Mpe bawu ke kuzwa beno ve na kati ya dibuundu kana beno ke wisana ve na malongi ya bawu.

290 Mbote, ba vwandaka tula munu mikanda, “Kana nge ke kwikila na *yayi*, mpe kana nge tuba ti *yayi* kele kieleka, mpe nge ke . . .”

291 Mu tubaka, “Mu ke kwiza kaka ve.” Ve, tata. Mu ke longa kaka yina Biblia *yayi* ke tuba, to ata fyoti ve. Beno me mona? Ya kele kieleka.

292 Beno bikana na Ndinga yina. Yawu yina beto fwana sala, bampangi. Beno vwanda kuna. Ntangu *yayi* beto ke na kukuma na bilumbu ya nsuka, mpe beto zaba yawu. Ngunga yawu *yayi*.

293 Wapi mutindu beto lendaka tuba! Oh, ba ke tuba *yayi*, *yina*, mpe *yankaka*. Kasi kima nyonso yina kele kukondwa lutumu, beno kwikila yawu ve. Mu ke kipe ve nani tubaka yawu. Kana muntu mosi!

Awa, mpangi-kento mosi kwisaka na munu, ntama mingi ve. Mpe yandi tubaka . . .

294 Nkonga mosi ya bantu yina mu longaka, milongi, na yina me tala mbotika na Nkumbu ya Yesu Klisto, kisika bankama tatu na ndambu, milongi. . . Bantu mingi kele ya kuvwanda awa vwandaka na lukutakanu, kisika kimvuka ya muvimba ya Association ya Balongi ya Chicago kutanaka na munu. Mfumu pesaka munu vision, tubaka na munu kisika ba ke vwanda mpe yina ke salama. Mpe mu balukaka kuna, mpe tubaka. Beto kele na bande awa kana beno zola kuwa yawu. Beno me mona? Mpe mu . . . Ba-évêque nyonso, mpe badokotolo, mpe ba-cardinal, mpe bawu nyonso, vwandaka ya kuvwanda kuna.

295 Mu tubaka, “Beno nionso yina lenda fundisa yawu, beno baka Biblia ya beno mpe beno kwisa awa.” Mu tubaka, “Samu na yinki nge me vwanda swi?” Mpe muntu mosi ve tubaka kima mosi. Mpe samu na yinki? Beno me mona, bawu kele na boma ya Ndinga yina. Mu tubaka, “Na yina, kana beno lenda ve, samu na yinki beno ke na kulotaka munu? Beno vwanda swi. Beno basika, beno sala kima mosi. Mpe kana beno lenda vutula yawu ve na Ndinga, na yina beno vwanda swi.”

296 Na yawu, kuna, nkonga mosi ya bantu yina fidisaka mama mosi kuna, tubaka, “Mpangi Branham, kana Wanzio ya Mfumu me tuba na nge.” Wanzio ya Mfumu, beno zaba, foto ya Yandi—ya Yandi kele kuna, beno me mona. “Kana Wanzio ya Mfumu tubaka na nge Yawu, mbote, beto ke kwikila Yawu.”

297 Mu tubaka, “Muntu nyonso, ti kimvuka ya milongi yina ke vwanda ya kulemba mingi, ‘Kana Wanzio ya Mfumu me tuba.’ Kana Wanzio yina tubaka kima ya kuswaswana na Ndinga *yayi*, ya ke vwanda ve Wanzio ya Mfumu.”

298 Wanzio ya Mfumu ke siamisa Ndinga. Ya kieleka yawu yina Yandi ke salaka ntangu nionso na bansungi nionso. Yandi ke salaka kaka kima ya mutindu mosi. Yandi ke bikana na Ndinga. Mpe mulongi nyonso ya kupakula na Mpeve-Santu ke bikana

na nzila ya Ndinga mosi, samu ti Biblia ke tuba ti Biblia ya muvimba kusonamaka na nzila ya Mpeve-Santu.

<sup>299</sup> Mpe wapi mutindu beno lenda kuzwa Mpeve-Santu mpe kumanga yina Biblia ke tuba? Mpeve ya kieleka na kati ya beno, ya ke pesa kimbangi ti ya kele kieleka ve. Beno me mona? Kipiatu yina vwandaka kudya, kaka yina, uh-huh, vwanda kudya bima ya kieleka ya Nzambi. Yinga, tata. Ndinga ya muntu ve yina kele ya kuswaswana na Malongi ya bantumwa. Oh, la la!

<sup>300</sup> Yayi kele Malongi ya bantumwa. Yayi kele Biblia. Yayi kele Mpeve-Santu. Konso Ndinga na kati ya Yawu kele kieleka. Beno kwikila kaka mpe beno ndima Yawu, mpe beno baka yawu ve, mpe beno tala mbote konso nsilulu yina me lungisama, kumonisama ya Nzambi awa na ntangu yayi.

<sup>301</sup> Kana Yandi kele ve kaka Nzambi ntangu yayi mutindu Yandi vwandaka ntangu bana ya Israël sabukaka Mubu ya Mbwaki, Yandi zolaka vwanda ve Nzambi. Yandi kele ve Nzambi mosi yina kubwaka na Pentecote ti Yandi kele kaka awa, bubu yayi, Yandi kele ve Nzambi mosi. Na yina, ya vwandaka ve na mvumbukulu, kana Yandi vwandaka ve mutindu yina, kana Yandi. . . Oh, wapi mbote Nzambi ya masolo ke sala na beno, kana Yandi kele ve Nzambi mosi bubu yayi? Beno me mona? Wapi mbote ya ke sala samu na kutinda milongi na baseminere, mpe kubasisa bawu mutindu bansusu yina ke bumbaka bana ya bansusu, mpe ke baluka mutindu yina, kana ya kele ve na kima mutindu Nzambi?

<sup>302</sup> Yinki beno ke na kusala, beno ke katula Ndinga ya Nzambi? Wapi kisika kele lutumu ya beno? Beno ke tuba, “Dibuundu.” Dibuundu, ya kele na bankama yivwa mpe makumi sambanu na yivwa ya ba-organisation ya bawu. Nani ya yawu kele kieleka? Muntu ve zolaka zaba yinki ya kusala. Beno zolaka vwanda na muvusu. Ya kele kieleka. Kasi Nzambi ke sambisa bantu ve na nzila ya dibuundu.

<sup>303</sup> Yandi ke sambisa bawu na nzila ya Klisto, mpe Klisto kele Ndinga. Biblia ke tuba, “Na mbandukulu vwandaka Ndinga, mpe Ndinga vwandaka na Nzambi, mpe Ndinga vwandaka Nzambi. Mpe Ndinga kumaka nsuni, mpe zingaka na kati-kati ya beto.” Yandi ke sambisa dibuundu mpe bantu na nzila ya Ndinga, ya kele kieleka, Ndinga ya moyo, yina me vumbuka na lufwa.

<sup>304</sup> Na yina kana ndinga yina ya moyo, yina me vumbuka na lufwa me tuba kima nyonso ya kuswaswana na Ndinga yayi *awa*, na yina ya kele ve ndinga yina me vumbuka na lufwa, yina me vumbuka na lufwa. Samu, Yayi, Ya ke pesa kimbangi ya Kieleka yayi. Yandi lenda tuba ve kima mosi *awa*, mpe kima yankaka na lweka *awa*.

305 Mu lenda tuba kima mosi *awa*, mpe kima mosi *kuna*, samu ti mu kele muntu. Beno lenda, mpe. Beno lenda kuzwa luzabu mingi mpe lubakusu.

306 Kasi, Nzambi ve; Yandi kele yina kele na nsuka ve. Beno me mona? Yandi kele. . . Lukanu ya ntete, kima ya Yandi ya ntete Yandi ke tuba, fwana telama Seko. Ya kele mutindu mosi. Yandi lenda tuba kima mosi ve *awa*, mpe kima mosi na lweka *awa*. Yandi fwana tuba kima mutindu mosi konso ntangu, samu na kuvwanda Nzambi.

307 Na yawu kana Mpeve kele na zulu ya beno, kele ya Nzambi, ya ke pesa kimbangi ti Ndinga *yayi* kele Kieleka, konso Ndinga ya Yawu. Mpe Yawu kele mutindu mosi mazono, bubu yayi, mpe kukonda nsuka. Yawu yina Biblia ke tuba. Yinga, tata. Mbote mingi.

Ntangu yayi, beto sala nswalu mpe beto baka kitezo yina ke landa ya mwa nyama yayi.

308 Ntete, yandi vwandaka dikelele. Yinki yandi kudyaka na Yinti ya Nzambi? Mbuma.

309 Kitezo yina landaka yandi kotaka; yandi kufwaka na kitezo yina, mpe kotaka na kitezo yankaka. Yinki yandi salaka ntangu yayi? Yandi me kwiza na ntangu yayi mutindu dinkoko. Yandi me kudyaka makasa nyonso. Ya kele kikalulu ya dinkoko.

310 Ntangu yayi, yinki kele kima yina ke landa yandi salaka? Yandi vutukaka na kitezo yankaka, mutindu kipiatsu, mpe yandi kwendaka na mpuu.

311 Ntangu yayi, awa kwisaka mutindu di- . . . mutindu mangolo, kitezo ya yandi ya yiya, ntangu yayi mutindu mangolo. Yinki kele mangolo? Yandi kele mufibi; yina ke fibaka Luzingu, Mpeve, Luzingu. Ya kele yina yandi ke salaka, ke kulumuka kuna na yisi, ya ke simba pulpe, mpe ke banda na kufiba. Mangolo, yandi yayi. Nani beto ke bokila yandi? Denomination. Ya kele nkumbu ya bakala yina. Samu na yinki? Yandi kele muntu yina ke bebisaka; ke fibaka Luzingu.

312 Konso ntangu yina Nzambi ke fidisaka kutambula na kati-kati ya bantu ya Yandi, konso ntangu, mpe bawu ke kuma denomination, kaka kuna bawu ke kufwa. Mu zola muntu yina zaba disolo ya dibuundu, yina lenda fundisa yawu. Beno lakisa munu kilumbu mosi ti organisation mosi salaka organisation, ti ya kufwaka ve kaka kuna. Kipiatsu simbaka yawu, katulaka nsambulu ya yawu. Mpe na manima mufibi kwisaka kuna mpe bakaka. . . fibaka Luzingu nionso ya Yinti.

313 Wapi mutindu ya Luzingu vwandaka na kati ya Yawu? Mpeve-Santu. Yinki ya salaka? Ya zolaka simba ve Mpeve-Santu na kati kuna mpe dyaka kuzwa ba-dogme. Mpeve-Santu zolaka telama ve samu na yawu. Na yawu ya ke lomba Luzingu ya Santu, Luzingu na ngaanda ya Yinti, mpe ke pesa yawu dogme,

ke sala dénomination. “Beto ke kipe ve yina Yayi ke tuba. Denomination ya beto ke tuba *yayi*.” Beno bawu yayi. Beno bambuka moyo, na manima ya ke kuma denomination, ya ke kufwaka ntangu nionso, mpe ya ke basikaka diaka ve.

<sup>314</sup> Organisation ya ntete vwandaka Katolika; yawu kufwaka na mbala mosi. Kieleka, ya vwandaka dogme, na kubanda.

<sup>315</sup> Kuna basikaka kusungika ya ntete, vwandaka Luther, bongisaka mpe kufwaka.

Na manima kwizaka Wesley; bongisaka, kufwaka.

Na manima kwizaka Pentecote; bongisaka mpe kufwaka.

<sup>316</sup> Presbytérien, Luthérien, bayankaka yayi nionso, mpe—mpe ba-Nazaréen, ba-Pelerin de la Sainteté, mpe ba-organisation nyonso yayi yina vwandaka landa mutindu yina, bawu nyonso kufwaka. Beno tala bawu. Samu na yinki? Bawu salaka organisation, mpe yina kufwaka bawu. Yinki bawu salaka? Bawu bakaka ba-dogme yayi.

<sup>317</sup> Beno ba-Nazaréen, dibuundu ya mbote, dibuundu yina ke landa na nkwezulu ya Pantekote. Yinki ya vwandaka? Beno ke kwikilaka na kusantisama, kasi ntangu ya kumaka na makabu ya Kimpeve, na kuzonzaka na bandinga mpe bangolo ya nene ya Nzambi, beno me bokila Yawu “bampeve ya yimbi,” mpe kuna beno me kufwa. Ya kele kieleka. Wapi kisika yandi kele bubu yayi? Ya kufwa. Oh, yandi kele na bamambeke mingi, kasi wapi kisika yandi kele? Yandi kele mvumbi.

<sup>318</sup> Mu monaka yandi, nkokila yankaka yina, ya kele kieleka, nionso. Pasteur ya bawu, vwandaka ya kulala na zulu, vwandaka pesa bezé na mvumbi, na kusalaka zola na yawu. Yandi tubaka, “Bawu kele dyaka ve na ntangu, na mutindu nyonso. Yayi kele nyonso ya yawu.” Na yawu, mu ke pesa beno yawu, ntangu yankaka, na bande. Beno me mona? Mbote mingi.

<sup>319</sup> Nzambi kunaka Yinti ya Yandi, samu na kubuta mbuma ya kimpeve, bambuma ya Kimpeve. Ya kele kieleka? Kasi yinki muntu salaka? Muntu ntangu nyonso ke mekaka na kusala Yawu mutindu ya bantu me sala. Yandi salaka, kuna na manima; yandi salaka ntangu yayi. Ntangu yayi, yayi, ti beto tiya ngolo ntangu yayi, mpe na nswalu. Muntu ntangu nyonso ke mekaka na kubaka Dibundu ya kimpeve mpe kusala yawu mutindu ya bantu me sala.

<sup>320</sup> Luther vwandaka na Dibundu ya kimpeve. Yinki kusalamaka? Ntangu kaka Luther kufwaka, bawu salaka yawu mutindu mosi, na mutindu ya bantu me sala.

<sup>321</sup> Yinki Wesley salaka? John Wesley, muntu ya nene ya Nzambi! Nani zolaka tuba ti John Wesley vwandaka ve muntu ya Nzambi? Yinki yandi salaka? Ntangu kaka yandi na Jean mpe Charles kufwaka, bawu bongisaka yawu. Ntangu yandi salaka yawu, yandi kufwaka. Kieleka.

322 Kima mutindu mosi nzila nyonso ya nsungi, konso ntangu, na zulu ya mosi na mosi. Bawu ke sala bisalu yina me salama na bantu, bisalu ya mbote, dibuundu ya kulutila nene, bantu ya kulutila mayele. “Bantu ya lukumu ya mbanza ke zola kuvukisa beto.”

323 Ya kele kieleka yina me salama na beno nkonga ya ba-Pentecotiste mpe. Ya kieleka kaka. Beno—beno me bwisa bibaka. Beno me kwenda ntama na Mpeve. Beno zolaka bayinzo ya nene, mpe kutalana kitoko, mpe bima nionso ya mutindu yina, mpe beno kele na ba-pasteur ya lukumu. Yinki beno salaka? Beno bamama tindaka bana ya beno ya babakala na ba-seminere yayi awa, samu na kukuma ba-pasteur. Yinki bawu kwendaka longa bawu? Théologie mpe bima nyonso yina muntu me sala. Mpe wapi kisika ya kele bubu yayi? Bawu vutukaka, nkonga ya ba-Ricky mpe ba-Elvis. Ya kele kaka kieleka. Yinki kele na beno bubu yayi? Nkonga ya buzoba, “Mutindu ya kinzambi.”

324 Biblia ke tuba, “Na bilumbu ya nsuka bawu ke vwanda na mutindu ya kinzambi, kasi ke manga Ngolo ya yawu, Luzingu ya yawu.” Samu na yinki? Mangolo me fiba Yawu. Ya kieleka. Organisation me katula Yawu. Timothée ya Ntete kapu 3, Paul tubaka, “Zaba yayi, na bilumbu ya nsuka, bantangu yina ya boma ke kwiza. Bantu ke vwanda muyimi, bantu ya lufundu, bantu ya lunangu, bavwezi, bantu yina ke tumamaka ve, bantu yina ke vutulaka matondo ve, bantu ya kukondwa busantu, kukondwa luzolo ya bumuntu, bantu ya kukondwa kukipekisa, bambeni ya bayina kele mbote, bateki, ya kifuluka na lulendo, ba ke vwanda na mutindu ya bunzambi, mpe ba ke manga yina ke pesaka Ngolo.” Mangolo fibaka yawu nionso. Kipiatu kotaka na kati ya yawu, kubanda ntama. Beto ke nata beno Yinti yango na yisi, ya muvimba, kaka na mwa ntangu fyoti, kana Mfumu zola.

325 “Kisika ya kulutila nene.” Oh, kieleka. “Mbote, nge zaba, dibuundu ya beto me kuma mingi.” Oh, kieleka.

326 Katolika bulaka beno na ba-million ya ba-kilometre. Ya kieleka. Yandi kuzwaka mingi na Russie ti bawu benganaka yawu mpe tulaka communisme. Bawu salaka kima mutindu mosi na Mexique. Mpe bawu zolaka sala yawu bisika nyonso na yinza, kisika yandi kele. Ya kele kieleka.

327 Beno vwanda na boma ya communisme ve. Communisme kele kuningana ya Kinzambi. Kasi beno ke kuwa ndambu ya milongi yayi, kutelama na chaire, ke fundisa, “Communisme! Communisme!” Mu ke kwikilaka ve na yawu mpe. Kasi ve. . . Mpe kutuba na dibuundu ya bawu, “Oh, beto nyonso ke kufwa. Yinza ya muvimba ke kuma communiste.” Ya kele kieleka ya kuswaswana na Ndinga ya Nzambi. Ya kele ve na kisika na kati ya Biblia ke tuba ti ya ke vwanda mutindu yina.

328 Kasi Biblia ke tuba ti Romanisme, dibuundu ya Katolika, ke yala yinza. Baka Daniel mpe mona yawu. Yintu ya wolo, Ntinu Nebucadnetsar, kimfumu ya Babylone; Ba-Medes mpe ba-Perses yingaka yandi; Empire ya Grece yingaka yawu; mpe Rome kwendaka kuna na nsuka. Misapi kumi yayi kotaka na kati ya bimfumu nionso na nsi ya ntoto. Ve beno . . .

329 Ya kele na rido ya kisengo. Ya kele na rido ya bambu. Ya kele na rido ya ntinta ya violet. Mpangi-bakala, beno, beno vwanda na boma ve ya bayankaka ya bawu, kasi beno tala mbote rideau yina ya violet.

330 Yandi kele ya kuvwanda kaka awa na zulu ya kiti ya kimfumu, bubu yayi, na yinsi yayi. Beno bambuka moyo, kaka mutindu Achab salaka, mpe Jezabel na manima ya yandi. Ya kele . . . Biblia ke bokila dibuundu ya Katolika “Jézabel; kento ya kindumba.” Mpe Achab vwandaka ve muntu ya yimbi. Mu ke tuba ve ti Tata Kennedy kele ve muntu ya mbote. Mu zaba kima ve na zulu ya yandi. Yandi kele muntu. Yawu yina kaka mu zaba. Yandi kele Ntwadisi ya yinsi. Mu ke kwikila ti yandi ke sala Mfumu ya yinsi ya mbote. Ya kele yandi ve; ya kele sysiteme yina na manima ya yandi. Beno vingila tii ntangu yandi ke kuma na yinzo ya bayinti, mpe bisika nyonso yandi lenda, na yina beno tala mbote yina ke salama. Beno tala yina yawu salaka na bayinsi yankaka. Beno tala yina yawu ke salaka ntangu nyonso.

331 Mpe Biblia ke tuba ve, na Apocalypse 13? Yinsi yayi kele lutangu kumi na tatu. Ya kele na mitundu kumi na tatu mpe bambwetete kumi na tatu na dalapo. Banzila kumi na tatu na dalapo. Kumi na tatu, nyonso na kati ya yawu kele kumi na tatu; na bakoloni kumi na tatu, na nyonso. Mpe ya kele na kapu ya 13 ya Apocalypse.

332 Mpe Biblia ke tuba, ti, “Yandi me mata mutindu mwana-dimeme ya fioti,” kimpwanza ya nsambulu; “mwa mampoka zole ya fyoti,” leta mpe dibuundu. Mpe na manima ya mwa ntangu fyoti, bawu vukanaka, “Mpe yandi zonzaka mutindu dalango kusalaka, mpe salaka nyonso yina dalango kusalaka ntete yandi.” Mpe Biblia ke tuba, “Bawu salaka kizizi na kibulu,” kimvuka ya mabuundu, kaka yina bawu me kuzwa ntangu yayi, awa na New York City. Mpe kuna yinzo yango ya nene ya bamvumbi kuna! Mpe beno nionso ba-Methodiste, ba-Baptiste, mpe ba-Pentecotiste, mpe beno nionso, munkiti . . . bantu ya oecuménisme awa, na kumekaka na kusala bima ya mutindu yina, mpe na kutekisaka bukuluntu ya beno, samu na kukota na nkonga ya Babylone. Yinki kele diambu ya beno? Ya kieleka. Beno ke tekisa bamuswa ya beno ya bukuluntu, mutindu Esaü salaka, samu na dilonga ya madesu. Ya kele kaka yina beno ke kuzwa. Kaka yina.

333 “Salaka kizizi ya kibulu.” Kieleka. Beno vwanda na boma ve na communisme. Beno vwanda na boma ya Katolika. Oh, Yandi

tubaka, “Ya ke kota na bufanatiki, mutindu mwana-dimeme. Kasi,” yandi tubaka, “beno tala yawu mbote.” Na manima ya yawu, ya kele yingo. Ya kele yingo. Beno tala yawu mbote. Yinga, tata. Samu, ya kele ya kuswaswana na Ndinga. Yina Ndinga ke tuba fwana salama.

<sup>334</sup> Communisme ke na kusala kima mosi ve kasi ya ke na kubula kaka na kati ya maboko ya Nzambi. Ya kieleka. Mpe samu na yinki ba fwana sala yawu? Nzambi pesaka muswa na communisme, na yina ya ke sala ti yayi, Ndinga ya Yandi, kusalama. Kieleka. Ya kele . . . Beno me bakula yawu? Beno me banzaka ntete na yawu? Nzambi fwana sala Ndinga ya Yandi kusalama.

<sup>335</sup> Beno tala. Kisika ya vwandaka na bankama yiya ya bapofete yina telamaka kuna, ntete, samu na Achab mpe Josaphat, kilumbu mosi. Josaphat, muntu ya kusungama. Yandi tubaka, “Kasi, ntete beto mata na Ramoth na Galaad,” yandi tubaka, “beto fwana yufula Mfumu ve?”

<sup>336</sup> Achab tubaka, “Yinga. Kieleka.” Beno me mona? Jézabel na manima ya yawu nyonso, beno zaba. Yandi tubaka, “Beto ke—beto ke . . . Mu kele na bapofete bankama yiya awa. Beto ke nata bawu.”

<sup>337</sup> Bantu nionso ya mbote. Ba nataka bawu kuna. Bawu nionso pesaka profesi, bawu tubaka, “Mata kuna. Mfumu kele na nge.”

<sup>338</sup> Yina vwandaka wakana mbote ve, na muntu yayi ya kinzambi. Ntinu ya Israel, to ntinu ya Israel kuna na zulu . . . Ya vwandaka wakana kieleka mbote mingi ve samu na yandi. Yandi tubaka, “Ya kele ve na mosi yankaka?”

<sup>339</sup> “Bankama yiya ya milongi, yimeni na ntima mosi, vwandaka tuba, ‘Mata. Mfumu me zonza na beto mpe me tuba, ‘Mata.’”

Yandi tubaka, “Kasi ya fwana vwanda na mosi yankaka kisika mosi kuna.”

<sup>340</sup> Yandi tubaka, “Mu kele na mosi, kasi mu ke yinaka yandi.” Kieleka, kieleka. Yinga. Yandi tubaka, “Yandi ke bokaka ntangu nionso na zulu ya munu. Yandi ke tubaka ntangu nionso yimbi samu na munu.” Wapi mutindu yandi lendaka sala kima yankaka, na ntangu Ndinga ya Nzambi vwandaka telemina yandi?

<sup>341</sup> Na yawu bawu fidisaka mpe bakaka Michée. Michée tubaka, “Mata. Yinga. Ya kele kieleka. Kasi mu me mona Israël kumwangana, mutindu mameme yina ke na muvungi ve.”

<sup>342</sup> Na yina yandi, mbote, longi yina ya nene kwendaka kuna, évêque, mpe bulaka yandi mbata na yinwa. Yandi tubaka, “Wapi Mpeve ya Nzambi ke kwenda ntangu Yawu ke basika na munu?”

<sup>343</sup> Na yina yandi tubaka, “Vwandaka kaka ve na kati ya beno, na kubanda.” Na yawu kuna—na yawu kuna yandi tubaka,

“Beno ke tala, mosi ya bilumbu yayi.” Yandi tubaka—yandi tubaka—yandi tubaka. . .

344 Achab tubaka, “Vutula yandi na boloko ya kati. Disa yandi dimpa ya mawa mpe—mpe maza ya mawa.” Yandi tubaka, “Ntangu mu ke vutuka na ngemba, mu ke sala na muntu yayi.”

345 Yandi tubaka, “Kana nge vutuka kaka, na yina Ndinga ya Nzambi me zonza na munu ve.” Samu na yinki? Samu na yinki? Yandi vwandaka kaka na Ndinga, kaka na Ndinga.

346 Profesi nyonso ke kangama ve na Ndinga yango. . . Ya kele kieleka. Ya kele samu na yina mu ke tubaka bubu yayi; ata mutindu mbote ya ke talana, milongi yikwa ke na kutuba *yayi*, *yina*, to *yankaka*, “Communisme ke baka yinza mpe ke losa yawu.” Beno meka ata fioti ve kunwanisa communisme. Beno nwana na Romanisme. Samu, ya kele MUTINDU ME TUBA MFUMU. Mfumu tubaka ti Romanisme ke yala, communisme ve. Ya kele kaka marionnette.

347 Kasi, beno me mona, yandi zolaka sala yawu. Mfumu tubaka na Michée, “Mu fwana tinda Achab kuna. Beno kuzwa milongi yina kutuba yawu, samu na kufidisa Achab kuna, samu na kusala bampova ya Élie kusalama.”

348 Nzambi fwana bika communisme kutelama. Yinki bawu ke sala? Bawu me vukisa bayinzo nyonso yayi awa ya bayinzo ya bamvumbi kintwadi, mpe me sala kimvuka ya mabuundu, samu na kukota, samu na kusala kifwani ya kibulu, kaka yina Ndinga ya Yandi tubaka ke salama. Beno vwanda na boma ve samu na yawu. Beno tala mbote kima yina ya ke na kusalama. Ya kele kieleka. Hmm!

349 Mu kele. . . mu banza ti mu ke lembisa beno, kasi. . . [Dibuundu me tuba, “Ve.”—Mu.] Kasi ya kele kieleka. Mu zaba ve ntangu mu lenda zonza dyaka na beno. Mu lenda ata mbala mosi ve. Beto zaba ve. Beto lenda kutana dyaka ve, kasi mu zola beno kuzaba yina kele Kieleka.

350 Beno tala mbote Ndinga yayi. Ya kele Kieleka; munu ve. Ndinga yayi, Yayi kele Yawu. Kana ndinga ya munu kele ya kuswaswana na *Yayi*, na yina beno kwikila munu ve. Beno ke kwikila Yawu. Na yina, kana beno tuba, “Mbote, beto kele na Yawu, mpe nge ke na kulongaka ya kuswaswana na Yawu,” na yina ya kele kisalu ya nge na kwiza na munu. Kieleka. Ya kele kisalu ya beno na kukwiza na munu. Beno me mona? Beno kwiza kaka, mpe beto mona yinki kele Ndinga, ntangu yayi.

351 Ntangu yayi, na yina, beto ke mona ti ya vwandaka. . . ya kele communisme me vukana kintwadi. Nzambi tubaka, “Gog na Magog, kuna, ke vukana kintwadi,” ya kieleka, “samu na kunata bitumba.” Ya kele kaka kieleka, samu ti ya ke vukisa bangolo yayi kintwadi. Ya fwana kwiza. Biblia me tuba ti ya ke vwanda.

Nzambi kunaka Yinti yayi, samu na kubuta mbuma ya Yandi ya kimpeve.

<sup>352</sup> Mpe muntu ntangu nyonso ke mekaka na kusala yawu mutindu ya bantu me sala, “Ke lakisa mutindu ya kinzambi.” Bivinga ya kulutila nene na kati ya mbanza, ya kieleka, ba-million ya ba-dollars! Oh, la la, mawa! Mpe bantu ke longaka ti Yesu ke kwisa, mpe ke bebisa ba-million sambanu na nana ya ba-dollars na yinzo mosi kisika mosi kuna. Mpe, ba-missionnaire, mu zaba ba-missionnaire na bilanga ya kumwangisa nsangu, yina ke na kulongaka Nsangu ya mbote, kukondwa basapatu na makulu, ba ke na kudia mbala zole na sabala mosi. Beno lenda mona samu na yinki, mpangi-bakala, beto. . . Yinki kele diambu na bantu? Mu ke kwikila ve ti bawu ke kwikila ti Yandi ke kwisa. Bandinga ya beno—ya beno—ya beno—ya beno ke zonza. . . Mbote, luzingu ya beno—ya beno ke zonza mingi kulutila bandinga ya beno. Beno. . . Beno me mona? Mpe Yandi kele. . .

<sup>353</sup> Mwa ba-missionnaire yayi, kisika mu me kwiza na lukutakanu ya munu mutindu yina, ata basapatu; mwa ba-pantaloni ya kukangama pene-pene ya yandi, mutindu *yina*; ba ke zinga kuna na ngaanda na banzini, na ba-amibe, baniamama, mpe bimbevo ya mutindu na mutindu, mpe bima yankaka kuna na ngaanda; mwa maboko ya ntama yina ya kudya, mpe vwanda ya kudya na ba-amibe mpe nyonso yankaka. Ya kutelama kuna, vwanda tuba, “Nge Mpangi Branham?”

Mu ke tuba, “Yinga.”

Yandi tubaka, “Oh, lusakumunu na nge! Mu ke sambilaka ntangu nyonso samu na nge.”

<sup>354</sup> Mu banzaka, “O Nzambi, bika ti muntu yina kusambila samu na munu. Yinga. Ya kele mwana-bakala yango. Ya kele yandi yina.”

<sup>355</sup> “Mu kele. . . Mu—mu—mu ke tanga bima ya nge, Mpangi Branham. Ya kieleka nge ke na kutuba Kieleka. Beto kele ya kusungama na nge.” Oh, mpangi, ya kele—ya kele mwana ya bakala. Ya kele yandi; mwa mwana ya bakala.

Kuwa muntu kutuba, “Nge zaba nani ya kele?”

“Oh,” ke tuba, “yandi kele ve ya organisation ya beto.”

“Ya kele mutindu yina? Nani yandi kele?”

“Kasi, yandi kele ve na beto.”

“Mbote, nani yandi kele?”

“Oh, yandi kele—yandi kele na kimpwanza.”

“Oh, yandi kele? Uh-huh. Mbote, yinki yandi ke sala?”

“Oh, yandi kele na mwa kusalu kuna. Yandi—yandi ke vukana ve na beto.”

“Mbote, mu zola kuzaba yina me tala yandi.”

356 Beno zaba, ntangu mu vwandaka mwa mwana ya bakala, yina vwanda zomba ba-pomme na bambuma ya pomme, Mu ke monaka ntangu nionso ti yinti vwandaka na ba-club nionso na yisi ya yawu, beno zaba. Ba me lwata ba-club mbote mpe ngolo, ya kele kisika ba-pomme ya mbote vwandaka.

Bawu ke tuba, “Mbote, yandi kele kaka exalté.”

357 Beno zaba, beno ke pesaka ntangu nyonso boma kisika yinti ya mbote kele. Dyabulu ke salaka kima mutindu mosi, samu na kupesa beno boma na Yawu. Beno vwanda na boma ve. Beno kwenda kaka na manima ya kima yina ke bangisa.

358 Kilumbu mosi mu vwandaka tala marmotte mosi, yina vwandaka kudia madesu ya mpembe yina mu vwandaka kukuna. Ntangu nionso mu vwandaka kuna ndonga mosi ya madesu ya mpembe, mwa kibulu yina vwandaka kwisa kuna, vwandaka kudia yawu nionso. Mu banzaka, “Mu ke pesa yandi boma.” Na yawu mu kuzwaka saki ya mukanda. Mpe mu kele kieleka artiste; beno zolaka mona munu. Mu fikulaka yina mu banzaka vwandaka kifwani mosi. Oh, ya vwandaka manaka, mpe, kana mu fikulaka yawu. Mpe mu tulaka yawu na saki, mpe tulaka munu mwa manteka na kati ya yawu, mpe tulaka yawu na zulu ya yinti. Mpe ntangu mupepe ke fula, ya ke ningana mutindu *yina*.

359 Kuna na kati ya dibulu basikaka mwa marmotte mosi, beno zaba. Mpe yandi kimaka mbangu bisika nionso kuna, bandaka na kudia madesu ya mpembe, mpe kimaka mbangu kuna na saki. Yandi vutukaka manima. Yandi talaka yawu, yandi talaka yandi kuna mutindu *yina*. Mpe yandi kwendaka, “fiou,” yandi lemukaka na zulu ya yawu, mpe, oh, saki telemaka kaka. Yandi talaka dyaka yawu, beno zaba, mpe talaka yawu bisika nyonso, dyaka. Yandi talaka na manima mpe monaka ba-beurre yina vwandaka landila na kukulumuka na ndonga. Mpe ba vwandaka mbote, beno zaba. Na yawu yandi talaka, kima yina vwandaka bangisa na nzila ya yandi. Na yawu yandi me belama, mpe me landila na kutambula fyoti pene-pene, mutindu *yina*, na kumekaka na kupesa boma na yawu, mpe ya zolaka tambula ve. Beno vwanda na boma ve; ya kele ya kufwa. Ya kele mutindu bawu nyonso ke bangisa kele. Na yawu yandi—na yawu yandi kaka . . .

360 Yinki yandi salaka, yandi bakaka mwa dikulu ya yandi ya fioti mpe bulaka na saki yayi, ya salaka makelele, makelele. Yandi me vutuka na manima mpe me tala yawu, mutindu yayi. Yandi me bula yawu diaka, nge me sala makelele, nge me sala makelele. Ya kele kaka nionso yina, kaka makelele. Kaka mutindu kikungudi ya Irlande, makelele mingi mpe mansala, kasi kikungudi ve, beno zaba. Na yawu beno bula kaka yawu mutindu *yina*, mpe beno sala makelele bambala yiya to tanu mutindu yina. Beno zaba yinki yandi salaka? Yandi kwendaka

kaka na manima ya saki mpe kwendaka na kudyaka manteka ya munu. Yandi zabaka mingi na yina me tala yawu, mbote mingi kulutila yina mu salaka. Beno me mona? Yinki ya vwandaka? Beno me mona, yandi vwandaka bika ve kima yina vwandaka bangisa yandi. Ya kele na kima mosi ya mbote na manima ya kima yina ke bangisa.

<sup>361</sup> Ntangu bawu ke tuba, “Oh, bawu kele ba-exalté,” beno landila kaka na kukwenda na manima ya boma yina mpe beno kwenda na ntuala. Beno me mona? Landila mpe kwikila yawu. Beno me mona? Ya lenda vwanda na Mpeve-Santu mosi kuna, mpe, beno me mona. Beno lenda tuba ve. Beno me mona? Mbote mingi.

<sup>362</sup> Oh, den-...beto tala mangolo yayi ya denomination na kusalu. Dibuundu ya kimuntu; Dibuundu ya kimpeve. Beno tala mbote mangolo yayi ya ntama ntangu yayi, wapi mutindu yandi ke salaka yawu denomination. Yandi kele yimeni na mpusu ya kufwa, mpe bambuma ke kudyana yawu, mpe, oh, mpangi, ya kele nyonso ya kufwa. Makabu nyonso ya Mpeve me kwenda; kubeluka ya Kinzambi ve, kuzonza na bandinga, ata profesu ve, ata kima ve, ke kwikilaka ve na—na baprofete. Bawu ke kwikilaka ve na bima yayi. Bawu zaba ve. Nyonso, yina muntu me sala! Nyonso yina bawu kele na bantu yina me sala, yina me salama na bantu. Beno me mona? Mbote mingi. Dibuundu ya yinza, ya kele na dibuundu ya yinza. Ya kele yina ba salaka na nzila ya muntu. Dibuundu ya kimpeve. . .

<sup>363</sup> Beno zaba, Biblia ke tuba yawu? Yinga, tata. Dibuundu ya yinza; mpe Dibuundu ya kimpeve. Mpe Biblia ke tuba, “Beno basisa mpika mpe mwana ya yandi:” (Agar) “samu ti yandi ke kabula ve difwa na kento ya kimpwanza mpe mwana ya yandi.” Beno me mona?

<sup>364</sup> Na yawu, dibuundu ya kimuntu, yina ke byadila (Yinki?) ba ke kanga bikunku, ba ke kanga matiti ya yimbi na bikunku, samu na kuyoka yawu na tiya. “Mpe yandi ke byadila ve, ke kuzwa difwa, na kento ya kimpwanza.” Kana mpika kele na kati ya kimpika na bana ya yandi ya organisation, yandi ke kabula ve difwa na kimpwanza, samu bana ya kimpwanza ke kwenda na Enlevement. Mpe bana ya mpika ke telama na Lufundusu, beno me mona, ba ke basisa yawu. Yinga. Kimpeve kele kimpwanza. Yinga, tata.

<sup>365</sup> Mangolo, ba-Esaü ya ba-Denomination. Ntangu yayi, Ésaü. Ya kele na Ésaü mpe Jacob, bawu zole mapasa, bawu zole misambidi. Esaü vwandaka muntu ya nsuni. Yandi vwandaka muntu ya mbote. Yandi tubaka ve, mbote, ntangu yayi... Yandi basikaka ve mpe yibaka ve, kunwa malafu, to kima mosi kuna. Yandi vwandaka muntu ya nsambulu. Kasi yandi banzaka, “Mbote, ntangu nyonso yina mu kele musambidi, wapi luswaswanu ya ke sala?”

<sup>366</sup> Kasi, mwa Jacob ya kukula, yandi vwanda kipe ve mutindu yandi zolaka kuzwa yawu, bukuluntu yango kele yina yandi zolaka. Ata mutindu yandi kuzwaka yawu, kaka na yawu yandi kuzwaka yawu! Kana yandi zolaka fukama na autel, mpe kuboka mpe kudila, mpe kudila mingi mpe kubasika miyoyo. Benovo lemvo kila munu. To, benovo zaba, benovo ke kuzwa maza na meso ya yandi. Mu zolaka ve kutuba yawu. Mpe na yawu. . . Benovo lemvo kila munu. Na yawu, benovo fukama na autel mpe benovo boka tii yandi kuzwaka yawu, mbote, yandi kuzwaka yawu. Benovo me mona? Yandi kipeke ve mutindu yandi kuzwaka yawu, kaka na yawu yandi kuzwaka yawu.

<sup>367</sup> Bayankaka na kati ya bawu ke tuba, “Mu. . . Mpangi Branham, bantu yayi kuna, ke dila na autel yina, mpe ke boka, mpe ke dila. Mu zola yawu ve mutindu yina.” Mbote, benovo ke bakula yawu ve.

<sup>368</sup> Mpangi-bakala ya ndombe ya kiboba, ya ndombe, kuna na Sud, kilumbu mosi, vwandaka kaka na kiese ntangu nionso. Mpe yandi, mfumu ya yandi tubaka, “Yinki—yinki ke sala ti nge vwanda na kiese mingi ntangu nionso, mwana-bakala?”

Yandi tubaka, “Mu ke na nsambulu ya ntima.”

Yandi tubaka, “Ya kele ve na kima ya mutindu yina.”

<sup>369</sup> Yandi tubaka, “Benovo me sala kifu mosi. ‘Tii kuna benovo ke zaba, kele ve na kima ya mutindu yina.’” Yandi zabaka luswaswanu. Yandi tubaka, “‘Mutindu nge zaba.’ Nge zolaka tuba yawu mutindu yina.”

Kilumbu mosi, yandi tubaka, “Mu zola kuzwa mwa nsambulu ya ntima yina.”

Yandi tubaka, “Wapi ntangu benovo ke zola yawu?”

Yandi tubaka, “Ntangu yayi.”

Yandi tubaka, “Mbote, beto kwenda baka yawu.”

<sup>370</sup> Bawu basikaka. Yandi tubaka, “Awa kele kinkuku ya matiti. Ya kele mbote.” Mpe yandi tubaka, “Yinga, kento ya munu ke kuwa munu ve, mpe nyonso awa,” yandi tubaka. Ya kele mutindu bantu zola yawu, benovo zaba; benovo pesa bawu yawu, na zulu ya estrade. Yandi tubaka, “Beto ke fukama awa.”

Mpangi ya bakala ya kiboba tubaka, “Nge ke na kubakula yawu ve awa.”

<sup>371</sup> Mbote, tata, yandi kwendaka kuna na kidikilu. Yandi tubaka, “Beto ke bakula yawu awa?”

Yandi tubaka, “Ve.”

Yandi tubaka, “Beto ke luta na zulu ya mbungu ya masangu.”

Yandi tubaka, “Ve.”

Yandi tubaka, “Wapi kisika nge ke kuzwa yawu?”

372 Yandi tubaka, “Landa munu.” Yandi matisaka pantalon ya yandi, yandi kwendaka kuna na kati ya lupangu ya bangulu, na ngolo nionso mutindu yandi lendaka, na kati ya poto-poto, yandi tubaka, “Kwiza kaka awa. Awa kele kisika nge me kuzwa yawu.”

Yandi tubaka, “Mu zola kota kuna ve.”

Yandi tubaka, “Nge zola yawu ntete ve, mfumu. Nge zola yawu ve.”

373 Beno zaba, Naaman banzaka mutindu yina, mpe. Naaman, Naaman tubaka, “Ntangu yayi, mu zola katula kimbevo ya lèpre ya munu.”

374 Elie tubaka, “Kwenda kuna na Jourdain ya poto-poto, kisika yandi ke mpamba na Méditerranée kuna.” Mpe yandi tubaka, “Yandi kele poto-poto mutindu ya lenda vwanda. Dinda kuna bambala sambwadi.”

375 “Oh,” Naaman yandi tubaka, “oh, la la! Bamaza kele mbote ve, kuna pene-pene ya Damas mpe kuna na zulu? Oooooooo, ba kele kitoko mingi mpe ya pwelele kuna.” Oh, beto ke mona awa nkokila yankaka yina, na film, awa, beno zaba. Yandi tubaka, “Oh,” yandi tubaka, “kasi, na yina, beto zola kwenda kuna ve. Mu lenda kwenda kuna ve. Mpe beno zaba nani mu kele? Mu kele kapitene ya mukengi. Mu kele général ya makesa.”

376 “Mbote, kana nge zola kukatula kimbevo ya nge ya wazi, kwenda kuna. Kasi kana beno zola kubumba yawu, beno mata kuna. Yandi tubaka, ‘Dinda.’”

377 Mpe mu lenda mona yandi kutambula na maza yina. Beno lenda banza? Oh, yina nyongisaka lukumu ya yandi. Mu lendaka mona yandi, beno zaba, kutambula na nsongi ya misapi mutindu *yayi*; na kukangaka mbombo ya yandi, beno zaba.

378 Ya kele mutindu bantu ke mekaka na kukwiza na Klisto, “Mu ke zola kubeluka, mu ke zola, beno zaba, kukwenda na Mazulu, kasi, oh la la, mu ke kukiyufula kana bantu yankaka fwana tala munu?” Uh-huh. Beno bantu ya luvunu. Beno ke bakula yawu ata fioti ve, na mutindu nionso. Ya kieleka. Beno me mona? Beno ke kuzwa yawu ata fioti ve, na mutindu nionso. Beno vwanda na boma ve. Beno ke zola yawu diaka ve. Ya kieleka. Beno zola yawu mingi ve. Ya kele kieleka. Ntangu beno me kubama na kuzwa yawu, beno ke kuzwa yawu, mbote mingi. Nzambi ke pesa yawu na beno ntangu beno me kubama. Mbote mingi.

379 Ntangu yayi, nionso, mangolo ya ba-denomination, kudiaka kima nionso. Beno tala konso niama, mosi na mosi ya baniama yayi, ntangu yandi vwandaka sala na Yinti, yandi salaka nzila samu ti mosi yankaka zolaka landa yandi. Oh, yandi kele muntu ya mayela mingi. Yinga, tata. Beno me mona? Yandi katulaka bambuma, beno me mona, Mpeve, na yawu (Yinki?) yandi zolaka katula kubundana, beno me mona, makasa.

380 Na yina lweka yankaka kwisaka mpe yandi salaka luzingu ya yandi mosi, yandi katulaka matiti. Samu na yinki yandi salaka mutindu yina? Yandi me katula matiti na yina ya ke vwanda ve na madidi mpe madidi, samu ti bantu yankaka kumona, samu ti yandi kukota na mpusu. Benó me mona?

381 Yandi kotaka na kati ya mpusu, mpe kotaka na mpenza ya mpusu yayi, mpe katulaka Malongi na kati ya bawu, beno me mona, kima ya kieleka yina ke simbisa Luzingu.

382 Mpe na yina, kaka na ntangu yandi tobolaka mabulu na kati ya yawu, yandi me, kitezo ya kulanda, mangolo yina ke fibaka kwisaka, yina me baka denomination, mpe me fiba yawu mpe me bongisa yawu na yawu beno lenda ve kuzwa Yawu.

383 Mpe yinki Luzingu salaka? Beno kulumuka mbala mosi na kati ya bansimbulu. Ya kele kaka kieleka. Ya ke kulumuka kaka na bansimbulu. Mbote mingi.

384 Ntangu yayi, mutindu mosi ya niama kotaka na ntima, tii ya kumaka na Luzingu. Ya landilaka na kubasika na nzila ya mbuma, na nzila ya matiti, na nzila ya mpusu, tii ya ke kuma tii na ntima, nsinga ya Luzingu. Mbote mingi.

385 Ntangu yayi beto tala muntu yina ke bebisaka na kusalu. Ya ntete. . . Mu ke luta na zulu ya mosi ya yayi awa, mu banza; ve, mu kele ve. Kima ya ntete muntu yayi salaka, kaka na ntangu yandi kotaka na ntima ya Yinti. . . Beto tala yandi mbote, kuna na kitezo ya yandi ya ntete, ntete yandi banda kukuma mbote mingi. Beto tala yandi mbote. Ntangu yayi beto tala yandi mbote kusala. Kima ya ntete yina yandi fundisaka, vwandaka samu na kubebisa Yinti ya ntete, ya ntalu ya bambuma yina Nzambi kuzwaka na zulu ya ntoto.

386 Ntangu yayi, kana beno lenda kanga ntima na munu kaka baminuti fyoti dyaka. Mu zola ti beno—mu zola ti beno bakula yayi ntangu yayi. Ve. . . Yayi kele Nsangu ya beno ya Paki, yina ke na kwisa na ntangu yayi. Uh-huh, uh-huh, uh-huh, uh-huh.

387 Kima ya ntete yina yandi salaka, yandi bebisaka ntete Yinti ya Nzambi, ya ntalu ya bambuma, Klisto. Yandi vwandaka Yinti yango ya disamba ya Eden. Ya kele kieleka. Yinti ya ntete ya bambuma, yandi bebisaka Yawu. Ya Ntete Nzambi mosi kunaka awa na zulu ya ntoto, vwandaka Klisto. Yandi bebisaka Yinti yina vwandaka kubuta mbuma ya Yandi. Ntangu yayi, bawu vwandaka na mutindu nyonso ya ba-organisation, mpe yandi vwandaka kaka na yawu na maboko ya yandi. Kasi ntangu yandi kumaka na Yinti yina vwandaka kwamisa mbuma ya kieleka, pusu yina ya Rome kotaka na Kuna, beno me mona, yandi bebisaka Yinti.

388 Yinti? Yinga. Yesu tubaka, “Kana mu sala. . .” Na Santu Jean, “Kana Mu ke sala ve bisalu ya Tata ya Munu, to kuzwa ve bambuma ya Tata ya Munu, beno kwikila Munu ve.” Yandi

vwandaka kubuta mbuma ya Nzambi. Wapi mutindu ya mbuma Yandi butaka? Wapi mutindu ya mbuma?

<sup>389</sup> Beto tala Yandi mbote baminuti fyoti. Beto me tala yawu ntangu mingi. Beto baka kaka mwa lukanu mosi, samu na bantu yina kele ya kuvwanda awa, yina ke na kuingila minuti, samu ba sambila samu na bawu.

<sup>390</sup> Yinki vwandaka kima ya ntete bawu zabaka, ti yandi ke sala yawu, kuzaba Yandi kuvwanda Mesiya? Ntangu Pierre ya ntete kwizaka na Yandi, mpe André nataka yandi, mpe Yandi talaka Pierre mpe tubaka, “Nkumbu ya nge kele Simon, mpe nge kele mwana ya Jonas.” Yandi zabaka kaka kuna, landila Masonuku, ti ya vwandaka Mesiya. Ya vwandaka . . .

<sup>391</sup> Beno zaba ti bantu mingi telamaka na ntwala ya yawu, landila disolo, mpe bokilaka bawu mosi Mesiya? Kasi ata mosi ya bawu lendaka sala *yayi*. Uh-huh. Samu, “Mesiya,” Moise tubaka (Ndinga ya Nzambi, yina lenda kubwa ve, ba zonzaka na nzila ya Moise.), yandi tubaka, “Mesiya ya nge ke vwanda Profete mutindu munu.”

<sup>392</sup> Mpe na yawu ntangu nzenza yayi belamaka na ntwala ya Yesu, mpe Yesu tubaka, “Tala, nkumbu ya nge kele Simon, mpe nge kele mwana ya Jonas,” Pierre zabaka kaka kuna Nani Yandi vwandaka. Yandi zabaka ti ya vwandaka Yandi.

<sup>393</sup> Ntangu Nathanael kwendaka mpe bakaka Philippe, to . . . Philippe kwendaka, bakaka Nathanaël, na kisika, mpe nataka yandi kuna. Mpe Nathanael, muntu ya nene, beno me mona, muntu ya nene, muntu ya nsambulu. Mpe—mpe Philippe vwandaka tuba na yandi samu na yawu, na nzila kuna, yina Yandi salaka na Simon. Mpe ntangu Nathanael kwendaka na Ntwala ya Yesu, yinki Yesu tubaka? Yandi tubaka, “Beno tala Israelite, na kati ya yandi luvunu kele ve.”

Yandi tubaka, “Rabbi, wapi ntangu Nge me zaba munu?”

<sup>394</sup> Yandi tubaka, “Ntete Philippe kubokila nge, ntangu nge vwandaka na yisi ya yinti, mu monaka nge.”

<sup>395</sup> Yandi tubaka, “Rabbi! Rabbi, Nge kele Mwana ya Nzambi; Nge kele Ntinu ya Israel.” Beno me mona?

<sup>396</sup> Samu na yinki? Ya kele mbuma. “Kana Mu ke sala ve bisalu ya Tata ya Munu . . .” Yandi zabaka mabanza ya kieleka yina vwandaka na kati ya bantima ya bawu.

<sup>397</sup> Kento mosi simbaka lele ya Yandi, kilumbu mosi, mpe kwendaka mpe vwandaka na kati ya dibuundu. Yesu talaka bisika nyonso mpe tubaka, “Nani me simba Munu?” Bawu nyonso kumangaka yawu. Yandi talaka bisika nyonso, mpe monaka yandi. Yandi vwandaka basika menga. Yandi tubaka, “Lukwikilu ya nge me vulusa nge.” Oh, la la!

Mwa kento ya ntwenya ya Samarie . . .

398 Ntangu yayi beno bambuka moyo, Yandi kwendaka ata fioti ve na Bantu ya makanda, mutindu yina. Ve, tata. Yandi tubaka na bilandi ya Yandi na kukwenda ve na bawu. Ya kele beto. Yayi kele kilumbu ya beto. Yandi kotaka na mutindu ya Mpeve-Santu, na beto, mutindu Yandi tubaka ti Yandi ke vwanda.

399 Kasi ntangu Yandi kwendaka na bawu, yinki kusalamaka? Ntangu Yandi kwendaka na kento ya Samarie, kento tubaka . . . Yandi tubaka na yandi, "Natina Munu masa ya kunwa."

400 Mpe yandi tubaka, "Ya kele ve kikalulu samu na Nge, na kuvwandaka Juif, na kulomba munu, Samaritain."

401 Ya vwandaka na nkabwani na bantinta ya bawu mpe nyonso yina. Yandi bikaka bawu kuzaba kaka kuna, ya vwandaka ve na baluswaswanu, bawu nyonso basikaka na yinti mosi. Beto nyonso kele bana ya babakala mpe bana ya bakento ya Nzambi. Beto nyonso kele, beno me mona. Mpe Yandi tubaka . . .

402 Yandi tubaka, "Mbote, beto ke sambila. Tata ya beto, Jacob . . ." Beno me mona, mpe yina vwandaka tata ya ba-Juif, mpe. Beno me mona? "Tata ya beto, Jacob, me timuna dibulu yayi, mpe Nge me tuba ti Nge kele nene mingi kulutila yandi?"

403 Mpe Yandi tubaka, "Bamasa yina Mu ke pesa nge kele Luzingu ya kukonda nsuka." Beno me mona? Yandi tubaka . . .

"Beto, mbote, beto ke sambilaka na mongo yayi, mpe Nge na Jérusalem."

Yandi tubaka, "Kwenda baka bakala ya nge mpe beno kwiza awa. Yayi ke sukisa dyambu."

Yandi tubaka, "Mu ke na bakala ve."

404 Yandi tubaka, "Nge tubaka kieleka." Yandi tubaka, "Nge me kuzwa tanu; mpe yandi yina kele na nge ntangu yayi kele ve bakala ya nge."

405 Yandi tubaka, "Tata, Nge zaba, ya me kuma bamvula nkama yiya kubanda beto kuzwaka profete, kasi Nge fwana vwanda profete. Wapi mutindu Nge zabaka ti mu vwandaka na babakala tanu?" Yandi tubaka, "Ntangu yayi, beto zaba ti . . . Ya kele ntangu samu na Mesiya na kuvwanda awa, yina ba ke bokila, 'Klisto.' Mpe ntangu Yandi ke kwiza, Yandi ke tuba na beto bima ya mutindu yayi." Oh, kuna kele bambuma ya Yandi.

Yandi tubaka, "Mu kele Yandi."

406 Yandi bikaka mbungu, ya ntama ya maza ya organisation. Na mbanza yandi kwendaka. Ata mutindu mbote, Jacob kuzwaka, yandi kuzwaka Yinto ya malu-malu. Na kati ya mbanza yandi kwendaka, yandi tubaka, "Kwisa, tala Muntu Yina me tuba na munu diambu yina mu salaka: Yayi kele ve Mesiya ya kieleka? Yayi kele ve mbuma? Yayi kele ve kimbangi ti Yina kele Mesiya?"

407 Ba-Juif lendaka yive kubakula Yawu. Bawu tubaka, "Yandi kele nganga-nkisi, Béelzébul."

408 Yesu tubaka, “Mu ke lemvokila beno, beno. Kasi, ntangu yankaka, Mpeve-Santu ke kwiza sala kima mutindu mosi; mpe, beno ke zonza na kuteleminaka Yawu, ata mbala mosi ve ti ba ke lemvokila beno.” Beno me mona?

409 Ntangu yayi, “Kana Mu ke sala ve bisalu ya Tata ya Munu, beno kwikila... beno kwikila Munu ve.” Kasi Yinti yango ya bambuma vwandaka kubuta bambuma.

410 Ntangu yayi yinki? Yinki Yandi tubaka? Na yina wapi mutindu—wapi mutindu ya Dibuundu Yandi tulaka? Ntangu yayi, beno bantu ya Katolika yina zola kutuba ti Yesu tulaka dibuundu, wapi mutindu ya Dibuundu Yandi tulaka?

411 Yandi me tubaka ntete denomination mosi, credo mosi? [Dibuundu me tuba, “Ve.”—Mu.] Yandi vwandaka telemina yawu ntangu nionso. Yandi tubaka, “Beno bibaka ya mpamba. Beno mikwa ya bantu ya kufwa.” Yandi bokilaka bawu nionso yina Yandi lendaka bokila bawu. Ya kele kieleka. Yandi vwandaka telemina yawu. Yina vwandaka mbuma ya Nzambi. Ntangu yayi, beno lenda kuma zole mpe zole, yiya, kana beno zola. Mbote mingi. Yandi vwandaka telemina kima mosi, organisation, na kuteleminaka mabanza ya bawu. Yandi bokilaka bawu, “Bantu ya luvunu, banioka na kati ya matiti,” mpe tubaka ti bawu vwandaka “bampeve ya yimbi.” Yandi tubaka, “Nge kele ya tata ya nge dyabulu, mpe bisalu ya yandi nge ke sala. Nani ya batata ya beno talisaka ve mpasi bapofete yina mu fidisaka na ntwala ya Munu?” Beno me mona? Yandi tubaka, “Na yina beno ke tunga bantoni ya bawu.” Yandi tubaka, “Beno kele bayina tulaka bawu na kati kuna.” Oh, mpangi-bakala, Yandi lwataka ve ba-gant na bawu. Ya kieleka.

412 Yina vwandaka mbuma ya Nzambi. Yinki ya vwandaka? Beno vwanda na Ndinga ya Nzambi, beno sala Ndinga ya Nzambi kumonisama.

413 Yandi tubaka, na mutindu yankaka, “Yinki Masonuku me tuba ti Mu Mesiya ke sala ntangu mu ke kwisa? Ntangu yayi, kana mu ke buta ve mbuma ya Ndinga yina, na yina mu kele ve Mesiya. Kasi kana mu buta mbuma ya Ndinga yina Mesiya zolaka sala, na yina mu kele Yandi.” Amen. “Ntangu yayi, nani na kati ya beno lenda fundisa Munu na disumu?” Yandi tubaka. Yawu yina. “Nani ya ba-organisation ya beno ke salaka kima mosi yayi?” Yawu yina. “Mesiya zolaka sala yayi. Mesiya zolaka vwanda profete. Ntangu yayi beto mona ndambu ya beno nyonso,” Yandi tubaka, “na mabanza ya beno nyonso ya zulu, ti beto mona beno kusala yawu.” Ntangu yayi, bawu vwandaka swi. Mbote mingi. Yinki ya vwandaka? Yandi vwandaka buta bambuma ya Nzambi. Mpeve-Santu vwandaka na kati ya Yandi. Yandi butaka bambuma ya Nzambi. Yinki Yandi vwandaka? Yandi...

414 Ntangu yayi beno kuwa mbote. Mu ke sala nswalu na mutindu mu lenda, na yina mu ke zola ve kubika beno na kudya ya beno ya Paki. Beno tala. Kasi, madia ya beno—ya beno ya Paki lendaka vwanda mvumbukulu. Beno me mona?

415 Kasi yinki? Yandi vwandaka Yinti ya kulunga ya Profete ya Nzambi, Yinti ya mbandu, Yinti ya Bakala ya makwela. Amen. Nkembo! Mu ke tuba kima mosi na mbala mosi: Kana Yandi kele Yinti ya Bakala ya makwela (Beno ke kwikila yawu? Kubanda disamba ya Eden?), kuna Yinti ya Bakala ya makwela, kukondwa Kento, beno buta mbuma ve, na yawu Yandi fwana kuzwa Yinti-Kento ya makwela. Yandi fwana butuka na kima mosi, Ndinga me kuma nsuni na kati ya Yinti. Kivuvu ti beno ke bakula yawu. Ya kele Luzingu mosi na kati ya Yinti ya kento yayi, Bakala ya makwela, mutindu Yawu kele na kati ya Kento ya makwela. “Beno mpe ke sala bisalu yina Mu ke sala.” Ya kele kieleka? Yandi vwandaka Bakala ya makwela, beno bambuka moyo.

416 Beno ke tuba, “Yina kele ve Masonuku.” Oh, ya kele. Mu me simba yawu ntangu yayi. Beno me mona? Beto ke na kukubamaka na kuzwa lukutakanu ya kubeluka ya nzutu na minuti mosi. Mu me simba yawu. Yandi vwandaka.

417 Beno zola kidimbu ya yawu? Yandi tubaka, “Mu kele Vinu, beno kele bintala.” Santu Jean tubaka yawu: “Mu kele Vinu, nge kele bintala; nge ke butaka mbuma.” Beno me mona? Mpe yinti ya bakala mpe yinti ya kento ke basisaka putulu, mosi na yankaka, ke butaka mbuma. Mpe kintala mpe vinu ke salaka kima mutindu mosi. Beno me mona? Ya kele kaka kieleka.

418 Na yawu Yandi tubaka, ntangu yayi, Yinti ya ntete yayi vwandaka Yinti ya Profete, Yinti ya kulunga, Nzambi ya baprofete. Yandi vwandaka Yinti ya nene. Yandi vwandaka Yinti ya kulunga ya Profete ya Nzambi. Samu na yinki? Yandi vwandaka Ndinga. Ntangu yayi, bayankaka vwandaka baprofete ya fyoti. “Ndinga kwizaka na baprofete.” Kasi Yandi vwandaka Ndinga, Yandi mosi, na mutindu ya Profete. Amen.

419 Ntangu yayi beto ke na kukuma kisika mosi. Ntangu yayi beno kuwa mbote-mbote. Mpe beno kondwa yayi ve ntangu yayi. Ya vwandaka mbote mingi, mu sonikaka yawu kaka awa. Uhum. Amen.

420 [Dimpoka ya tomabilu me kuwa—Mu.] Muntu ke boka, ke sala makelele ya bawu kuboka, kuna. Uh-huh, kaka, oh, mu banza ti beno ke kuzwa ntangu mosi ya mbote kuna. Beto kele, na kati awa. Mbote mingi.

421 Ntangu yayi, Yandi vwandaka Yinti ya Profete ya Nzambi. Samu na yinki? Yandi longaka Ndinga nionso ya kulunga ya Nzambi, samu Yandi vwandaka Ndinga ya Nzambi yina me monisama. Yandi vwandaka Yinti ya Profete ya kulunga yina longaka Ndinga ya kulunga ya Profete, yina butaka Profete ya kulunga mbuma na nzila ya Ndinga ya kulunga ya Nzambi.

Oh, mpangi, beno zonzila na yina me tala Yinti! Yinti, Yandi vwandaka Yinti yango ya Luzingu yina Wanzio bumbaka Eve mpe Adam ntama na yawu, na Bakeluba yina ke kebaka, ntama na Yinti yina. Ntangu yayi Bakeluba mosi yina ke na kumekaka na kunata bawu na kati ya Yawu, samu ti ya vwandaka na mutindu ya kusala samu na bawu. Beno me mona? Ntangu yayi bawu ke na kuvutukaka; oh, bantu. Hmm!

Ntangu yayi, longaka Ndinga nyonso, Yandi zengaka ve *awa to kuna*.

<sup>422</sup> Ntangu Satana kwisaka na Yandi, théologien yina ya nene, mpe tubaka, “Ya me sonama . . .”

Yesu tubaka, “Yinga, mpe ya kele mpe ya kusonika . . .” Uhuh.

“Kasi ya kele ya kusonama . . .”

Mpe Yandi tubaka, “Mpe ya kele mpe ya kusonama . . .”

<sup>423</sup> Yinti ya Profete ya kulunga yina ke longaka Ndinga ya Profete ya kulunga, na bidimbu ya Profete ya kulunga, bisalu ya kulunga ya Profete, bambuma ya kulunga ya Mpeve.

<sup>424</sup> Mpe samu na kuseka . . . Mu ke—mu ke luta na mbangu mingi ntangu yayi. Samu ti, samu na kima ya kuseka, bawu komaka Yandi na zulu . . . Yandi vwandaka Ndinga, beno zaba. Bawu komaka Yandi, Yinti ya Ndinga; Yinti ya Ndinga, komaka Yandi na yinti yina me salama na bantu ya Rome. Hum! Mpangi-bakala, mu banza ti ya me kuma na yinzo. Yandi, na kuvwandaka Yinti ya kulunga ya kimpeve ya Nzambi, ba komaka Yandi na yinti yina me salama na bantu ya Rome. Amen.

<sup>425</sup> Mutindu mosi ntangu yayi. Ba ke na kumeka na kubaka Yinti ya kulunga ya Nzambi, Ndinga, mpe kuvukisa Yawu, mpe kunamika Yawu kuna na zulu ya credo mosi. Lufwa mpe Luzingu ke vukana ve. Yesu vwandaka ve na lukutakanu ya mafwa; Yandi zolaka vumbula bafwa. Samu na yinki? Lufwa mpe Luzingu lenda ve kuvwanda kintwadi. Ba kele ya kuswaswana, mosi na yankaka. Yandi longaka ve mambu ya matanga. Yandi telemisaka kaka bawu. Amen. Yinga. Samu na yinki? Luzingu; mpe lufwa.

<sup>426</sup> Ntangu yayi beno tala. Bawu komaka Yandi na yinti. Ya kele kieleka? “Ya kusinga kele yandi yina kele ya kunamika na zulu ya yinti.” Ya kele kieleka? Biblia ke tuba, “Yandi me singamaka yandi yina kele ya kunamika na yinti yina muntu me sala.”

<sup>427</sup> Na yawu kana, bubu yayi, beno ke na kumeka na kukangama na yinti yina muntu me sala, beno bika yawu. Mpe beno bika yawu ve kunamika beno kuna, to. Samu ti, ya kele kisika samu na bantu ya kufwa, mwa Luther yina bantu me sala, ba-Baptiste, ba-Presbytérien, organisation ya ba-Pentecotiste, ya kele kieleka, yinti mosi yina muntu me sala. Beno kangama kuna ve. Beno bika yawu ve kukangama beno kuna, to. Ba ke kanga

beno kuna kana bawu lenda, tii Luzingu nyonso me basika na beno, tii kuna beno ke zaba malongi ya bawu. Ya kele kieleka.

<sup>428</sup> Kasi ya kele kisika yina ba komaka Yinti yayi ya kulunga. Yinti ya kulunga ya Nzambi vwandaka ya kukangama na yinti yina ba me sala ya Rome. Yawu yina. Ya vwandaka nsingulu na zulu ya yinti nyonso yina muntu me sala. Yinki ya? Na kukatula Yandi na meso ya bawu, na manima Yandi me tobola bambuma nyonso.

<sup>429</sup> Na manima ya Marie ya Magdala, yina tubaka na nzila ya masolo, yandi kwendaka mbangu na ntwala ya bawu mpe tubaka, “Yinki Yandi salaka? Yinki yimbi Yandi salaka?” Yandi telemisaka nzila, yandi tubaka, “Yinki Yandi salaka vwandaka yimbi? Yandi salaka kima ve kasi kulonga Nsangu ya mbote na bamputu? Yandi me sala kima mosi ve kasi ke belusa bambevo, ke vumbula bafwa? Mpe bidimbu ya kieleka ya Nzambi ya moyo kele na kati ya Yandi. Wapi mutindu beno lenda fundisa Yandi?”

<sup>430</sup> Mpe bawu bulaka yandi mbata na yinwa, mpe tubaka, “Beno zola kuwa kento ya luzingu ya yimbi yina na kisika ya nganga-Nzambi ya beno,” beno bawu yayi, “évêque ya beno?” Uh-huh. Beno bawu yayi. Kima mutindu mosi bubu yayi. Ya kele kieleka. Uh-huh. Yinga.

<sup>431</sup> Ntangu yayi, ntangu Yandi salaka nyonso yayi, mpe siamisaka Yandi mosi, yina Yandi vwandaka, mpe tulaka yawu na bawu mpe tubaka, “Kana Mu kele Yandi ve, na yina nani nge kele?” Uh-hum, uh-hum. “Kana beno lenda fundisa Munu na disumu, kana Mu kele kisika nyonso ya yimbi na Ndinga, beno lakisa Munu. Ntangu yayi beno bika Munu kulakisa beno kisika beno kele na foti.” Beno me mona? *Disumu* kele “kukondwa lukwikilu.” Beto zaba yawu.

<sup>432</sup> Ntangu yayi, samu na kukatula Yandi na meso ya bawu! Ba yinaka Yandi mingi, samu ti Yandi mwangisaka ba-organisation ya bawu nyonso. Na kukatula Yandi na meso ya bawu, ba zikaka Yandi. Mpe yandi balulaka ditadi mosi ya nene ya denomination na zulu ya kielo, na yina ya kieleka Yandi zolaka vumbuka diaka ve na lufwa. Beno me mona? Oh, la la!

<sup>433</sup> Beno banza na Yinti yina ya kulunga! David talaka na manima mpe monaka Yawu. Yandi tubaka, “Ya kele ya kutelama pene-pene ya banzadi ya Masa. Yandi ke basisa makasa ya Yandi na nsungi ya Yandi, na mbuma ya Yandi; ba ke losa yawu ve, ya—ya ke beba ve. Nyonso yina Yandi ke sala ke kwenda na ntwala.” Yandi vwandaka Mwana ya ntomoso.

<sup>434</sup> Joseph vwandaka kifwanukusu ya Yandi. Yandi vwandaka Kifwanukusu ya Joseph. Bisika nyonso Joseph kwendaka, ya tomaka.

<sup>435</sup> Kima mutindu mosi na Yesu, Ndinga ya Yandi. “Ndinga ya Munu ke kwenda na ntwala, mpe Yawu ke vutuka ve na Munu ya mpamba. Yawu ke sala yina mu banzaka Yawu kusala.” Beno me

mona? Yandi vwandaka Ndinga. Ba fidisaka Ndinga na ntoto, na nzila ya Nzambi, mpe Yawu ke lungisa kaka yina Nzambi fidisaka Yawu na kusala.

<sup>436</sup> Ntangu yayi, beno kuwa mbote ntangu yayi. Yayi ke kuma mvwama, na crème na zulu ya yawu. Ntangu yayi beno tala.

<sup>437</sup> Awa Yandi ke kwiza, ntangu yayi, mpe bawu. . . samu na bisalu yango ya kieleka ya Nzambi, ntangu Yandi telamaka mpe yufulaka bawu. Yandi tubaka, “Kana mu ke sala ve bisalu yina Nzambi tubaka ti mu fwana sala, na yina mu kele Yandi ve; beno kwikila Munu ve. Kasi kana mu sala yawu, kuna beno ke kwikila bisalu. Kana beno lenda kwikila Munu ve, na kuvwandaka Muntu ke sala yayi, na yina beno kwikila bisalu Mu ke sala. Ya ke pesa kimbang’i ya Munu. Bawu ke zonzaka mingi kulutila ndinga ya Munu lendaka zonza.” Ya kele kieleka.

Mpe kima mutindu mosi ke salama ntangu nyonso. Yinga, tata. Kieleka ya ke sala.

<sup>438</sup> Ntangu yayi beno tala. “Kana Mu ke sala ve bisalu ya Tata ya Munu, na yina ve. . . beno kwikila Munu ve, beno kwikila Munu ve. Na yina, kana mu ke sala bisalu, beno kwikila Munu.”

<sup>439</sup> Na yina yinki bawu salaka? Ba bakaka Yinti yina ya ntalu, ba zengaka Yawu, ba komaka Yawu na yinti yina muntu me sala. Ya kele kieleka, yina zengaka Luzingu na Yawu, mpe ba komaka Yandi na zulu ya yinti yina me salama na muntu, samu na kuseka.

<sup>440</sup> Na yina, bawu zolaka yawu ve. Bantu mingi vwandaka ya kutelama kuna, vwandaka dila samu na Yawu, na yina bawu katulaka Yandi. Bawu tubaka, “Beto ke sala dénomination ya beto kukangama mingi ti bawu ke kuzwa ata mbala mosi ve ba-exalté yayi na kati awa.” Na yina ba katulaka Yandi makulu na dibulu ya Joseph ya Arimathée, mpe ba losaka ditadi mosi ya nene. Ya lombaka babakala nkama mosi samu na kubalula yawu kuna.

<sup>441</sup> Beno monaka—monaka, na nkokila yina, na film, nzila yina ya nene kisika ba balulaka ditadi? Ya ba-tonne ya bakilo.

<sup>442</sup> Yandi balulaka ditadi ya bawu ya nene ya organisation kuna, samu Yandi kulenda ve na kuvumbula. Kasi yina kangaka Yandi? Ve.

<sup>443</sup> “Kasi mu ke vutula, me tuba Mfumu.” Beto baka dilongi yina ntangu yayi, mpe beto longuka yawu. “Mu ke vutula, me tuba Mfumu. Mu ke vutula Yandi na bilumbu tatu. Mu ke vumbula Yandi dyaka.” Ba lendaka ve kukanga Yandi na ditadi yina. Ba lendaka ve kubumba Yandi na meso ya bawu. Ba lendaka ve kukatula Yandi na diboko. “Mu ke vutula Yandi, me tuba Mfumu.” Mpe na bilumbu tatu Yandi vumbukaka, vutukaka diaka.

444 Na manima ya Paki, na kuvumbula ya Yandi, Yandi tubaka, “Beno kwenda na yinza ya muvimba, mpe mu ke kwenda na beno. Mutindu Tata ya moyo me fidisa Munu, mpe Yandi kele na kati ya Munu, na yawu Mu ke fidisa beno mpe ke vwanda na kati ya beno. Mu kele na beno, tii na nsuka ya yinza. Bisalu, kima mosi yina mu salaka, samu na kusiamisa ti mu vwandaka, beno ke sala bima mutindu mosi samu na kusiamisa ti beno kele.” Mu zola yawu.

445 “Bidimbu yayi ke landa bayina kele bakwikidi,” bakwikidi ya kati-kati ve, kasi bakwikidi. Beno me mona? “Bima yayi yina mu ke sala, nge ke sala yawu mpe ke siamisa ti nge kele mukwikidi. Kaka mutindu mosi bisalu yina mu salaka, samu ti Tata ya moyo ke zingaka na kati ya Munu. Ya kele Munu ve yina ke salaka kisalu; ya kele Tata ya Munu. Mpe ya ke vwanda ve ti beno ke sala bisalu; ya ke vwanda Munu na kati ya beno, ke na kusalaka bisalu.” Beno me mona? “Ntangu yayi, beno kwenda na yinza ya muvimba.”

446 Na mutindu yankaka, “Nge ke sala yina me zabana, na Munu, mutindu Kento ya makwela.” Beno me mona? Mbote mingi. “Mu ke kwenda na nge. Mpe mu . . . Nge ke vwanda kitini ya Munu. Nge ke vwanda Kento ya Munu ya makwela. Luzingu ya Munu ke vwanda na kati ya Nzutu ya nge. Kaka mutindu bakala mpe kento kele muntu mosi, nge na munu ke vwanda Mosi. Na kilumbu yina beno ke zaba ti mu kele na kati ya Tata, Tata na kati ya Munu, mpe munu na kati ya beno, mpe beno na kati ya Munu.” Hmm! Mu zola kaka yawu. Satana ke kudasukila kaka yawu. Beno me mona ba-Unitaire ya Nzambi? Nyonso yina Nzambi vwandaka, Yandi tsyamunaka na kati ya Klisto; mpe nyonso yina Klisto vwandaka, Yandi tsyamunaka na kati ya Dibuundu. Beno bawu yayi. Ya ke sala bawu nyonso Mosi.

447 Ntangu yayi beno tala. Ntangu yayi, Kento ya makwela kele Yinti mosi ya Luzingu. Na nzonzolo yankaka, mutindu bakala na kento kele mosi, Klisto na Kento ya Yandi ya makwela kele Mosi: kima mosi, Mpeve mosi, bisalu mosi, bidimbu mosi, nyonso yankaka. “Samu na bisalu yina Mu ke sala beno mpe ke sala yawu.” Tii wapi ntangu? “Yinza ya muvimba.” Tii wapi ntangu? “Na konso kivangu.” Ya kele kieleka?

Oh, beno kuwa na bukebi ntangu yayi, beto ke bula munduki ya magnum.

448 Mangolo ya Rome bandaka na kudya na zulu ya Yinti-Kento yango ya makwela tii ya landaka Yawu tii na bansimbulu. Yinti mosi ya Rome yina . . . Wapi mutindu ya yinti zengaka Klisto? [Dibuundu me tuba, “Rome.”—Mu.] Wapi mutindu ya yinti yina zengaka Kento ya makwela ya Klisto? [“Rome.”] Wapi mutindu? Na nzila ya kuyingisa kima mosi na nganda ya Ndinga. Na yawu, beno me mona, dibuundu ya ba-Protestant yina ke bakaka ve Ndinga ya Nzambi kele mwana ya kento samu na

dibuundu ya Rome. Nzambi ata mbala mosi ve, na ntangu mosi, bongisaka dibuundu. Dibuundu ya Katolika ya Rome vwandaka organisation ya ntete. Mpe mosi na mosi ya bawu kele bana ya bakento, samu na yandi, kubongisa yina.

<sup>449</sup> Bawu ke kufwa na yandi. Biblia ke tuba, ti, “Yandi ke yoka bana ya yandi na tiya.” Bantu yikwa zaba yawu? Biblia me tuba mutindu yina. Mbote, Biblia ke tuba ti blé mpe dititi ya yimbi ke kula kintwadi tii kilumbu ya nsuka, kuna Yandi ke kanga matiti ya yimbi (ya kele kieleka?), ntete, mpe ke yoka bawu na tiya. Mpe blé ke kwenda na kibumbulu. Ya kele kieleka? Dititi ya yimbi ke vukana bawu mosi kintwadi na organisation, Kuvukana ya Mabuundu, samu ti atomique ke na kupela. Ya kieleka kaka. Kasi Dibuundu me kubama na kukwenda na kibumbulu, kaka kieleka mutindu yinza, na Enlevement, samu ti kimpwanza ke kabula ve difwa na mpika. Ooooooh, Mpangi Anthony!

Oh, beto ke vingila nkwizulu ya kilumbu yina  
ya kiese ya Millenium,  
Ntangu Mfumu ya beto ya lusakumunu ke  
kwiza mpe ke zangula Kento ya Yandi ya  
makwela yina ke na kuvingila;  
Oh! Moyo ya munu kele ya kifuluka na  
enlevement mutindu mu ke sala, beno tala  
mbote mpe beno sambila,  
Samu ti Mfumu ya beto ke na kuvutukaka  
dyaka na ntoto.

<sup>450</sup> Alleluia! Yinga, tata. Oh, Yandi ke yoka na tiya matiti ya yimbi. Mpe blé, Yandi ke baka na kibumbulu.

<sup>451</sup> Mangolo ya Rome bandaka na kudya Yinti yina, na bilumbu ya Paul. Yandi tubaka, “Mu me ndima,” Masonuku awa, “ti, na manima ya kukwenda ya munu, bantu ke telema na kati-kati ya beno, bampangi, mutindu bampusu ya mameme na zulu ya bawu, yingo na kati, mpe ke basisa mingi na manima ya bawu. Samu ti mpeve ya mbeni ya Klisto, yina beno kuwaka yina zolaka kwiza na yinza, kele yimeni na yinza ntangu yayi, na kusalaka na bana ya” (yinki?) “kutumama ve.” Beno tumamaka ve na (yinki?) Ndinga. Beno bawu yayi. Organisation bandaka na kubanda.

<sup>452</sup> Beno me mona yina mu zola kutuba, bankundi? Nyonso yina beno me mona yawu, kutuba, “Amen.” [Dibuundu me tuba, “Amen.”—Mu.]

<sup>453</sup> Na kubandaka na kudya! Yinki ya salaka? Mangolo yina ya ntama bandaka, kipiату yina ya ntama. Ti. . . Joël monaka yawu.

Beno kuwa ntangu yayi. Beto ke na kukuma pene-pene na nsuka.

<sup>454</sup> Joël monaka yawu. Mpe yandi tubaka, “Yina dikelele me bika, dikonko me kudya; yina dinkoko kudiaka, na manima kipiату bakaka yawu; yina kipiату bikaka, na yina, mangolo bakaka yawu.” Ya kele yina yandi tubaka. Mpe ya kele kieleka.

Ya kele Yinti ya Nzambi. Yinti, yandi zengaka Yawu, kipiatsu yina. Mbote mingi.

<sup>455</sup> Mangolo ya Rome bandaka na kudya na zulu ya Yinti-Kento ya makwela yango mpe bakaka Yawu nzila nyonso na bansimbulu. Yandi zengaka Yawu nzila nyonso na manima, nyonso! Yandi zengaka Yinti, mutindu yandi salaka Klisto Yesu, Bakala ya makwela. Yandi zengaka Kento ya makwela nyonso, mpe bandaka na kukotisa ba-credo mpe ba-denomination. Niama mosi ya ntama! Kasi yinki? Oh, nkembo! Kasi na kati ya misisa ya Yawu vwandaka Nkuna yina ba soolaka ntete, Nkuna ya Kimfumu ya Abraham. Ya zolaka kufwa ve. Ndinga vwandaka na kati ya bansimbulu na nsilulu, “Mu ke vutula, me tuba Mfumu.” Yinki? “Bamvula nyonso yina mangolo zengaka nyonso, nyonso yina dinkoko kudiaka, nyonso yina baniama nyonso yankaka kudiaka, Mu ke vutula Yawu, me tuba Mfumu.”

<sup>456</sup> Ntangu yayi beno fwanikisa yayi na Lumingu me luta, mpe Lumingu na ntuala, Bansangu yayi ntangu yayi. Beno kuwa mbote ntangu yayi, na yina beno ke kuma na nsuka. Beno tala mbote.

<sup>457</sup> “Mu ke vutula, me tuba Mfumu, yina nyonso ba ke katulaka baniama. Mu ke vutula Yawu nyonso diaka.”

<sup>458</sup> Ntangu yayi beno vwanda swi kana beno lenda, baminuti fyoti, mpe beno kuwa mbote. Beno kubama. Mpe beno sambila na ntima ya beno ya muvimba, samu Nzambi kumonisa Yawu na beno.

<sup>459</sup> Na yawu, nsilulu ya Nzambi bandaka na kuvutula, samu ti Nzambi tubaka ti Yandi ke vutula Yawu. Kaka mutindu Yandi vumbulaka Yinti-Kento ya makwela yango. . . Yinti ya Bakala ya makwela, Yandi ke vumbula Yinti-Kento ya makwela, samu ti ya ke vwanda na Mosi kaka kuna, kieleka mutindu yinza. Yinki ntangu yayi? Mbote mingi. Na yawu nsilulu ya Nzambi kubandaka, “Mu ke vutula, me tuba Mfumu, nyonso yina dikonko me kudya, mangolo.”

Mutindu na mbala ya ntete, ntangu Yandi tungaka Dibuundu yina ya ntete.

<sup>460</sup> Mu ke kwenda na mwa Malongi ntangu yayi. Kana beno zola ve kukwikila Yawu, mbote mingi. Kasi beno kaka. . . Beno ke sala mbote na kutala Yawu, ntete. Beno me mona? Beno tala.

Wapi mutindu Yandi yelisaka Yinti yango, na kisika ya ntete? Oh, la la!

<sup>461</sup> Yayi ke sala munu mbote mingi. Mu zaba ti mu ke wakana mingi ve mutindu mulongi, ya kutelama awa mutindu yayi, kasi mu—mu—mu zola yina mu ke na kuzonzila. Beno me mona yina mu zola kutuba?

<sup>462</sup> Mpe ntangu yayi beno tala. Mutindu mbala ya ntete, ntangu Yandi bandaka Dibuundu yina ya ntete yina mangolo ya Rome

kudyaka nionso, mpe kipiату, nyonso yina, Yandi bandaka na kunungisama na nzila ya lukwikilu. Jean Mubotiki.

<sup>463</sup> Na Santu Jean, na kapu 13, to, na kapu 17, na nzila ya 17, Yesu tubaka, “Santisa bawu, Tata, na nzila ya Kieleka: Ndinga ya Nge kele Kieleka.” Kisalu ya zole vwandaka kusantisama, na Dibuuundu. Na manima ya kunungisama vwandaka kusantisama.

<sup>464</sup> Mpe na manima ba me santisa bawu, Yandi lombaka bawu na kuvwanda na mbanza ya Jérusalem, Luc 24:49, tii bawu vwandaka ya kulwata ngolo ya Mazulu. Mpe kuna Yandi butaka Yinti, Mpeve-Santu, Pantekote; kunungisama, kusantisama, mbotika ya Mpeve-Santu.

<sup>465</sup> Mpe na manima Klisto kwizaka zinga na kati ya Yawu, samu na kubasisa bambuma. Amen. Ya kele kieleka?

Jean longaka kunungisama.

<sup>466</sup> Ntangu yayi beno tala. Na... Yina ke sala mbutukulu ya yinza. Ntangu kento ke butaka bébé (Benó kuwa yayi.), yinki kima ya ntete ke salama na kento, yinki ke basika? Ya kele, ntete, ya kele maza. “Benó balula ntima, mpe beno botama na Nkumbu ya Yesu Klisto,” kunungisama. Yinki kele kima ya zole ke salama na kento? Menga. Ya kieleka? Menga; kusantisama. Na yina yinki kele kima ya kulanda? Luzingu. Maza, menga, mpeve.

<sup>467</sup> Santu Jean, to, ya Ntete ya Jean 5:7, 7:5, mu zola tuba, mu banza ti ya kele, tubaka:

*... ya kele na tatu yina ke pesaka kimbangi na mazulu,  
Tata, Ndinga (Yina kele Mwana.), mpe Mpeve-Santu: ...  
tatu yayi kele mosi.*

*Mpe ya kele na tatu yina ke pesaka kimbangi na ntoto,  
maza, menga, mpe Mpeve; mpe bawu kele ve mosi, kasi  
ba ke wisana kati na mosi.*

<sup>468</sup> Benó lenda ve kuzwa Tata kukondwa kuzwa Mwana; benó lenda ve kuzwa Mwana kukondwa kuzwa Mpeve-Santu. Kasi benó lenda vwanda ya kunungisama kukondwa kuvwanda ya kusantisama; benó lenda vwanda ya kusantisama kukondwa kuvwanda na Mpeve-Santu.

<sup>469</sup> Wapi mutindu samu na yina, mpangi ya bakala ya Nazaréen? Bawu vwandaka ya kusantisa na nzila ya Yesu Klisto, mvula mosi mpe bangonda sambanu ntete Mpeve-Santu kukwiza. Ya kele kieleka? Ba vwandaka ya kusantisa na nzila ya Yesu Klisto.

<sup>470</sup> Ntangu yayi, mutindu Yandi basisaka Yinti-Kento ya makwela ya ntete yina dikonko mpe dikelele me kudyá, Yandi ke na kupema Yinti ya zole, na kunataka Yawu na misisa yina ba soolaka ntete yina lenda kufwa ve. Ba kele ya kutelama pene-pene ya banzadi. Ya ke na kuzinga na kati ya bamasa yayi. Ya lendaka ve kukitalisa Yawu mosi, kasi Ya kele kuna, na mutindu nionso.

471 Ntangu yayi ya ke na kubanda, beno tala, mutindu mosi na kati; mutindu Yandi ke vutula mvutu na kima mutindu mosi.

472 Ya ntete, ntangu Yinti yina bandaka na kubasika na Katolisisme, vwandaka Martin Luther, yina longaka kunungisama. Wanzio ya zole vwandaka John Wesley, yina longaka kusantisama. Luther longaka kunungisama, “Ke zinga kaka na nzila ya lukwikilu.” Wesley longaka kusantisama, ksalu ya zole ya kieleka ya lemvo. Mpe na manima kwizaka Mpeve-Santu. Kaka mutindu Yandi tungaka Yinti, mbala ya ntete, awa Yandi ke na kupema dyaka, na mutindu mosi, na mbala ya zole. Beno me mona yawu?

473 Beno tala. Niama mosi yina, mwa kima yayi ya mpamba-mpamba, niama yina bandaka mpe kufwaka Yinti na mbandukulu, bandaka kaka na kuvutuka na bintala ya ba-Lutherien, kasi (yinki?) ya lenda kufwa Yawu ve. Ya lenda kufwa Yawu ve, samu ti Nzambi me sala tubaka, “Mu ke vutula dyaka.” Ti na kubanda Luther, samu na kufwa bintala nyonso ya Luther. Ya me kwiza mbala mosi na Wesley, mpe me kufwa bintala nyonso ya Wesley. Kasi kitini ya ngundi ya Yinti ke landila na kukwiza.

474 Ntangu yayi beno tala. Na ntangu ya ntama, ntangu ba kufwaka Yinti, ba kufwaka Yawu, ya kwendaka tii na bansimbulu ntangu Yawu kufwaka na ntangu yina. Kasi na ntangu yayi, samu Ndinga zabaka na ntwala, kima mosi ve ke kanga Yawu. Nzambi tubaka, “Mu ke vutula dyaka. Ata ti wapi mutindu bawu ke sala organisation, wapi mutindu bawu ke sala *yayi*, *yina*, to *yankaka*, mu ke vutula Yawu.” Yina ke sukisa dyambu. Kuseka nyonso, kuseka, kuseka, kubokila “ba-exalté, buzoba, buzoba,” nyonso yina beno zola. Nzambi tubaka kaka, “Mu ke vutula, me tuba Mfumu.” Ya kieleka kaka mutindu Yandi basisaka Yesu na ntoni, na nsi ya bilumbu tatu, na nsi ya bansungi tatu, to na bitini tatu, Yandi ke vumbula Dibuundu na mvimba ya Yawu mpe ngolo dyaka. “Mu ke vutula, me tuba Mfumu.”

475 Yinki me salama? Mangolo yina ya ntama vwanda banda na kudya mpe vwanda kuzwa mutindu mosi ya ngolo yina yandi salaka, kasi (yinki yandi salaka?) yandi kuzwaka kaka bintala ya Luther. Yandi kuzwaka ata mbala mosi ve Mpeve na manima kuna, ti Luther kuzwaka, samu ti Yawu zingaka kaka na zulu. Na yina, na manima kwisaka Wesley. Mpe na manima Wesley kufwaka, profete yina ya nene, na manima Wesley kufwaka (yinki bawu salaka?), bawu salaka organisation, mpe bintala nyonso kufwaka, kasi (yinki Yandi salaka?) Dibuundu zingaka kaka, kwizaka mbala mosi na Pantekote. Ntangu bawu kubongisaka (yinki kusalamaka?), bintala kufwaka, kasi (yinki?) Dibuundu landilaka kaka.

476 Yinki? Diambu ya mutindu mosi ba-Pentecotiste salaka, tiki-

taki ya mutindu mosi, credo ya denomination yina bakaka Yawu na kisika ya ntete, samu na kubebisa Yinti na kati ya Yinti-Kento ya makwela, na kisika ya ntete, kele ba tiki-taki ya mutindu mosi yina diabulu salaka na Yinti yayi ya zole, kasi (yinki?) Nzambi soolaka Yawu ntete. Yandi fwana landila, kukondwa kutala. Kana yawu nyonso. . . Kana ya zolaka vwanda ve, ntangu Luther kubongisaka, ti zolaka sungika yawu kaka kuna; yawu nyonso vutukaka kaka mutindu yankaka; ya zolaka vwanda dibuundu ya Katolika ya zole, dibuundu ya Katolika ya Rome. Beno me mona?

<sup>477</sup> Kasi, Nzambi bakaka lukanu. Yandi zonzaka Ndinga ya Yandi. Musiku ya Yandi ke mona ti Yawu ke salama. Ata lutangu ya ntangu Yawu me luta, Yawu ke zinga, na mutindu nyonso. Beto lendaka vwanda na madidi mpe na luswaswanu ya denomination, mpe nionso yina, kasi Yinti yango ke zinga kaka kieleka mutindu ya kele na Nzambi ya moyo na kusala Yawu kuzinga. Yinga, tata. Yandi tubaka, “Mu ke vutula dyaka.”

<sup>478</sup> Mu zaba ti beto ke na printemps mosi na nsuka, nsungi ya nsuka ya Paki ke na kwisa. “Mfumu ke sukinina ve na Nkwizulu ya Yandi,” ba ke tuba, mpe bima nionso ya mutindu yina. Mpe mupepe ya madidi kufwaka bintala mingi ya ba-denomination yina, kasi ya lenda kufwa ve Luzingu yina ba soolaka na ntete.

<sup>479</sup> “Mazulu na ntoto ke luta, kasi Ndinga ya Munu ke luta ve.” “Bayina nyonso Yandi zabaka ntete, Yandi bokilaka: bayina Yandi bokilaka, Yandi me nungisa bawu: bayina Yandi nungisaka, Yandi me kembisa bawu yimeni.” Alleluia! Ya kele ya kusonama na kati ya Buku, Buku ya Luzingu ya Mwana-dimeme, mpe lenda kufwa ve.

<sup>480</sup> Bafololo nionso—nionso yina difelo lenda zibula Yandi ke telemisa Yandi ata fioti ve. Communisme ve, Katolisisme, kima yankaka ve ke kanga Yawu. “Mu ke vutula, me tuba Mfumu.” Bayinti nyonso yina muntu me sala ya Rome ke namika Yawu kuna ata fioti ve. Bantoni nyonso ke zitisa Yawu ata fioti ve kuna. Matadi nyonso ya nene ya ba-dénomination yina kele na mwelo ke keba Yawu ata mbala mosi ve na kati kuna. “Mu ke vutula, me tuba Mfumu. Ya ke vwanda na Paki. Mu ke basisa Dibundu yina mosi na ngolo ya Yawu mosi. Mu ke basisa Kento ya makwela yina kaka mutindu Yandi vwandaka kuna na manima, na bidimbu mosi, mbuma mosi, kima mosi yina bawu salaka. Mu ke vutula dyaka Yandi. Mu ke vutula, me tuba Mfumu,” (yinki?) “kuvutula bayina nyonso ba-dénomination kudyaka, kuvutula nyonso yina organisation kudyaka. Mu ke vutula, me tuba Mfumu, nionso yina.”

<sup>481</sup> Ntangu yayi, beno ke tuba, “Wapi mutindu samu na bima yina me katuka, na kati ya denomination?”

<sup>482</sup> Nzambi kele Bakala ya mbote. Yandi zengaka Yinti, kaka yina, zengaka bintala nyonso ya kufwa. Yinki Yandi ke sala?

Yandi ke yoka bawu na tiya, kuna na zulu. Ya kieleka. Nzambi kele Bakala ya makwela—ya Yinti yayi. Yandi ke kebaka Yawu. Yandi ke kebaka difwa ya Yandi. Yandi . . . Yinki kele difwa ya Yandi? Ndinga ya Yandi Mosi. Yandi ke kebaka Ndinga ya Yandi, samu na kusiamisa Yawu; samu na kutala Yawu mbote; kumona kisika Yandi lenda kuzwa Yawu. Yandi ke vutula dyaka. Na yawu ntangu mabuundu yayi bandaka na kusala organisation, mpe bima ya mutindu yina, Yandi zengaka kaka yawu, mpe Dibuundu landilaka na kukwenda.

<sup>483</sup> Ntangu—ntangu ba-Lutherien tubaka, “Beto ke kuma organisation. Beto ke vwanda nene mutindu Katolika.” Mbote mingi. Yandi zengaka kaka kintala. Mpe Wesley bakaka Yawu na zulu, telemisaka profete yankaka. Na yina, ntangu Wesley salaka yawu . . . Mbote, Wesley kufwaka, profete ya nene. Yinki bawu salaka? Bawu salaka organisation na yawu. Na Pentecote kwisaka. Kaka na ntangu yandi kufwaka, Yandi zengaka yawu. Ya ke na kuvumbuka kaka. Beno me mona? Yandi ke vutula dyaka.

<sup>484</sup> Wapi kisika bambuma ke yela? Ya ke bandaka ve na yisi awa. Ya ke bandaka na zulu. Wapi kisika mwini ke bula ntete Yinti? Ah, nkembo! Na Nsemu ya nkokila, na zulu ya Yinti. Amen. Na yisi ya bintala ve, kasi na zulu kuna na zulu ya Yinti kele kisika bambuma ke yela.

Amen!

*Beno zola Yandi? Amen!*

*Beno ke sadila Yandi? Amen!*

*Beno ke kwikila Yandi? Amen!*

Kieleka mu ke kwikila Yandi, na ntima ya munu nyonso.

<sup>485</sup> Ntangu yayi, yinki ya kele? Yandi ke katula bima yango ya ntama ya kufwa na yina Yandi ke kwiza, ba-organisation nyonso yina, tii Yandi ke kuma na zulu ya Yinti. Ya kele kisika Yandi ke kuzwa mbuma ya Yandi. Ntangu yayi beno tala. Nzambi zengaka bintala ya Yandi. Mbote mingi. Bawu kele ya kufwa, mpe ke kota ve na Mvwandulu ya Nzambi, ke kwiza ve na mvumbukulu ya ntete. Kasi beno vwanda na . . . Vinu ya mbuma ya organisation ya kieleka . . . Vinu ya Nzambi. Bawu ke kota na kimvuka ya organisation, kasi bawu ke kwiza ve na mbuma ya Vinu.

<sup>486</sup> Ntangu yayi beno tala. Nzambi tulaka ata mbala mosi ve organisation. Dibuundu ke tula manzaka, organisation mosi, mpe Nzambi ke zenga yawu nionso, ke zenga yinto ya yawu. Ya ke buta mbuma ya organisation.

<sup>487</sup> Kasi kana Vinu yina basisaka kintala yina basikaka na Vinu, Ya ke buta mutindu mosi Yina salaka. Na yawu, beno me mona, yina ya ntete vwandaka. Mpe Rome fidisaka bascarabée ya bawu kuna mpe kudia Yawu, kasi Nzambi ke yelisa Mosi na zulu mingi ti ya lenda simba Yawu ve. Ya ke salama. Amen. Mu . . . Beto kwenda. Yinti ke katukaka na kisika mosi na

yankaka, kubanda kilumbu mosi tii na nsungi yina yankaka. Na Luther, Yawu kwendaka na Wesley; na Wesley, na Pentecote; na Pentecote, Yawu kwendaka na Ndinga.

<sup>488</sup> Ya kele Paki diaka samu na bakwikidi ya kieleka ya Ndinga ya Yandi ke kubwaka ata fioti ve. Ya kele Paki. Ya kele mvumbukulu. Nzambi kele na bantu bisika nyonso. Ya kele Paki samu na bawu. Samu na yinki? Ba me vumbuka na lufwa, amen, ba me vumbuka na lufwa na ba-credo yina mpe badenomination. Beno kwisa kaka na nzila ya bawu. Ya kele Paki diaka. Nkuna ya Kimfumu me bumbama na kati ya bansimbulu, Ndinga, me bumbama awa na kati ya Ndinga yayi, bamvula mingi, mpe bamvula, mpe bamvula, mpe kaka ntangu yayi ke banda na kumonisama. Ya kele ntangu ya Paki. Yina ba soolaka ntete mbandukulu ya yinza, Dibuundu yayi me banda na kutelama. Beno tala mutindu ti Nzambi zabaka na mantwala, na mbandukulu. Mu fwana . . .

Mbote, mu ke tuba yawu, na mutindu nyonso. Mbote mingi.

<sup>489</sup> Beno tala awa, ti, kuvutula Yinti ya ntete ya kulunga na bilumbu tatu na manima ya lufwa ya Yandi. Na manima ya lufwa ya Yinti ya ntete, Yandi me vutula yawu na bilumbu tatu. Ya kele kieleka? Yawu me vutuka! Ntangu yayi Yinti-Kento ya makwela ke vutuka diaka na bansungi tatu, bitezo tatu, mu zola tuba. Bitezo tatu, Ya ke vutuka dyaka. Ntangu yayi beno tala. Yinki? Kunungisama, kusantisama, mbotika ya Mpeve-Santu; mosi, zole, tatu.

<sup>490</sup> Ntangu yayi beno tala. Na manima ya bilumbu tatu, Yinti ya ntete me vutuka mutindu na mbandukulu, na kuzwaka bidimbu mosi, mambu ya ngitukulu mosi. Yesu vutukaka, Yesu mosi, na kusalaka kima mutindu mosi. Na nsuka ya kilumbu ya tatu, bidimbu monikaka, nsuka ya kilumbu ya ntete ve. Oh, mpangi! Mu banza ti beno ke bakula yawu. Na kilumbu ya tatu kele ntangu kumonisama ya kieleka ya Klisto kuzabanaka, na *nsuka* ya kilumbu ya tatu. Beno me mona? Beno tala. Beno ke na kubakula yawu? [Dibuundu me tuba, “Amen.”—Mu.]

<sup>491</sup> Ve na kilumbu ya ntete, na mutindu ya kufwa; na kilumbu ya zole, ya vwandaka na manguni-nguni, beno me mona, to, kilumbu ya zole, ya vwandaka dyaka ya kufwa; Luther, Wesley. Na mbandukulu ya kilumbu ya tatu, ya vwandaka na manguni-nguni kuna. Kima ve na kilumbu ya ntete, Luther; kima ve na kilumbu ya zole. Mpe na kilumbu ya tatu, nsungi ya Mpeve-Santu, ya vwandaka na manguni-nguni, ti, “Yandi vwandaka mutindu mosi mazono, bubu yayi, mpe kukonda nsuka.”

<sup>492</sup> Kasi na *nsuka* ya kilumbu ya tatu, ya kele kisika Yandi zabanaka Yandi mosi, kwisaka kaka na kati ya bawu, kwisaka na kati ya bantu ya Yandi mpe tubaka, “Tala Munu. Mu kele Mosi.”

493 Nkadulu ya kufwa landilaka tii bawu kumaka na Pantekote, na manima bandaka na kutambula kintwadi, ti, “Yandi vwandaka.”

494 Ntangu yayi, awa na kilumbu ya nsuka, Yandi yayi kaka na beto, ke na kutambula kaka na kati-kati ya beto. Na *nsuka* ya kilumbu ya tatu, Yandi monikaka mpe talisaka bawu nionso kidimbu ya Yandi ya mvumbukulu, ti Yandi vwandaka zinga, mutindu mosi mazono, bubu yayi, mpe kukonda nsuka, bambuma ya moyo ya Mvwandulu ya Yandi. Bambuma ya Moyo ya Mvwandulu ya Yandi! Beno me bakula yawu? [Dibuundu me tuba, “Amen.”—Mu.] Kumonisamaka na nsuka ya kilumbu, ntangu Yandi monikaka na bawu nyonso, Dibuundu ya Yandi. Amen. Samu na yinki? Bawu nionso vukanaka kintwadi, oh, amen, na nsuka ya kilumbu ya tatu.

495 “Bansemo ya nkokila,” Biblia ke tuba, “ke lezima na bilumbu ya nsuka.” Nsemo ya mpimpa kele Nsemo mosi na Wesete, yina vwandaka Nsemo mosi yina vwandaka na Esete. Mpe Nsemo mosi yina lezimaka na Esete, yina nataka Dibuundu ya ntete yina ba-Romain zengaka na nzila ya bisambu ya bawu—ya bawu ya mimpani mpe nionso yina, na Nsemo ya nkokila kele Nsemo mosi. Ntangu yayi beno tala, Nsemo mosi!

496 Mpe samu na yinki Nsemo ya nkokila me basika? Samu na yinki Nsemo ya nkokila? Samu na kuvutula. Fiou! Beno me bakula yawu? [Dibuundu me tuba, “Amen.”—Mu.] Nsemo ya nkokila kele samu na lukanu mosi Nsemo ya suka vwandaka samu, samu na kuvutula yina ba zengaka na Bansungi ya Mudidi, na nzila ya Rome. Nzambi ke vutula, na kulezima Nsemo ya nkokila (yinki?), kuvutula dyaka Ndinga ya Nzambi, kumonisama ya muvimba ya Klisto na kati ya Dibuundu ya Yandi. Nyonso yina Yandi salaka, kaka kieleka mutindu Yandi salaka, ya ke vwanda dyaka na Nsemo ya nkokila. Beno me mona yina mu zola kutuba? Oh, ya kele mbote ve? [“Amen.”] Mpe kuzaba ti beto ke na kuzinga kaka awa samu na kumona Yawu ntangu yayi, Nsemo ya nkokila, kieleka landila profesi. Nsemo ya nkokila basikaka samu na kuvutula yinki? Samu na kuvutula yina baniama me kudya.

497 Ya bandaka na kuyela, mpe na manima yinki ya salaka? Yawu salaka dénomination, na yawu Nzambi zengaka bintala ya bawu, kangaka bawu, me vutula bawu manima, me bika bawu kukwenda na ntwala mpe bongisaka. Na manima yina yankaka kwisaka; Yandi kangaka bawu, yandi tandaka bawu. Yinti landilaka na kukwenda. Na yina Yandi kangaka bawu, Yandi tandaka yawu, yandi tubaka, “Ntangu yayi, mosi ya bilumbu yayi ba ke yoka bawu na tiya.” Kanga bawu na organisation ya bawu.

498 Kasi na manima yinki? Kaka na zulu ya Yinti kele kisika bambuma ke kula ntete, ya kele kieleka, kaka na zulu ya Yinti.

Na yawu ya kele zulu ya Yinti, awa, yina ke mona Nsemo ya nkokila.

<sup>499</sup> Ntangu yayi, Noé vwandaka na bivinga tatu na kati ya nzaza ya yandi. Kisika mosi vwandaka samu na bima yina vwandaka tambula na bala-bala. Beno me mona? Kivinga ya zole vwandaka samu na bandeke. Kasi kivinga ya zulu vwandaka kisika nsemo vwandaka. Nsemo yina lezimaka, ntete, ata mbala mosi ve kwizaka na ntoto ya ntete, na ntoto ya zole, kasi na zulu.

<sup>500</sup> Yinti ke butaka ve mbuma ya yawu ntete na yisi, ya zole, mutindu yina. Ya vwandaka nyonso ya kuzenga bintala, na organisation.

<sup>501</sup> Kasi ya kele na zulu ya kitini, kisika, “Mu ke vutula, me tuba Mfumu. Mu ke fidisa Nsemo ya nkokila. Ya ke vutula, ke vutula Ndinga, ke sala Yawu kutalisama. Mu ke vutula nyonso yina Mu silaka. Nyonso yina mu silaka, Mpeve-Santu mosi yina ke nata, ke nata bidimbu mosi. Mu ke kuzwa Paki, mvumbukulu samu na Kento ya makwela, kaka mutindu mu vwandaka na yawu samu na Bakala ya makwela.” Beno me mona? Bansemo ya Nkokila me basika na kulezima, mutindu mosi na suka, bidimbu mosi, bima mosi. Nsemo mosi ke basisa mbuma mosi yina bawu kuzwaka kuna, kana Yawu ke na kulezima na zulu ya Yinti mosi. Amen. Na kusiamisa ti Ndinga ya Yandi me lungisama ntangu yayi, “Mu ke vutula, me tuba Mfumu.”

<sup>502</sup> Ntangu yayi beno kuwa mbote. Ntangu yayi, ya vwandaka. . . Beno kuwa ntangu yayi. Beno kondwa Yayi ve ntangu yayi. Ya vwandaka na minati-nsangu yiya ya lufwa.

<sup>503</sup> To, beno ke zola mingi ti beto me sukisa? Beno ke zola mingi ti beto—mu zola mingi ti beto kwenda kaka na ntangu ya mbote? [Dibuundu me tuba, “Ve.”—Mu.]

<sup>504</sup> Beno kuwa kieleka mbote ntangu yayi. Beno tala. Ya vwandaka na yiya. Minati-nsangu yiya ya lufwa kufwaka Yinti yina. Ya kieleka? Yinki ya vwandaka? Dikelele, dinkoko, kipiatsu, mangolo. Ya kele kieleka? Minati-nsangu yiya ya bampeve ya yimbi ya Rome, ba-dogme, kufwaka Yinti yina. Mosi bakaka mbuma ya Yawu; mosi bakaka mpusu ya Yawu, to, bakaka makasa ya Yawu; mosi bakaka mpusu ya Yawu; mosi bakaka Luzingu. Ya kele kieleka? Minati-nsangu yiya ya ba-dogme kufwaka Yinti, nyonso kasi misisa.

<sup>505</sup> Mpe kana minati-nsangu yiya ya lufwa kufwaka Yinti, minati-nsangu yiya ya Luzingu ke vutula Yinti. Beno me bakula yawu? [Dibuundu me tuba, “Amen.”—Mu.] Amen. Samu ti Nzambi tubaka, “Mu ke vutula Yawu.” Yandi ke vutula Yawu. Wapi mutindu? Na nzila ya minati-nsangu yiya, kufwaka Yawu, kuna Luzingu yiya minati-nsangu ke vutula Yawu. Yinki vwandaka ya ntete? Martin Luther, kunungisama. Yinki vwandaka ya zole? John Wesley, na kusantisama. Yinki vwandaka ya tatu? Pentecote, na mvutukulu ya makabu, Mpeve-

Santu, mbotika ya Mpeve-Santu. Yinki vwandaka ya yiya? Ndinga. Yinki? Ndinga. Ya vwandaka na bapofete yiya ya nene.

506 Mosi ya bawu, Martin Luther, yandi bandaka na kulezima Nsemo. Ya vwandaka na Nsemo ya fyoti, kaka ngolo ya fyoti mingi, ya kunungisama.

Na manima kwizaka Wesley, ngolo mingi, kusantisama.

507 Na manima ya Wesley, me kwiza ngolo mingi kulutila yandi, Pentecotiste, mbotika ya Mpeve-Santu, na profete yankaka ya nene. Beno me mona?

508 Kasi na bilumbu ya nsuka, ya Malachie 4, Elie ke kwisa na Ndinga ya kieleka. “Ndinga ya Mfumu kwizaka na profete.” Na Bansemo ya nkokila, ya ke na kwiza, samu na kuvutula mpe kuvutula na kisika. Yinki? “Vutula bantima ya bana na Lukwikilu ya Nzambi.” Nsemo ya yiya!

509 Bantu yiya yina kufwaka bakaka Yawu. Minati-nsangu yiya bebisaka Yawu. Minati-nsangu yiya ya lufwa kukatulaka Yawu, na ba-dogme.

Minati-nsangu yiya ya kieleka vutulaka dyaka Yandi.

510 “Pesa profesu, mwana ya muntu. Mikwa yayi lenda zinga?” Mu zola kuzwa ntangu. Mu kele na yawu ya kusonika awa, kasi mu fwana kondwa yawu. “Pesa profesu. Mikwa yayi lenda zinga?” Yinki kele bitini yiya ya Dibuuundu yina ke na kwiza? Yinki kele bitini yiya ya mikwa ya Ezéchiél ya kuyuma yina ke na kwiza? Kasi Luzingu ke kwizaka kaka, ve ntangu mpusu ya kukanga vwandaka na zulu ya bawu, kasi ntangu mupepe ke fula na zulu ya bawu. Ya kele ntangu beno vutuka Nsangu yango ya yiya ya Luzingu.

511 “Mu ke vutula, me tuba Mfumu.” Alleluia! Nkembo! Lukumu na Nzambi. Nsemo ya yiya ke kwisa, yina ke basisa bidimbu ya mutindu mosi. Beno tala mbote. Kunungisama me vutuka na kati ya dibulu.

Kusantisama vutulaka bampusu, malongi ya busantu.

512 Yinki me vutula dikasa? Ba-Pentecotiste. Yinki ya kele? Ba-Pentecotiste, ke kwenda, ke bula maboko ya bawu, na kiese, ke yangalala, ba-Pentecotiste.

513 Yinki? Ya yiya vwandaka Ndinga, Yawu mosi. Ndinga kumaka nsuni, bambuma ya kidimbu ya mvumbukulu yina Klisto na nsuka, na manima ba kunaka kunungisama, ba kunaka kusantisama, mbotika ya Mpeve-Santu. Ba-organisation kufwaka. Mpe Klisto me kukikotisa diaka na zulu ya Yandi mosi mutindu nsongi yina ya pyramide. Nzila ya ntete, kunungisama; kusantisama; mbotika ya Mpeve-Santu; na manima ya nkwizulu ya Ditadi.

514 Yinki ya kele? Nkonga ya Mpeve-Santu yina me boka samu ti ya lenda kulunga na mutindu mosi ya ministele Yandi kuzwaka

ntangu Yandi kwenda, ti, ntangu Yandi ke vutuka, ya ke simba kima nyonso ya muvimba na Enlevement, kisika kunungisama, kusantisama, mpe mbotika ya Mpeve-Santu. Pyramide yango ke telama diaka. Yinzo ya Nzambi ke zinga diaka. Yinti ya Luzingu ke na kuyela diaka.

Bayinsi ke na kupanzana, Israel ke na kuvumbuka,  
 Bidimbu yina baprofete zabisaka na ntwala;  
 Ba me tanga bilumbu ya Bantu ya makanda,  
 me fuluka na boma;  
 “Vutuka, O nge yina me zimbana, na yina ya nge.”

Kilumbu ya mpulusu me belama,  
 Bantima ya bantu ke na kubwa na boma;  
 Beno vwanda ya kifuluka na Mpeve, minda ya beno ya kuyilama mpe ya kutsya,  
 Beno tala na zulu! Mpulusu ya beno me belama.

Baprofete ya luvunu ke na kuvuna, ba ke manga Kieleka ya Nzambi,  
 Ti Yesu Klisto kele Nzambi ya beto; (Amen.)  
 Kasi beto ke tambula kisika bantumwa tambulaka.

Samu ti kilumbu ya mpulusu me belama,  
 Bantima ya bantu ke na kubwa na boma; (Batome mpe nyonso yankaka yina.)  
 Kasi beno vwanda ya kifuluka na Mpeve, minda ya beno ya kuyilama mpe ya kutsya,  
 Beno tala na zulu! Mpulusu ya beno me belama.

<sup>515</sup> Amen. Vutula bidimbu nionso! Kidimbu ya Lot na ntangu ya nsuka. Beto me mona yawu. Wapi mutindu ti Lot . . . Wanzio yayi, ya Yehowa me kuma nsuni na kati-kati ya bantu, ya kuvwanda na mukongo ya Yandi ya kubaluka na tenta mpe tubaka, “Wapi kisika kele Sarah kento ya nge?”

“Na tenta na manima ya Nge.”

<sup>516</sup> Yandi tubaka, “Mu ke kwisa tala nge.” Mpe Sarah sekaka. Yandi tubaka, “Samu na yinki Sarah me seka?” Yandi na kati ya tenta. Amen.

<sup>517</sup> Yesu tubaka ti ya ke vwanda kima mutindu mosi na Nkwizulu. Oh, na yina Nsemo ya nkokila, ya Malachie 4, me kwiza kulezima na mpimpa, amen, samu na kunata Nsemo ya nkokila na zulu ya Ndinga yina ba soolaka ntete. Alleluia! Yinki kele Nsangu ya yiya yayi na kuvwanda? Yinki kele munatinsangu ya yiya yina? Samu na kulezima Nsemo na zulu ya Ndinga. Ndinga kele ya kusoola ntete. Ya fwana basika. Kima mosi fwana sala yawu, samu Nzambi tubaka, “Mu ke vutula, me

tuba Mfumu. Mu ke vutula dyaka.” Kieleka. Bansemo ya nkokila ke sema, na zulu ya Ndinga yina ba soolaka ntete. Yinga, tata.

Oh, ya ke vwanda na Nsemo na ntangu ya nkokila,  
 Beno ke mona kieleka nzila ya Nkembo;  
 Na nzila ya maza, kele Nsemo bubu yayi,  
 Ba me zika na Nkumbu ya ntalu ya Yesu.  
 Ntwenya mpe kuluntu, beno funguna ya beno nyonso,  
 Kieleka Mpeve-Santu ke kota;  
 Samu ti Bansemo ya nkokila me kwiza,  
 Ya kele dyambu ti Nzambi mpe Klisto kele Mosi.

<sup>518</sup> Bawu yayi, Mosi, kintwadi; Mosi, na kati ya beto. Bidimbu mosi yina bantu lenda sala ve, ke kukitalisa bawu mosi, ke basika, Ndinga, samu na kubasisa Ndinga ya Nzambi yina ba soolaka ntete, na misisa ya Yinti na manima kuna, ti ba-denomination nyonso yina mangaka, mpe mangaka, mpe mangaka. Kasi ya ke vwanda na Nsemo ke basika. Nsemo mosi ke kwiza, ke vumbuka na lufwa.

<sup>519</sup> Wapi kisika, kuna na Jérusalem? Ve, tata. Bansemo ya nkokila ke vumbuka ve na Jérusalem. Bansemo ya mpimpa ke tambulaka (wapi?) na Wesete. Ba vwandaka na kilumbu ya bawu mpe mangaka Yawu.

<sup>520</sup> Kasi Nsemo ya nkokila ke telama na Wesete (samu na yinki?), samu na kulezima na zulu ya Ndinga (yinki?), samu na kuyelisa mbuma, na kubasisa Yinti-Kento ya makwela na bidimbu mosi, mambu ya ngitukulu, mpe bambuma yina bawu kuzwaka na mbandukulu. “Ya ke vwanda na Nsemo na ntangu ya nkokila.” Kieleka. Oh! Ndinga ke basisa kuna mbuma ya Yawu na nsungi ya Yawu. “Yawu ke beba ve, kasi Yawu ke basisa mbuma ya Yawu,” David tubaka, “na nsungi ya Yawu,” amen, mbuma mosi yina Yawu kuzwaka na mbandukulu.

<sup>521</sup> Ntangu yayi na Ndinga ya Yandi na kitezo ya Yandi ya ntete yina ba soolaka ntete mutindu Yandi kele na Yawu ntangu yayi, mpe beto ke mona Bandinga yayi nionso me monisama. Yinki ya kele? Ya kele nsiamisa ya kulunga ti Nkwizulu ya Mfumu me kuma pene-pene, mpe ntangu yina Yandi tubaka, “Mu ke vutula dyaka, me tuba Mfumu, nyonso yina bipiatu, nyonso yina ba-Méthodiste bikaka, nyonso yina hasil me kudya, nyonso yina yayi me sala kuna, tii bawu me katula Yawu bilele. Kasi mu ke vutula, na ntangu ya nkokila.” Oh, la la! Fiou!

Mu banza ti mu lendaka longa ntangu yayi, ya kusungama.

Oh, mutindu mu zola Yesu,  
 Oh, mutindu mu zola Yesu,  
 Oh, mutindu mu zola Yesu,  
 Samu Yandi zolaka munu ntete.

Mu ke yambula Yandi ve,  
 Mu ke yambula Yandi ve,  
 Mu ke yambula Yandi ve,  
 Samu Yandi zolaka munu ntete.

522 Amen. Beno zola Yandi ve? Mu zola kaka Yandi na ntima ya munu nyonso. Beto ke vwanda na ndonga ya bisambu? [Dibuundu me tuba, "Amen."—Mu.]

523 Tata Nzambi, na maboko ya Nge mu—mu me pesa Nsangu yayi. Ata ti ba me zenga Yawu, mutindu mosi mu ke sambila ti Mpeve-Santu ke kwenda na Yawu na ba-bande yayi, mpe bisika nyonso ya bayinsi. Mpe kana ba ke katula munu na ntoto, bika ti Yayi kuzinga, Mfumu. Ya kele Ndinga ya Nge. Ti Nsemo ya nkokila kulezima, Mfumu, basisa Kento ya makwela yayi ya nkembo ya Klisto. Sakumuna Yawu, Mfumu. Ti Yawu vutuka ve na Nge ya mpamba. Ti Yawu kulungisa lukanu ya Yawu. Pesa yawu, Tata. Nkembo nyonso ke vwanda ya Nge.

524 Ntangu yayi, beto zaba, Tata, ata ti nyonso yina beto ke tuba, Ya kele dyaka Ndinga mpe beto ke kwikila Yawu. Kasi beto ke zola Nge, Mfumu, na suka yayi ya Paki, ti Nge ke siamisa na dibuundu yayi, ya lendaka vwanda na bayankaka awa samu na mbala ya ntete, ti Nge kele dyaka Yesu, ti Nge kele ve mutindu ya kufwa, ti Nge kele Nzambi ya moyo, yina me vumbuka na lufwa, ti Nge ke zinga na kati-kati ya beto bubu yayi. Pesa yawu, Tata, mpe beto ke kumisa Nge, na Nkumbu ya Yesu. Amen.

525 Bantu yikwa na kati awa kele bambevo? Beto mona maboko ya beno. Beno telemisa kaka maboko ya beno. Oh, ya . . .

526 Billy Paul . . . Yandi kuzwaka . . . Mu banza ti yandi kabulaka bakalati ya bisambu. Yandi ve? [Mpangi mosi ya bakala me tuba, "Yinga."—Mu.] Yinki bawu vwandaka? ["E, mosi na nkama mosi."] E, mosi na nkama mosi. Beto lenda baka yawu nyonso ve, kasi beto baka ndambu ya yawu. Beno telama kaka awa, kana beno zola.

527 Nani kele na nimelo ya ntete? Beto mona nimelo ya ntete. E, nimelo ya ntete, beno telemisa diboko ya beno. Kalati ya bisambu; beno tala kalati ya beno. Kana beno kele na kiyeka ya kuvumbuka, mbote mingi. Nimelo ya ntete.

528 Mbote, nge ke kwikila ti nge kele na mosi ya mbote? Mbote mingi. Mbote mingi. Beto kwenda, beto banda kisika mosi. [Mpangi Neville me tuba, "Ya kele kuna."—Mu.] Oh, mbote, ok. Kana beno kele na yawu, beto ke banda kuna, kuna. Ok.

529 Nimelo ya ntete, beno sala nzila ya beno kaka awa, kana beno lenda tambula. Kana beno lenda ve, mbote, beto ke nangula beno. Beno me mona? Mbote mingi. Nimelo ya ntete.

530 Nimelo ya zole. Beno telemisa diboko ya beno, kaka na nswalu ntangu yayi. Nimelo ya zole, beno kwiza kaka awa.

Nimelo ya tatu. Kaka awa, tata.

Nimelo ya yiya, nimelo ya yiya.

531 Nimelo ya tanu. Ntangu yayi, muntu nyonso lenda vwanda kaka samu na baminuti fyoti. Nimelo ya tanu.

532 Nimelo ya sambanu. Beno telemisa diboko ya beno na nswalu nionso. Nimelo ya sambanu. Sambanu, sambanu, bika mu mona yawu, pardo. Muntu mosi ke talisa diboko ya yandi. Mu ve. . . Oh, na. . . Yandi kele kuna na kati ya kivinga. Mbote mingi. Nimelo ya sambanu. Mbote mingi. Vingila fioti ntangu yayi.

Sambwadi, sambwadi. Mbote mingi, mama yango na manima kuna. Nana.

533 Ntangu yayi, kana muntu nyonso bumba kaka ya beno. . . Lemvo ya beno, kaka mwa ntangu fyoti ntangu yayi. Beno vwanda kaka swi ntangu yayi. Ntangu yayi, yayi ke vwanda kidimbu. Yayi kele kidimbu.

534 Sambanu, sambwadi. Mosi, zole, tatu, yiya, tanu, sambanu, sambwadi. Beno kwenda kuna. Mbote mingi. Sambwadi. Mbote mingi, tata, ya kele mbote.

535 Nana. [Mpangi Neville me tuba, “Yandi kele nana.”—Mu.] Nana, nana. Mbote mingi, mpangi ya bakala. Nana, yivwa, kumi. Kumi, kumi na mosi, kumi na zole.

536 Mbote, beno ke monana mutindu ti beno ke bika kukwiza. Mbote, beto ke banda kuna. Ya kele mbote mingi. Mu banza na baminuti fyoti. . . Mbote mingi.

Beto sambila ntangu yayi.

537 Tata Nzambi, kaka Ndinga ya Nge ke tuba mingi. Bika—bika—bika bantu kumona, Mfumu. Mu—mu me meka na kuvwanda ya kusungama, mu me meka na kutuba na bawu Ndinga ya Nge. Mfumu, lemvokila bifu ya kisadi ya Nge. Mu—mu ke kaka, mu—mu ke salaka kaka mingi ya yawu, Mfumu. Mu—mu ke sambila ti Nge ke tala ve foti ya kisadi ya Nge, kasi Nge ke tala na Ndinga ya Nge, yina mu ke na kumeka na kulonga. Mfumu, mu ke tonda Nge samu na Yawu. Mu kele na kyese, na ntima ya munu nyonso. Mfumu, Ya kele ya kulutila luzingu, samu na munu. Mu me pesa luzingu ya munu, ntangu nyonso, samu na Yawu. Mu—mu zaba ti Yawu kele kieleka. Yawu kele Ndinga ya Nge.

538 Mpe pardo lemvokila mutindu ya munu ya buzoba, Mfumu. Bantangu mingi yina mu—mu ke sakana mpe ke salaka bansaka, yina mu lendaka sala ve. Mu ke na nsoni ya yawu, Mfumu. Mu me katuka kaka na dibuta ya mutindu yina. Beno zimbana yawu kaka, pardo, Tata, kana Nge zola. Beno fuka yawu na Menga ya Nge. Ya kele yina mu ke lomba Nge na kusala. Kaka, mu ke funguna yawu. Beno lenda ve kumona yawu, kasi Beno lenda lemvokila munu ntangu mu ke funguna yawu.

539 Ntangu yayi, mu me funguna masumu ya munu. Mu ke fungula masumu ya bantu yayi. Mu ke sambila, Nzambi, ti Nge ke lemvokila bawu, mosi na mosi.

540 Mpe bantu, ti bawu bakula ti beto ke na kumekaka kaka ve na kusala mutindu mosi ya kusala. Ya kele Mpeve-Santu na bilumbu ya nsuka, yina ke pesaka kimbangi ya Ndinga ya Yandi, mutindu mu tubaka Yawu kaka. Kasi, Tata, ata ti, mu kele kaka muntu. Mpe kana mu tuba Yawu, bawu ke tuba, “Yina kele ntendulu ya yandi. Yawu yina yandi ke banza samu na Yawu.” Kasi, Tata, kana Nge ke zonza kaka mpe ke lakisa ti Yawu kele kieleka, na yina ba ke sala yawu, ba ke sabuka Nge, samu na kuluta na Yawu, kuna, Mfumu. Na yina Yawu ke vwanda ve ntendulu ya munu; yawu ke vwanda ya Nge. Pesa yawu, Mfumu. Mpe kana mu kele kisadi ya Nge, mpe—mpe—mpe ti masumu ya munu kuzwa mulemvo, mpe Nge me bokila munu samu na kisalu yayi, na yina tuba na yawu, Mfumu. Mu ke sambila ti Nge ke pesa yawu. Belusa bambevo mpe bantu ya mpasi bisika nyonso, na Nkumbu ya Yesu, mu ke sambila.

541 Mpe kana Nge ke kukitalisa kaka Nge mosi na beto ntangu yayi, kaka mutindu Nge salaka kuna na dibulu ya masa, na kento yina, ntangu Nge tubaka na yandi. Nge tubaka na yandi kima yina vwandaka tambula mbote ve na yandi. Yandi vwandaka na babakala tanu. Ntangu yayi, Nge silaka na kusala yawu na ntangu ya nkokila. Nge silaka na kusala yawu na bilumbu ya nsuka. Nge tubaka, “Mpe ya kele, mutindu mosi ya ke vwanda na Nkwizulu ya Mwana ya muntu. Mutindu ya vwandaka na bilumbu ya Lot, mutindu mosi ya ke vwanda,” Nzambi ke zinga na kati ya nzutu ya muntu, ke tambula na kati-kati ya beto, na mutindu ya Dibuundu ya Yandi, na kati ya Mpeve-Santu, na kusalaka bidimbu mosi. Pesa yawu, Mfumu, kaka bubu yayi. Nge zola ve, Tata? Na yina, mu ke sambila ti Nge ke bika bantu kumona yawu, mpe muntu nyonso kubeluka mpe yina me kuzwa mpulusu, samu na nkembo ya Nzambi. Amen.

542 Ntangu yayi, mu ke benda bukebi ya beno ntangu yayi, kana beno ke vwanda kaka na luzitu na mwa minuti fioti. Ntangu yayi, muntu nyonso, beno vwanda kaka swi mutindu beno lenda vwanda ntangu yayi.

543 Beno me ndima ti beno me zaba kisika yina mu kele awa ntangu yayi? Mu longaka Ndinga awa, Ndinga ya Nzambi. Mu tubaka ti Ya kele nyonso kieleka. Yesu tubaka, ti, “Yandi yina ke kwikila na Munu, yandi mpe ke sala bisalu yina Mu ke sala.”

544 Ntangu yayi, mu zola kuyufula beno kyuvu. Beno sala keba kana beno—kana beno tuba “amen” to ve, ntangu yayi. Yesu, Yandi mosi, tubaka ata fioti ve ti yandi ke belusa muntu nyonso. Ya kieleka. Yandi tubaka, “Ya kele Munu ve yina ke salaka bisalu. Ya kele Tata ya Munu yina ke zingaka na kati ya Munu.” Ya kele kieleka? Mpe Yesu tubaka, na Santu Jean 5:19, “Ya

kieleka, ya kieleka, ya kieleka, mu ke tuba na beno, Mwana Yandi mosi. . .” Mutindu Muntu, Yandi vwandaka kaka Tabernacle kisika wapi Nzambi zingaka. Beno me mona? Yandi tubaka, “Mwana lenda sala kima mosi ve na Yandi mosi; kasi yina Yandi ke mona Tata ke sala, yina ke sala Mwana mutindu mosi.” Na mutindu yankaka, “Tata ke lakisa Munu vision, yinki ya kusala, mpe mu ke sala kaka mutindu Yandi ke tuba na Munu.”

<sup>545</sup> Ntangu yayi, kilumbu mosi beto ke mona ti ya vwandaka, beto tuba, mwa kento mosi lendaka ve kukota na ndonga ya bisambu. Yandi vwandaka basika menga, mpe yandi vwandaka kuzwa yawu bamvula mingi. Na yawu yandi simbaka kaka lele ya Yandi, na kutubaka na kati ya yandi mosi. . . Yandi vwandaka na mfunu ve; yandi vwandaka kaka mwa kento mosi ya mputu, ya kiboba, vwandaka ve na mbongo. Mpe yandi lendaka ve kumata kuna na banganga-Nzambi yayi mpe bawu nionso vwandaka ya kutelama kuna, yina vwandaka na muswa ya kutelema mpe nionso yina. Na yina yandi lendaka ve kutelama kuna, na yina yandi vwandaka komvula kaka na ntoto tii yandi kumaka kuna mpe simbaka lele ya Yandi. Yandi tubaka, “Mu ke kwikila ti Yandi kele kaka kieleka. Yandi kele, Yandi ke nataka beto Kieleka, Luzingu. Mu ke kwikila ti Yandi kele Ndinga ya Nzambi. Mpe kana mu lenda simba kaka Yandi, mu ke—mu ke beluka.”

<sup>546</sup> Beno ke kwikila? Beno lenda kwikila kima mutindu mosi yina kento kwikilaka, ti Yandi kele Ndinga ya Nzambi? [Dibuundu me tuba, “Amen.”—Mu.] Ntangu yayi, Biblia ke tuba, bubu yayi, ti, “Yandi kele Nganga-Nzambi ya Ntete, Nganga-Nzambi ya beto ya Ntete malu-malu yayi.” Beno ke kwikila yawu? “Na manima ya mvumbukulu ya Yandi mpe nzanguka ya Yandi, Yandi zangukaka na Zulu mpe pesaka makabu na bantu. Mpe ntangu yayi Yandi kele ya kuvwanda na diboko ya kibakala ya Nzambi, Bunene na zulu ya Mazulu, mpe samu na kulomba na zulu ya yina beto ke funguna.” Ya kele kieleka? “Mpe Yandi kele Nganga-Nzambi ya Ntete yina lenda vwanda. . .” Yinki? [“Me simba.”] “Me simba na. . .” Yinki? “Nsatu ya kimbevo ya beto me kuma na nsuka.” Ntangu yayi, kana Yandi kele. . . Beno ke kwikila ti Yandi kele mutindu mosi?

<sup>547</sup> Ntangu yayi beno tala, kana beno kwisa awa, mpe beno simba munu, kilumbu ya muvimba, ya ke sala luswaswanu mosi ve. Kana beno simba mpangi-bakala yankaka, mpangi-kento, ya ke sala luswaswanu mingi ve; kaka mutindu ya kutentika maboko, ya kele nyonso. Kasi kana beno simba kaka Yandi, ya kele kaka yina beno fwana sala.

<sup>548</sup> Mpe beno tala, kana beno simba Yandi na. . . na mutindu mosi ya kinkulu mutindu bawu salaka. Bawu tubaka, “Oh, beto ke kwikilaka Mulongisi yayi ya nene. Yayi kele Profete.” Mbote, Yandi tubaka kima mosi ve.

549 Kasi mwa kento yina vwandaka na kima mosi yina simbaka Yandi: lukwikilu ya yandi. Yandi simbaka lele ya Yandi, mpe Yandi tubaka, “Nani me simba Munu?”

550 Beno kwikila ve ti Biblia ke tuba ti Yandi kele Nganga-Nzambi ya Mbuta bubu yayi mutindu Yandi vwandaka kuna, Yandi, mpe lenda simbama na bansatu ya bimbevo ya beto? Beno lenda simba Yandi kuna, kana beno kele na ndonga ya bisambu yayi to ve. Kana beno kele ya kubela, to kana beno kele na nkundi ya luzolo yina kele ya kubela, kana beno kele na kima na ntima ya beno, beno kwisa kaka na luzitu nionso na ntwala ya Nzambi mpe beno tuba, “Nzambi, mu zaba ve muntu yina me telema kuna. Yandi kele mwa muntu ya dibandi. Yandi, yandi kele kima mosi ve, kasi mu ke kwikila ti yina yandi longaka kele Kieleka. Mpe mu ke kwikila ti yandi tubaka kima ya mbote, ti Nge kele Nganga-Nzambi ya Ntete. Ntangu yayi mu zola kusimba Nge. Mpe kana yandi me tuba na munu Kieleka, na yina Nge ke sadila bikoba ya yandi samu na kutuba na munu, mutindu Nge salaka na kento yina kuna na manima.” Beno tala kana Yandi kele mutindu mosi mazono mpe kukonda nsuka. Beno sala yawu. Ya kele ve kaka samu na kusala Yandi mutindu mosi mazono, bubu yayi, mpe kukonda nsuka? Mutindu yina ve?

Mbote mingi, muntu nyonso kubikana mutindu beno kele mpe kaka na buzitu nyonso beno sambila.

551 Yinki beno ke tuba? [Mpangi-bakala mosi me tuba, “Mu kele na bakalati ya bisambu.”—Mu.] Huh? [“Yandi me kabula makumi zole na tanu.”] Mu kele na kumi na manima kuna ntangu yayi? [“Kumi na yiya.”]

552 Kumi, kumi na mosi, kumi na zole, kumi na tatu, kumi na yiya, kumi na tanu; ke bakalati ya bisambu kumi, kumi na mosi, kumi na zole, kumi na tatu, kumi na yiya, kumi na tanu, kumi na sambanu, kumi na sambwadi, kumi na nana, kumi na yivwa, makumi zole, makumi zole na mosi, makumi zole na zole, makumi zole na tatu, makumi zole na yiya, makumi zole na tanu: yina zolaka sala mulonga ya kitoko mingi. Kana beto. . . Mu banza ti beto fwana bumba beno awa ntangu mingi ve. Kasi ntangu yayi. . .

553 [Muntu mosi ke tuba na Mpangi Branham—Mu.] (. . .? . . . Nge kele pianiste? Ya kele mbote mingi. Beno bika kaka. . . Ya kele mbote mingi.)

Beto yimba na kati ya yinwa ntangu nyonso ntangu yayi, beto nyonso kintwadi, na yina bawu ke kuzwa yawu. *Kwikila kaka.*

Kwikila kaka, kwikila kaka,  
Mambu nionso ke salama, kwikila kaka;  
Kwikila kaka, kaka. . .

Beno kwikila yinki? Ndinga ya Yandi mpe nsilulu. Samu na yinki?

Mambu nionso ke salama, kwikila kaka.

<sup>554</sup> Na kukulumukaka na mongo, kuna telamaka bilandi. Ba nungaka bawu na dyambu ya épilepsie yina. Tata yina vwandaka ya kutelama kuna, vwandaka tala mwana ya yandi, vwandaka dila. Bantumwa vwandaka sala nionso ba lendaka sala, kasi ya vwandaka simba ve. Yesu kwisaka kuna. Bayankaka na kati ya bawu tubaka, “Yandi yayi.” Muntu mosi talisaka bawu na Yesu; yandi kwendaka ntama ya banganga-Nzambi, na Yesu. Ya kele kisika mu zola kulakisa bantu; samu na munu ve, to dibuundu mosi, kasi na Yesu. Yandi tubaka, “Yandi kele na lenda.”

<sup>555</sup> Na yawu tata kwendaka mbangu, kulumukaka na makulu ya Yandi, mpe tubaka, “Mfumu, tala mwana ya munu kyadi. Yandi me kwamisama mingi na mpeve ya yimbi mosi. Yandi ke lemba mingi. Yandi ke na kukumuna. Yandi ke na kunionga,” maladi ya ndeke. Mpe yandi tubaka, “Mpe mu me baka yandi bisika nionso. Mpe bilandi ya Nge lendaka ve kusala kima mosi samu na yandi.”

<sup>556</sup> Yesu tubaka, “Mu lenda, kana nge ke kwikila, samu ti nyonso lenda salama na yandi yina ke kwikila.”

Kaka . . .

Mutindu mosi mazono, bubu yayi, mpe kukonda nsuka! Ya kele nyonso na kati ntangu yayi. Beno vwanda swi muntu nyonso.

. . . kwikila,

Mambu nyonso kele . . . (Wapi ntangu!)

Kwikila kaka, kwikila kaka,

Mambu nionso ke salama, kwikila kaka.

<sup>557</sup> O Mfumu, Ndinga me vwanda bisika nyonso awa ntangu yayi. Ti Nsemo ya nkokila kulezima, Mfumu, sala Yawu kuzinga. Na Nkumbu ya Yesu Klisto, mu ke sambila. Amen.

<sup>558</sup> Ntangu yayi, na Nkumbu ya Mfumu Yesu Klisto, mu ke baka konso mpeve na kati awa na nsi ya luyalu ya munu, samu na nkembo ya Yandi.

<sup>559</sup> Mu ke tala na yisi na ndonga ya bisambu yayi. Ya kele ve na muntu mosi na ndonga ya bisambu yina mu zaba. Ya kele, bawu nionso, banzenza mosi na kati ya munu. Beno nionso na ndonga ya bisambu, yina kele banzenza samu na munu, mpe mu zaba kima mosi ve samu na beno, bampasi ya beno to kima mosi ve, beno telemisa maboko ya beno, muntu nyonso na mulonga ya bisambu.

<sup>560</sup> Bantu yikwa na kati ya kivinga kele banzenza samu na munu, mpe mu zaba kima mosi ve samu na beno? Beno kele na lutumu mosi kuna, mutindu bayayi ke salaka awa. Kaka, mu ke yimba muntu mosi na ntangu mosi.

<sup>561</sup> Awa, bika mu baka yayi awa, na mwa ntangu fioti. [Mpangi Branham me katula microphone—Mu.] Beno lenda kuwa ntangu yayi na yayi? [Dibuundu me tuba, “Yinga.”]

562 Mama yayi awa. Awa kele bakala mpe kento mosi, yina ke kukutanaka dyaka. Mu zaba yandi ve, mu me monaka yandi ata fioti ve. Yandi kele nzenza samu na munu, kasi yandi kele kaka nzenza ya kulunga.

563 Mu ke na kusala kaka na zulu ya lufulu ya Ndinga yina. Ndinga yina tubaka, “Beno mpe ke sala bisalu yina Mu ke sala, kana beno ke kwikila na Munu.”

564 Na suka yina, ntangu vision yina kwisaka diaka, na manima ya mafunda ya bawu, mpe tubaka, “Mvwandulu ya Yesu Klisto kele ve na nge kisika nyonso nge ke kwenda.” Mu ke kwikila yawu, na kieleka, na ntima ya munu nyonso. Kana mu me mona beno diaka ve, beno ke kwikila ti ya kele Kieleka? Ya kele kieleka.

565 Awa kele kento yina mu me monaka ntete ve na luzingu ya munu. Yandi kele kaka kento yina me kuzwaka kalati ya bisambu.

566 Mutindu mwana ya bakala bantangu mingi ke salaka yawu, yandi ke kwizaka awa, ke baka bakalati ya bisambu mpe ke vukisa yawu nyonso, kintwadi, ntete beno bantu. Beno pesa konso muntu kalati ya bisambu yina zola kuzwa mosi, konso kisika yina ya kele. Muntu mosi ve zaba kisika ndonga ke banda, to kima mosi ve samu na yawu. Na yina, mwana ya bakala lendaka tuba ve, “Oh, ntangu yayi *awa*, kana nge pesa munu *mingi*, mu ke tula nge na ntuala, mpe nge ke ndima ti nge kele kuna.” Yandi zaba ve yandi mosi. Uh-huh. Muntu ve zaba.

567 Beto ke banda kaka. Kisika nyonso Mpeve-Santu ke tuba “kubokila,” beto ke bokila kaka kuna. Mpe mu ke tulaka kivuvu na bantangu yankaka ti mu ke kuzwaka muntu mosi, ntangu mu kele awa, mingi-mingi, ti muntu mosi ve me . . . banzenza, beno me mona, yina mu zaba ve.

568 Ntangu yayi, kana kento yayi me telama awa, kana . . . Ya kele na kima ke na kutambula mbote ve. Yandi lenda vwanda ya kubela. Yandi lenda vwanda na muntu yankaka, ya kubela. Yandi—yandi—yandi lenda vwanda kaka ya kutelama kuna, mu banza ti yandi ke na kusalaka kaka mutindu ti yandi kele ya kubela. Mpe mu banza ti yandi kele kaka ya kutelama kuna, ke na kumeka na kulakisa kima mosi. Kana yandi kele, beno tala kaka mbote yina ke salama. Beno me mona? Beno me monaka yawu, me meka, mpe. Mutindu yina ve? Yinga, tata. Beno tala bawu mbote kunata yandi na ngaanda ya kyelo, ya kufwa. Beno me mona? Uh-huh. Na yawu ntangu yayi beno ke—beno ke tala kaka, beno mona kana ya kele kieleka to ve. Beno me mona? Beno meka yawu, beno me mona.

569 Ntangu yayi, beto ke na kusakana ve na dibuundu, bankundi. Beto me kuma na ntangu ya nsuka. Mbuma kele na zulu ya yinti, ke na kuyelisa. Ya kele kieleka. Mfumu ke na kwiza.

570 Mu zaba yandi ve. Nzambi zaba yandi. Yandi zabaka yandi. Ntete yinza kuvwanda, Yandi zabaka yandi. Yandi zabaka ti yandi ke telama kaka kuna. Yandi zabaka ti mu ke telama kaka awa. Samu, Yandi kele ya seko. Ya kele kieleka? Ntangu yayi, kana Yandi kele ya seko mpe zabaka yawu, kuna Yandi zaba samu na yinki kento yayi kele ya kutelama kuna. Na yina, Nzambi mosi yina . . .

571 Yesu, ntangu Yandi vwandaka awa na zulu ya ntoto, na Nzambi na kati ya Yandi, yina tubaka na kento yina na dibulu ya masa, mpe tubaka na yandi ti kima mosi vwandaka tambula mbote ve na yandi. Beto nyonso zaba yinki ya vwandaka. Mutindu yina ve? Mpe yandi tubaka, “Tata, Nge fwana vwanza profete.” Ya vwanza nzonzolo ya yandi ya ntete. “Ntangu yayi, beto zaba ti ya kele ntangu samu na Mesiya na kuvwanda awa, yina ba ke bokila Klisto. Mpe ntangu Yandi ke kwiza, ya ke vwanza kima yina Yandi ke sala.”

572 Ntangu yayi, kana Yandi kele “mutindu mosi mazono, bubu yayi, mpe kukonda nsuka,” mpe silaka na Ndinga yayi yina mu longaka, ti na ntangu ya nkokila Yandi ke vwanza awa mpe ke sala kima mutindu mosi, na yina beto ke na kuingilaka yawu. Mutindu yina ve? Mutindu yina ve? Beto ke vingila mvumbukulu ya Dibundu yina. Ntangu yayi, kana Yandi ke lungisama na kento yayi mutindu mosi Yandi salaka kuna, yina ke siamisaka Ndinga, ti Yawu kele kieleka.

573 Ntangu yayi, mama yango me telemisa kaka diboko ya yandi, mpe munu mpe, ti beto kele banzenza, mosi na yankaka. Mu zaba yandi ve. Mu me monaka yandi ntete ve. Yandi kele kaka nzenza, ya kutelama awa. Mutindu mosi beno kele, kuna, mingi ya beno.

574 Mu zaba ndambu ya bantu yayi ya kuvwanda awa. Mpe mu zaba mingi ve. Mu zaba ti Mama Collins kele awa. Mu ke kwikila yawu. Mpangi-kento, kento ya Mpangi Ben, mpe mu monaka Mpangi-bakala mpe Mpangi-kento Dauch awa, na mwa ntangu. . . Mpangi Wright; Mpangi-bakala, Mpangi-kento Dauch; mpangi-bakala kuna na nsuka. Mu zaba ndambu ya beno, awa. Kasi mu—mu zaba mingi ve na kati ya beno, samu ti mu kele ve awa mingi, samu na kuzaba. Mpe beto kele na banzenza na kati awa.

Mpe na yawu beno sambila kaka.

575 Kana mu kele nzenza samu na beno, mpe mu ke tuba ti Bansemo ya nkokila me kwiza. Mpe Nsemo ya nkokila ke vwanza mutindu mosi na Nsemo ya suka. Ya ke monisa bambuma ya mutindu mosi ya mansweki ya Nzambi, na nzonzolo ya kimpeve. Ya kele kieleka. Ntangu yayi, mu ke tuba kaka na beno mutindu Yandi salaka na kento yina na dibulu ya masa. Yandi tubaka, “Natina Munu masa ya kunwa.” Beno me mona? Mu ke na kutubaka kima mutindu mosi. Ya kele munu ve. Ya kele Yandi. Kasi kana Yandi lendaka monisa na munu yina nge me telema

kuna, beno me mona, kana Yandi ke monisa na munu yina nge kele kuna, na yina beno ke zaba ti Yandi zaba luzingu ya beno nionso. Kana Yandi ke tuba na beno kima yina vwandaka, beno me mona, beno zaba kana ya kele kieleka to ve. Na yina kana Yandi zaba yina vwandaka, mpe lenda tuba na beno yawu, Yandi lenda . . . ya kieleka beno ke kwikila Yandi na yina samu na yina yinki ke vwanda. Kana Yandi lenda tuba na beno yimeni yina beno me sala awa, ya kieleka yina ke monisa na ntwala ya yawu, to na manima ya yawu, na ntwala ya yawu, mpe nyonso ya yawu, ke sungika yawu.

<sup>576</sup> Dibuundu ke kwikila na Yandi, na ntima ya beno ya muvimba, kana Yandi ke sala yawu? Mu banza ti beno ke kwikila, kana Yandi salaka yawu to ve. Beno ke kwikila yawu kaka, kasi yayi ke bula kaka yawu.

<sup>577</sup> Ntangu yayi, mu ke na kutalaka kaka na kento yayi, mpe yandi me kuma ya kupakula. Yandi zaba, yandi kele nzenza samu na munu.

<sup>578</sup> Kasi beno bika mu talisa na beno ntangu yayi. Mingi na kati ya beno ke mona foto yina ba me namika kuna na zulu. Ntangu yayi, Ya kele ve, na zulu . . . Nsemo yina, Ya kele kieleka Yina kele ya kutelama kaka awa na kati-kati ya munu mpe kento yina malu-malu yayi. Beno ke mona Yawu ve? Mutindu ya—mutindu ya crème, ntinta ya saka-saka na ya jaune, mutindu Nsemo ya ntinta ya saka-saka, mutindu beto ke bokilaka yawu, Ya ke baluka . . . Ya kele Yina ke salaka yandi nsatu . . .

<sup>579</sup> Ntangu yayi, beno bika mu talisa na beno kima mosi. Beno ke kuwa nsatu mosi ya mbote, ya kulemvuka. Kana ya kele kieleka, mama, telemisa diboko ya nge samu ti bantu kumona. Beno me mona? Ya kele . . . Yandi lenda ve kusadisa na kuwa Yawu, Ya kele kaka kuna. Beno me mona?

<sup>580</sup> Ntangu yayi, ntangu yayi, kana Yawu ke pasuka na zulu ya yandi, mu zaba ve. Ya ke tala. Ya fwana vwanda Nzambi. Mu lenda ve kusala yawu, munu mosi. Ya kele—ya kele Nzambi fwana sala yawu. Yinga.

<sup>581</sup> Mama yango kele kieleka, na nzila ya yinza, ba ke sala yandi lipaso. Yandi kele na kima yina dokotolo ke tuba na yandi, “Ba fwana sala yandi lipaso,” kasi yandi ke kwenda ve na dokotolo. Ya kele kieleka. Mpe yandi—yandi . . . Ya kele kuvimba. Mpe kuvimba yina kele na lweka ya kibakala, pene-pene ya mukwa. Ya kele kieleka. Kana ya kele kieleka telemisa diboko ya nge, samu ti bantu kumona. [Mpangi ya kento me tuba, “Ya kele kieleka.”—Mu.]

<sup>582</sup> Ntangu yayi beno ke kwikila? Ntangu yayi, beno ke mona yawu ve, (Beno me mona? Beno me mona?) kasi beno ke kwikila yawu na ntima ya beno nyonso ntangu yayi, ti ya kele kieleka. Mbote mingi. Mbote mingi.

583 Ntangu yayi beno ke tuba, “Ya lendaka vwanda ti beno me banza na yawu, Mpangi Branham.” Beno lendaka ve kubanza yawu, mafuku ya bantangu, ya kulunga.

584 Mbote, beno bika kaka yandi kutelama kuna, minuti. Ya me katukila munu, kaka ntangu yayi. Ntangu yayi, kaka, beto mona, kaka mwa ntangu fyoti, beno me mona. Yandi ke monana ti ya kele nyonso ya kulunga; Muklisto. Ntangu yayi beto mona. Ntangu yayi kaka kana Yandi ke tuba na beto kima yankaka yina ke vwanda. . . Yinga. Yandi yayi me vutuka diaka. Yinga, tata. Yandi kele—yandi kele. . . Yinga. Ya kele—ya kele kuvimba, ti ya kele, ti badokotolo ke katula. Mpe ya kele. . . Ya ke sala mpasi ya yandi. Kasi yandi ke tula kivuvu na Klisto samu na yawu.

585 Mpe yina kaka ve. Yandi me katuka awa ve. Mpe yandi me kuzwa muntu mosi na yandi. Ya kele bakala ya yandi. Mpe yandi ke na kubelaka, mpe. Ya kele kieleka. Nge ke kwikila ti Nzambi lenda tuba na munu, na yina mu ke na kutalaka kaka na bakala yayi awa, na vision yayi, yinki ke tambula mbote ve na yandi? [Mpangi-kento me tuba, “Yinga.”—Mu.] Mbote, tuba na yandi ti kwenda kudia madia ya yandi ya midi. Mpasi ya yandi ya estomac me bika. Nge ke kwikila ti ya kele Klisto yina ke na kusala yawu? Yinga? Nge me katuka na Tennessee, na Nashville. Ya kele kieleka. Mama Binkley. Mbote mingi. Nge lenda vutuka na yinzo ntangu yayi mpe kuvwanda mbote, nge na bakala ya nge. Nzambi sakumuna nge.

586 Nge ke kwikila Mfumu Yesu? Kana ya kele ve Mfumu Yesu mosi yina vwandaka awa na bilumbu yina lutaka, na Dibundu ya Nsemo ya nkokila! Beno fyongonina kento yayi, beno zonga na yandi, beno yufula yandi kana bima yina kutubamaka vwandaka kieleka. Kana beno ke kwikila kaka! Ntangu yayi beno me sepela ti Yandi kele Klisto mutindu mosi? Ntangu yayi, beno zaba ti mu lenda sala yawu ve. Mu kele muntu. Mu kele mpangi ya beno ya bakala. Kasi Yandi kele Nzambi.

587 Ntangu yayi beto mona. Yayi kele muntu yina ke landa? Beno kele nani vwandaka na mulonga ya bisambu? Mbote mingi.

588 Ntangu yayi, kieleka, kupakulama yina, beno me bakula, ya ke lembisa munu kaka, mutindu mu zaba ve yinki. Ntangu yayi, Yesu, ntangu mwa kento yina simbaka lele ya Yandi, Yandi tubaka, “Mu ke mona ti ngolo me basika na Munu.” Ya kele kieleka? Ya zola kutuba “ngolo.” Yandi me lembe. Mpe kana Yandi. . . Kana ya zolaka salama na Ndinga, Yawu mosi, yinki ya zolaka sala kaka na Ndinga mosi kwizaka na yandi? Yinki Yawu zolaka? Kana ya salaka yawu na Mwana ya Nzambi, yinki ya zolaka kwiza na munu, musumuki yina vulukaka na lemvo ya Yandi? Beno me mona? Ya me balusa munu kaka bisika nyonso mpe bisika nyonso. Beno me mona?

589 Kasi, ntete, mu kele awa samu na kumonikisa Yandi. Samu na ku-. . . Mu kele muntu ya mawa. Mu—mu ke balula ntima na

masumu ya munu nionso, ti—ti beno ke tala ve na yina mu kele; kasi beno tala Nani Yandi kele, ti beno ke tala mutindu yina.

<sup>590</sup> Ntangu yayi, mu kele nzenza samu na nge, mama. Mu zaba ve kento yayi, to. Beto kele banzenza mosi na yankaka. Ya kieleka. Ntangu yayi, kana Mfumu Yesu (mu zaba beno ve, mpe beno zaba munu ve), kana Mfumu Yesu kutalisa munu kima mosi, ti nge kele awa, kima yina beno me sala, to kima yina beno me sala ve, to kima mosi na mutindu yina, beno zaba ti ya ke vwanda, yina ke vwanda kimangu ya kulutila nene. Ya kele kima yina ba lenda tendula ve. Kimangu kele kima yina ba lenda tendula ve. Muntu nyonso zaba yawu. Beno me mona? Yina ke vwanda kimangu ya ngitukulu.

<sup>591</sup> Ya ke vwanda ya kulutila kimangu ti kana ya vwandaka na mama mosi ya kuvwanda awa na kiti ya bambevo, mpe kuzwaka arthritis, mpe nionso ya kutekama. Mu vwanda tuba na yandi, “Telama mpe tambula,” mpe yandi vwanda basika kuna, muntu nyonso vwanda boka na yawu. Kasi, beno me mona, kieleka ngolo ya—ya lukwikilu ya yandi na kukwikila, mpe kutelama kaka mpe kutambula, lenda sala yawu.

<sup>592</sup> Kasi kuvutuka kuna mpe kubasisa luzingu kisika mosi kuna, yina ke lomba ya kulutila yina. Ya ke lomba Nzambi kaka, kisika beno lenda tuba, beno me mona, beno zaba kana ya kele kieleka.

<sup>593</sup> Ntangu yayi, kima mosi salamaka, kisika yankaka. Ntangu yayi beno vingila. Ya me bikana awa. Ya me kwenda na . . . me kwenda na kivinga, kisika mosi kuna, kisika mosi kuna. Ya me kwenda ntangu yayi.

Beno vingila fioti. Beno bika mu solula na kento yayi diaka.

<sup>594</sup> Ntangu yayi, beno vwanda kaka na luzitu mpe beno tala mbote ntangu yayi. Beno sambila kaka, beno sambila kuna. Mu zola ti beno sambila, “Mfumu, bika yawu vwanda munu.” Bayankaka na kati ya beno bantu yina kele kuna, yina ke vwanda ve na ndonga ya bisambu, beno sambila kaka.

<sup>595</sup> Mu ke tuba na beno diaka, samu na ku- . . . samu na lukwikilu ya beno. Beno me mona? Kana ya lendaka salama na kento yina yankaka, ya lendaka salama na beno. Ya kele lukwikilu ya beno. Beno me mona? Beno kele yandi yina ke salaka yawu. Ya kele munu ve. Ya kele lukwikilu ya beno na Nzambi. Beno me mona?

<sup>596</sup> Yesu tubaka ata fioti ve, “Oh, mu zabaka ti mu ke kutana na kento yina kuna.” Ve.

<sup>597</sup> Kasi ntangu mvumbukulu ya Lazare ke kwiza, ntangu yayi, ya kele yina Nzambi lakisaka Yandi na kusala. Beno me mona? Nzambi tubaka, “Kwenda ntama.” Mpe Yandi—Yandi siamisaka kaka yina Yandi vwandaka. Yandi kwendaka. Mpe kuna ntangu Yandi vutukaka, Yandi tubaka, “Lazare me lala.” Mpe Yandi vutukaka, mpe kwendaka mpe vumbulaka Lazare na ntoni.

Yandi bokilaka moyo ya yandi, na manima yandi kwendaka bilumbu yiya. Yandi tubaka ata fioti ve ti Yandi lembaka kuna. Yina vwandaka Nzambi vwandaka sadila dikabu.

<sup>598</sup> Kasi, yayi, ntangu kento yina simbaka Yandi, ya vwandaka kento yina vwandaka sadila dikabu ya Nzambi.

Mpe ya kele kima mutindu mosi awa. Ya kele beno ke na kusalaka yawu.

<sup>599</sup> Ntangu yayi, na zulu ya yayi, na banzietolo ya kuzomba, kisika . . . Mu monaka ulusu, mpe kisika bima ya kuswaswana, mpe bima nionso yayi ya kuswaswana yina ba zonzaka na ntwala awa, ba tubaka samu na yinki ya ke salama, mpova na mpova. Ya kele Nzambi. Ya nyongisaka munu ve.

<sup>600</sup> Kasi ntangu bantu bandaka na kusadila dikabu ya Nzambi, beno me mona, beno me kuma kisadi ya Nzambi na ntwala ya bantu, samu ti beno kota kaka na ndonga. Beno me mona?

Mpe kuna beno ke simba Yandi na nzila ya yawu, kuna Yandi ke zonza. Beno me mona?

<sup>601</sup> Ntangu yayi, yinga, ntangu yayi kento ke na kwiza na vision. Yandi ke na kwiza, to vision ke na kukotaka. Ya ke talana mutindu ti beno lenda mona yawu pene-pene ya yandi. Kento yayi kele mbevo. Yandi kele kieleka mbevo. Yandi ke na kubela, kima mosi, na mpasi ya estomac, yandi ke na kubela mingi. Telemisa diboko ya nge kana ya kele kieleka. Mpe nge kele na bampasi mingi ya bima. Ya kele kieleka.

<sup>602</sup> Beno kele mpe na muntu na beno. Ya kele bakala ya beno, mpe yandi kele ya kubela. Kana Nzambi ke monisa na munu, na bakala ya nge, yina ke tambula mbote ve na yandi, nge ke kwikila ti mu kele profete ya Yandi? Bakala yayi kele ya kukwamisa na meso ya yandi, na makutu ya yandi, mpe yandi kele na mutindu ya yimbi mingi. Yinga, tata.

<sup>603</sup> Nge ke kwikila ti Nzambi zaba nani nge kele? [Mpangi ya kento me tuba, “Yinga.”—Mu.] Nge ke kwikila ti mu kele profete ya Yandi, mumoni ya Yandi, kana mu tuba na nge nani nge kele? [“Yinga.”] Nge ke kwikila yawu? Mama Robertson. Mpe nge me katuka na Huntsville, ya kele Alabama. Vutuka, nge na bakala ya nge, mpe beluka.

<sup>604</sup> Nge ke kwikila? “Mambu nionso ke salama na bayina ke kwikilaka.” Kana beno lenda kwikila, kana beno baka kaka—baka kisika ya beno mpe kukwikila ti Nzambi ke salaka yawu. Ntangu yayi, kutula ntembe ve, kasi kwikila kaka na ntima ya nge ya muvimba, ti Nzambi ke pesa nge kubeluka yayi, mpe beno lenda kuzwa nyonso yina beno ke lomba.

<sup>605</sup> Mbote mingi, tata, nge me kwiza ntangu yayi. Beto mona. Nge kele muntu yina ke landa awa? Mbote mingi, tata. Mu banza ti beto kele banzenza, mosi na yankaka, tata. Kana . . . Yesu kwisaka na muntu mosi na nkumbu ya Simon, yandi tubaka

na yandi kondisyo ya yandi, mpe ya salaka ti Simon kukwenda mpe kukwikila, na ntima ya yandi ya muvimba. Ya ke sala ti nge sala kima mutindu mosi? [Mpangi-bakala me tuba, “Yinga.”—Mu.] Ya ke sala yawu. Mbote, beto kele banzenza.

606 Ntangu yayi, Nzambi kele ve ya kuswaswana na kati-kati ya bakala to kento. Yandi kele kaka mutindu mosi. Yandi kele Nzambi. Beno me mona?

607 Mpe beno ke sala yawu, beno ke kwikila ti (nsatu yina kele na ziunga ya beno ntangu yayi), ti Nzambi ke vwanda na kiyeka ya kumonisa beno, na nzila ya munu, kisadi ya Yandi, ti kima mosi nge kele awa, kima mosi ke tambula mbote ve na nge, nionso yina ya lenda vwanda? Mbote, beno ke zaba kana ya kele kieleka to ve. Mbote mingi. Ti Yandi pesa yawu.

608 Bakala yayi ke na kwiza na vision, to vision ke na kwiza na kati ya muntu. Yandi kele awa ve samu na kimbevo. Yandi kele awa samu na kusosa mbotika ya Mpeve-Santu. Ya kele yina yandi ke na kusosa. Ya kele kieleka, tata. Yinga, tata. Mpe beno me katuka awa ve. Beno me katuka na nzila awa, kisika ba ke bokilaka Seymour, na Indiana. Ti, ya kele—ya kele kisika beno kele. Ba ke bokilaka beno, “Bill.” Bill, vutuka, kuzwa Mpeve-Santu, na Nkumbu ya Yesu Klisto. Kwikila.

609 Kwiza, mama. Nge ke kwikila ti mu kele profete ya Yandi? Nge ke kwikila ti Yesu Klisto, Mwana ya Nzambi, kele moyo? Mpe beno ke kwikila ti ya kele Yandi me pesa muswa na yayi na kusalama mutindu yayi? Beno ke kwikila yawu?

610 Bantu yikwa kele na beto? Yinki? Beno me mona, mu zola lemba mingi ve. Mbote mingi.

611 Ve, ya kele kima mosi ve; beno kele awa ve samu na beno mosi. Beno kele awa samu na muntu yankaka. Mpe ti muntu yankaka kele awa ve. Kana mu ke tuba na beno yina kele dyambu na muntu yankaka yina, beno ke ndima kubeluka ya nzutu, mpe beno baka mpe beno kwikila? Ya kele cancer. Beno ke kwikila ti ba ke beluka? Na yina kwenda, na Nkumbu ya Mfumu Yesu, mpe kwikila. Beto kaka . . .

612 Beno ke kwikila, beno nionso? Beno ke kwikila ti kupakulama yina ya Mpeve-Santu? Yandi kele mbote ve? Beno ke kwikila? Mbote mingi.

613 Ntangu yayi, bantu yikwa kele na beto? Bambala zole, zole to tatu, kele nsiamisa. [Muntu mosi me tuba, “Tatu.”—Mu.] Yinki beno ke tuba? [Muntu yankaka me tuba, “Ya kele yiya yina nge kele na yawu.”] Yiya? [“Yinga.”] Yayi kele ya tanu yina me telama awa? Mbote mingi.

614 Beto—beto kwikila na ntima ya beto ya muvimba, ti Yesu Klisto Mwana ya Nzambi kele mutindu mosi mazono, bubu yayi, mpe kukonda nsuka.

615 Nge kele awa samu na bébé yina. Kana Nzambi ke talisa na munu yina ke tambula mbote ve na bébé ya nge, nge ke kwikila ti Nzambi ke belusa yandi? Mwa mwana yayi kele na mpasi ya ntima. Ya kele kieleka. Bé- . . . beno kele ve, bébé kele ve ya awa. Yandi kele ya ngaanda ya mbanza. Yandi kele na ngaanda ya kizunga. Nge ke kwikila ti Nzambi lenda tuba na munu kisika bébé me katuka? Nge ke kwikila, mpe ke kwikila ti yandi ke beluka na ntangu yina? Beno vutula yawu na Franklin, na Kentucky. Yinga, mama, mpe beno kwikila na ntima ya beno ya muvimba. Kana beno ke kwikila, ya kele kaka yina beno fwana kusala.

616 Bika—bika . . . Kwisa awa na mwa ntangu fioti. Mu ke fundisa kima yina ya yimbi. Na Nkumbu ya Yesu Klisto, ti lufwa kukwenda, mpe luzingu kukwiza.

“Bawu ke tentika maboko ya bawu na zulu ya bambevo, bawu ke beluka.”

Beno zola kukwenda kudya? Beno banza ti Yandi ke sala beno kuwa mbote? Beno kwenda na ntuala. Ya me bika beno ntangu yayi. Amen.

617 Nge ke kwikila ti kimbevo ya bakento ke bika nge? Mbote mingi. Kwenda na kiti ya nge mpe tuba, “Matondo na Nge, Mfumu.”

Wapi faso, tata? Oh, dyabulu yina, asthme!

618 Na mwa ntangu fioti. Na mwa ntangu fioti ntangu yayi. Kima mosi me tambula mbote ve . . . Kima mosi me tambula mbote ve; yandi me kwenda kaka. Ntangu yayi, ya kele na kima na kati awa, mutindu mosi, yina me simba kaka bakala yina na ntangu yina. Bika mu mona diaka yina ya vwandaka. Ntangu yayi beno tala kaka munu. Beno tuba kima mosi ve. Kaka mwa ntangu fyoti.

619 Ya kele muntu ya ndombe, ya kuvwanda kaka awa na manima, ke tala munu. Ya kele ya yandi. . . yandi kele—yandi kele na muntu yina kele ya kubela. Ya kele kieleka. Asthme mpe sinusite. Ya kele kieleka. Nge me simba Yandi. Nge me katuka awa ve, tata. Nge me katuka na Esete, na node esete, na lweka *yayi*. Nge me katuka na New York. Yinga, tata. Ya kele kieleka. Nge kele Tata Hunt. Nge ke kwikila ntangu yayi. Mbote mingi, tata. Ya kele mbote.

620 Yina kele nkundi ya nge ya kuvwanda kuna pene-pene ya nge, ke sambila. Nge ke kwikila munu, tata, kuvwanda profete ya Nzambi? [Mpangi-bakala me tuba, “Yinga.”—Mu.] Beno ke kwiza awa na yandi. Nkumbu ya nge kele Coleman. Mpe beno—beno ke sambila samu na tata. Yina kele na mpasi na ntima. Ya kele MUTINDU ME TUBA MFUMU. Kwikila. Kwenda, kwikila ntangu yayi, ya ke bika nge.

621 Nge kele na estomac, ke pesaka nge mpasi. Ya kele kieleka ve? Kwenda, kudya. Na Nkumbu ya Mfumu Yesu.

Nge ke kwikila ti Yandi me belusa nge? Vutuka kaka mpe tuba, “Matondo na Nge, Mfumu Yesu.” Kwikila na ntima ya nge ya muvimba.

622 Nge ke na mpasi ya kudasuka, nge ke na kubelaka, mpe nyonso yina. Kwikila na ntima ya nge nyonso. Vutuka mpe beluka.

623 Kidi-kidi. Kwikila kaka na ntima ya nge ya muvimba. Kwikila ti Nzambi ke belusa nge, mpe Yandi ke sala yawu. Kusala ntembe ata fyoti ve.

624 Kidi-kidi mpe mpasi ya ntima. Nge ke kwikila ti Yesu Klisto ke belusa nge? Kwenda, beluka, na Nkumbu ya Yesu.

625 Kidi-kidi, kunionga, mpasi ya estomac ke na kukwamisaka nge na kondisyo gastrique na estomac ya nge ke sala nge luka madya. Kwenda, kusala ntembe ve na kati ya ntima ya nge; mpe ya ke salama ti, nge ke kuzwa dyaka yawu ve.

626 Mukongo ya nge me nyongisa nge. Nge ke kwikila na ntima ya nge ya muvimba? Na yina kwenda, mpe Yesu Klisto belusa nge na yayi.

627 Kaka mwa ntangu fyoti. Beno vwanda swi, kaka mwa ntangu fyoti. Ntangu yayi kima kusalamaka. Kento yayi awa kele ngitukulu. Nsemo yina ziungaka yandi, na mbangu ya kieleka, na manima kwendaka ntama, mpe vutukaka diaka mbangu. Kima mosi salamaka. Kaka mwa ntangu fyoti. Ya vwandaka muntu ya ndombe, mu ke kwikila ti ya vwandaka ve mpangi ya bakala ya ndombe kuna, samu ti ya kwizaka. . . Vingila fioti. Yawu yayi. (Vutuka na manima, Billy.) Yawu yayi.

628 Ya kele bakala yayi ya kuvwanda awa, muntu ya ndombe. Nge kele na mpasi na mukongo, mpe. Ya kele kieleka. Nge kele nzenza samu na munu. Mu kele samu na nge. Kasi ya kele na kima mosi yina beno kele na nsatu ya kulutila mpasi ya mukongo, ya kele, pesa ntima ya beno na Klisto, kukuma Muklisto. Beno kele ve. . . Beno ke ndima Yandi mutindu Mvulusi ya beno? Beno me katuka na Ohio. Ya kele kieleka. Na Ohio. Vutuka, beluka. Yesu Klisto ke lemvo kila masumu ya beno, mpe beno lenda kwenda na yinzo mpe kubeluka. Ntangu yayi nionso me mana. Ntangu yayi beno lenda vutuka na yinzo. Beno kwikila na ntima ya beno ya muvimba.

629 Mbote mingi, mpangi ya kento, kwiza. Poto-poto, mpe kidi-kidi, mpe ya kulemba. Nge ke kwikila na ntima ya nge ya muvimba ti Nzambi ke belusa nge? Kwenda na kiti ya nge, mpe tuba, “Matondo na Nge, Mfumu Yesu, samu na nyonso yina Nge me sala samu na munu.”

630 Nge ke kwikila ti Nzambi ya Ngolo nyonso ke belusa nge, mpe belusa mukongo ya nge, mpe belusa nge, mpe belusaka

kimbevo ya ba-rein, kusala . . . ? Kwenda—kwenda kaka na nzila ya nge, na kusepela, mpe tuba, “Matondo na Nge, Mfumu Yesu.”

<sup>631</sup> Nge ke kwikila, mwana, Yandi ke belusa nge? Tuba, “Matondo na Nge, Nzambi ya luzolo.” Kwenda, kembila Nzambi.

<sup>632</sup> Ntangu yayi nge ke kwikila na ntima ya nge ya muvimba, mpangi-kento? Na yina kwenda, mpe Yesu Klisto me belusa nge.

<sup>633</sup> Na mwa ntangu fioti. Ve, ya wandaka yandi ve. Na mwa ntangu fioti. Ya wandaka ve mama kuna. Kaka na sekonde mosi ntangu yayi. Na mwa ntangu fioti.

<sup>634</sup> Yandi monaka kukota ya maza kukota na kima mosi. Muntu mosi kele awa yina me sabuka mubu, kisika mosi. Ya kele kento, mpe yandi me katuka Hollin. Wapi kisika yandi kele? Yandi yayi. Mbote mingi, mpangi ya kento. Nge me kwiza ntama mingi samu na kubeluka ya nzutu. Nge ke kwikila ti mu kele profete ya Yandi? [Mpangi ya kento me tuba, “Oh, yinga.”—Mu.] Nge ke na kimbevo ya rhumatisme, mpe arthritis, kukangama. Kwikila na Mfumu Yesu Klisto, mpe nata Nsangu na bantu ya nge. Nzambi sakumuna nge. Ya ke bika nge mpe nge lenda kwenda mpe kubeluka. Amen.

Nge ke kwikila?

<sup>635</sup> Awa, ntama mingi ve awa na manima, ya kele kento yina kele ya kuvwanda kaka awa na manima. Mpe yandi ke na kimbevo ya vésicule biliaire. Oh, yandi ke kondwa yawu. Nzambi, sadisa munu. Yandi—yandi me katuka na Indianapolis. Nkumbu ya yandi kele Giler. Telama kisika nge kele, mama. Yawu yina. Beluka, na Nkumbu ya Yesu Klisto.

<sup>636</sup> Beno nionso ke kwikila, na bantima ya beno ya muvimba? [Dibuundu me tuba, “Amen.”—Mu.] Beno bika . . . Yesu me vumbuka na lufwa? [“Amen.”] Yandi kele mutindu mosi mazono, bubu yayi, mpe kukonda nsuka? [“Amen.”] Beno tentika maboko ya beno na zulu ya mosi na yankaka mpe beto sambila, na yina mu ke sambila samu na Mpangi ya kento Kelly.

<sup>637</sup> Mfumu Yesu, bika Ngolo ya Nge ya Santu kukota na dibuundu ntangu yayi! Mpe ti Yawu kubwa mpe na mpangi ya beto ya kento awa samu na kupesa luzingu ya yandi, Mfumu. Pesa yandi kubeluka ya nene yayi yina yandi ke na kulomba, Mfumu. Belusa bantu ya Nge awa. Baka nkembo na Nge mosi. Pesa yawu, Mfumu.

<sup>638</sup> Mpe ti bantu yayi awa yina kele ntangu yayi na maboko ya bawu na zulu ya mosi na yankaka.

<sup>639</sup> Satana . . .

Beto me kuma ntangu yayi na bamuswale yayi; na Nkumbu ya Yesu Klisto, ti muntu nyonso kubeluka. Mfumu, siamisa Ndinga ya Nge na bidimbu ke landa.

<sup>640</sup> Mpe ntangu yayi, Satana, nge dyabulu ya yimbi, ba me nunga nge. Nzambi tubaka ti Yandi ke vutula Mwana ya Nzambi, na Yandi yina beno tekaka na nzila ya ba-credo ya beno. Yandi silaka na kuvutula Dibuundu na mitindu ya yawu ya ntama, ntangu Bansemo ya nkokila ke lezima. Mpe beto ke na kuzinga na kati ya Yawu. Mpe samu na kupema, beto kele na muswa, beto kele na Nzonzi ya beto, beto kele na Nzonzi ya beto, Nganga-Nzambi ya beto ya Ntete, mpe beto ke tuma na ngolo yina kulomba yango. Beno me kanga bawu ntangu mingi. Beno lenda dyaka ve kusala yawu. Beto ke tuma nge, na Nkumbu ya Yesu Klisto, na ngolo ya mvumbukulu ya Yandi mpe Mpeve-Santu yina kele awa ntangu yayi: Basika na kati ya nkonga ya bantu yayi! 🐦

62-0422 Mvutukulu Ya Yinti-Kento Ya Makwela  
Branham Tabernacle  
Jeffersonville, Indiana U.S.A.

KIKONGO-KITUBA

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)